

74.200кз  
ЭКБ7

# Талжан Жұтабаев

61912  
ПЕДАГОГИКА

بۈگۈل جىز جۈزىيەن بىشىڭىچىلىرى مۇھىتىگەرلەر

ماضىچان جۇڭماپاڭقى.

# پىپدا گو گىكى.

(بالانى تاربىيا قىلو جولىدارى.)

М. ЖУМАЛГЕВ.

## ПЕДАГОГИКА.

Издание 2-е

2 نىچى باسېلەزى

ТУРКЕСТАНСКОЕ  
ГОСУДАРСТВЕННОЕ  
ИЗДАТЕЛЬСТВО.  
Ташкент. 1923 г.

ئۆزى سەنابىدە ئەسىز. م  
مالاتىلىق.  
قىچىرىتىق. 1923 جى 2-

Матжан  
Жұтабаев

---

---

**ПЕДАГОГИКА**

Үшінші рет басылуды

АЛМ

74.200К23  
3488

Алғы сезін жазып, баспаға дайындаған —  
филологияның докторы Ш. Р. Елеуkenов

031912

М. Жұмабаев

Педагогика.— Алматы: Ана тілі,  
1992.— 160 бет. (Халық қазынасы)

ISBN 5-630-00194-9

Магжан Жұмабаев — қазактың үлкі ақыны. Әйтсе де ал аса дағындық ақыншылық мен бірге үстаздықты мұрат етті. сол жолда оқулық, методикалық сипатта сибектер де жағдап жар. Эрінде оның бәріне жеке-жеке тоқталып жатпайды, осы «Педагогика» атты ғылыми, публицистикалық оқулықтын Магжан Жұмабаевстың көзі тірісінде екі рет жарық көрүніп, ол күнделіктердегі ғылыми мәнді. мәннезділігінің дәлелді 1922 жылы Орынборда жарық көрісімен, келесі 1923 жылы Ташкенде кайта басылып шыгады.

Кәсір де «Педагогика» ата-аналтарға, мұғалімдерге, студенттерге, жалпы оқушылардың таптырынас, аса қызығылдаматы бағалаған сибек.

Ж 4303000000—001  
415(05)—92 032—93

ISBN 5-630-00194-9

012

*Қазақтың көрнекті ақыны  
Мағжан Жұмабаевтың тұғанына  
100 жыл толуына арналады.*

## М. ЖУМАБАЕВТЫҢ «ПЕДАГОГИКА» КІТАБЫНЫҢ ҮШІНШІ БАСЫЛУЫ ТУРАЛЫ БІРЕР СӨЗ

Мағжан Жұмабаевтың «Педагогика» («Баланы тәрбие қылу құралы») атты әрі оқулық, әрі методикалық сипатты кітабы ақынның көзі тірісінде екі мәрте жарық көрген. Бірі — 1922 жылы Орынборда, бірі — 1923 жылы Ташкент қаласында. Еңбектің окушыға үзак жылдардан соң ұсынылып отырған үшінші басылымы сонғы нұсқасы бойынша алынып отыр.

Мағжан Жұмабаев — казактың кеменгер ұлт ақыны. Ұлтының бакыты үшін өз бакытын құрбандықка шалғандардың бірі. Қынаптағы семсердей, халқының итілігіне не істеуге жұмсаса да даяр болған. Мен ақынмын, көкте жүзуім керек демей, казакты оятуға сезбен ғана емес, іспен кіріскен. Ол бір жағы үстаздары, бір жағы әріптестері Ахмет Байтұрсынов пен Міржакып Дулатов біреуі тіл маманына айналып кетсе, біреуі бір колымен роман, бір колымен есеп оқулығын жазса, Мағжан үстаздық етумен шұғылданған, оның үстінен оқу-методикалық құралдарын жазған. Қазақстанда сауатсыздықты жоюда Мағжан жазған, әлденеше рет ондаған мын тиражбен басылған «Сауатты бол!» оқулығы шешуші орын алды десек, асырып айтқандық болмайды. Ал ақынның «Педагогика» кітабы, айттарға жок, казак баласын тәрбиелеуде күні бүгінге дейін мүгілім, жалпы казак қауымы үшін таптырмайтын үлгі.

Kitap negizgi on bes bolimnen tūradы. Onda denе. tәrbiesi men ruhanı tәrbieniң (Maғjan «жан тәrbiesi» дейді) мәселелері жан-жақты және терен камтылады. Еңбектің ғылыми сындарлы жүйемен, ойы мен сезі бос шығындалмай, үнемді, ұтымды жазылғаны соңша. бұл кітапты республикамызда баспа ісінің жайы

балан кезде шықкан деп тіпті де ойламайсын. Мағжан кітабының Орынборда шықкан нұсқасына М. Жолдыбаевтың «казакка «Педагогика» кітабы «Інжілдей». Мағжан азамат Иса пайғамбардай болды» деуінде үлкен мән бар. Өйткені бұл еңбек кәжетті білімді салқын қанды, қасаң тілмен жеткізетін әлдебір оқулыктардай емес-ті. Ғылыми тіл — абстрактылы, Мағжанша айтқанда, жалтаңаш тіл. Эрбір пайымдауының астарынан автордың мінезін, сырын біле алмайсын. Ат мына кітаптан акын жүргегінің дүрсілі кулакқа анық жетеді. Мағжанның казак баласының бесікке салып беленуінен бастап, тәй-тәй басқан әр қадамына елжірей көз салуы, кайтсе ол нағыз жігіт, азамат болады, осы заманғы өркениет ересіне кол артады деп толғануы тажап. Мұндай мейірбандылықты анасының баласына деген мейірбандылығымен ғана салыстыра аласын.

Біз кітапты араби кадым графикасынан кириллицаға аударған кезде түп нұсканы барынша сактауга тырыстық. «Барынша» дейтініміз — кей сөздердің жазылу мәнерін оқылуы жеңіл болсын деген ниетпен бүгінгі талап дентгейінде сал өзгертуік. Ондайлар көп емес. дегенмен баршалық. Мысалы, «сабап» деп жазылған сөз « себеп» деп, «мактаб»—«мектеп», «әдабият»—«эдебиет» деп өзгертуілді. «Фән», «файдалы» деген сөздер казіргі жазылу ретімен, «пән», «пайдалы» деп берілді. Алайда «хата», «хиял», «бахыт» деген жекелеген сөздер сол күйінде қалдырылды.

Мағжан стилистикасына ешқандай өзгеріс енгізілмеди. Мәселен жиырмасынышы жылдардың басында «тәрбиелеу» демей, «тәрбие қылу» деп жазады еken. Міне, мұндайға кол сүкканымыз жок. Архаикаға шыбып кеткен кей сөздерді ұшыратқанда, оларды казір де пайдалануға болмас па еken?— деген ойға қатық. Мысалы, «бізді арсыға аяқ басқызып, тәнірімен тілдестірген «фантазия» деген сыйылды. Әсірессе Мағжан колданған терминдер бүгінгі ғылыми, әдеби қауымды ойтандыру тиіс. Күні бүгінге дейін «нравственность» деген сөздің дәлме-дәл баламасы табылмай жүргені мәлім. Бірде «адамгершілік» десек, бірде «имангерлік» деген сөздермен тәржімалап журміз. Мағжан «нравственность» деген сөзді «құлықтылық» деп аударған. «Прекрасное» атты эстетикалық терминді «сұлұлық» депті.

Кітапты акын жазғандықтан, ол педагогика пәні шарасынан асып-төгілуге тиісті еді, солай болған да.

Бірак мұның өзі ғылыми жүйеден ауытқу есебінен емес, мәселені жеріне жеткізе терен толғап талдау, әсіресе шыгарманы казақ өмірімен тығыз байланысты жазу негізінде қамтамасыз етілген. Магжан оқулығының көркем сөз, публицистикалық шешендікке салып кеткен жерлеріне тіпті рахаттанып, әрі тың пікірлерге молығып, сүйсініп отырасын.

Данаалық ешқашан көнермейді. Қайда апарып көмсөн де, бір күні алтын секілді тот баслаған қалпында жарқ етіл шыға келеді. Магжанның: «Ұлтка тұлғанен басқа қымбат нәрсе болмасқа тиісті» деген сөздерін оқығанда, ақын бүгінгі Бетбұрыс дәуірі мінбесінен сөйлеп түргандай әсер аласын.

Осы себептерден де Магжан Жұмабаевтың «Педагогика» кітабы тарихи ескерткіш есебінде ғана қабылданбайды. Асыл аға кітабы бүгінгі ғалым мен шәкіртке жазушы мен оқырманга баршамызға осы пайдалы, қызығылдықты да күнды шыгарма. ↗

Шеріаздан Елеуkenov,  
филология ғылымдарының докторы.

1991 жыл, қазан айы.

## ТАРТУ

Казақтың қаны бір, жаны бір  
жолбасшысы — мұғалім.

Еліміздің азгана жылдық ояну дә-  
уіріне баға беру үшін алты алаштың ба-  
ласы бас қосса. қадірлі орын — мұ-  
ғалімдердікі!

Бірге оқысқан, бірге оқытысқан,  
жылдарымыз бір, жолтымыз бір, қазақ  
мұғалімдері!

Колымнан келген осы еңбегімді  
сөндерге тарту қылам.

Ниетімнің газалығы үшін тар-  
туымды қабыл көріп алыңыздар.

Магжан Жұмабаев

## СӨЗ АЛДЫ

### Бірінші басылуына

Бұл кітап 2—3 жыл бұрын қысқа уақыттық мұ-  
ғалімдер курсында оқылған дәрістерден түзілген еді.  
Бұл күнге шейін басылып шығып, жарық көре алмады.  
Бұл айып менікі емес. Бұл інген замандікі.

Кітапты бір орыс кітабынан тұра тәржіма деуге  
болмайды. Алдыма бір кітапты жайып койып, бұрыл-  
мастан көшіре бергенім жок. Тәрбие ғалымдарының  
пікірлерін таңдал атуға үмтүлдім. Шамам келгенше  
казақ жанына қабыстыруға тырыстым. (Көп пайдаланыл-  
ғаны — Рубинштейн, Скворцов. Смирновтардың педа-  
гогика туралы еңбектері.)

Бізде бұрын жасалған пән тілі болмағандықтан,  
түрлі терминдерге тап басқандай казақша сөз табу көп  
күшке тиіді. Қалайда, курстарда оқыған мұғалімдердің  
жәрдемімен таза орыс сөздері казақшага айналышылады.

Ал енді, жиһан тілі болып кеткен шет сөздерді казакшага аударам деп азаптануды тиісті таппадым.

Мен педагогика майданында бәйгі алып жүрген жүйрік емеспін. Кітаптың құрылышында, тілінде, түрлі ат коюда, хатта кітаптың жалпы негізінде көп кемшіліктер болуға мүмкін. Мұғалімдер тексеріп оқып, хата жерлерін көрсетсе, сансыз ракмет айттар едім.

Мағжан Жұмабаев.

1922 жыл, 15 сентябрь, Кызылжар.

### Екінші басылуына

«Педагогика» баспаға екінші рет үсак түзетулермен берілді.

Тізуши. 1923 жыл. Июнь. Ташкент.

## ЖИНАҒЫ

1. Сөз алды.

2. Жетекші сөз. Тәрбие деген не? Тәрбие бөлімдері. Тәрбиеден максұт. Педагогика қандай пән? Педагогика жәрдемші пәндер.

3. Педагогика балімдері. Жалпы педагогика. Дене тәрбиесі. Өлшеу, жылалық. Дем атұ. Тамыр соғу. Бала бөлмесі. Баланың тамагы. Қолдан асырау. Емізік. Арасы тамактандыру. Тамактандыру тәртібі. Емшектен айыру. Екі жасар һәм үш жасар баланың тамагы. Баланы шоымылдыру. Киім. Балеу һәм бесік. Үйқы. Баланың козгалтуы. Серуен. Ticey.

4. Жан тәрбиесі. Педагогика пәні. Жан көріністерінің дене көріністерінен айырmasы. Жан көріністері мен дене көріністері арасындағы байлау. Жан көріністерін тану жолдары: өзін бакылау жолы. Бакылау. Жан тәрбиесінің түзу болу шарттары. Нерв системасы. Нерв системасының қызметі. Нерв системасының саулығын сактау. Нерв системасын өсіру һәм берік кыту.

5. Жан көріністерін тап-тапқа болу. Ақыл көріністері яки жанның білуі. Эсерлену. Эсерлену үғымы. Эсерлену көрінісі қалай болады. Эсерлену көрінісінің болу шарттары. Эсерленудің іші, күші һәм тоны. Эсерленуді орындастыру. Перцепция. Апперцепция. Иллюзия. Баланың эсерленулері.

6. Эсерленуді балу. Жалпы сезім яки дене эсерленулар. Сыртқы сезім эсерленулар. Көру. Баланың көру эсерленуі. Көру сезімін тәрбие қылу. Көру сезімінін жан тұрмысына керектігі. Есту сезімі. Баланың есту эсерленулар. Есту сезімінін жан тұрмысына керектігі. Есту сезімі. Баланың есту эсерленулар. Есту сезімін тәрбие қылу. Есту сезімінін жан тұрмысына керектігі. Сипау сезімі. Ет сезімі. Иіскеу һәм тату сезімдері.

7. Абай. Абайдың түрлөрі. Баланың абайы. Абайдың кымбаттылығы һәм оны тәрбие қылу жолдары. Абайты болмау себептері.

8. Суреттеу. Суреттеу ұғымы. Суреттеу мен эсерлену арасындағы айырма. Галлюцинация. Суреттеудердің белінуі. Баланың суреттеулар. Суреттеулар ассоциациясы. Жакындық ассоциациясы. Тұкымдастық ассоциациясы.

9. Ес (зейін). Көру есі. Есту есі. Адам өмірі үшін естудің керектігі. Баланың есі. Есті өркендету жолдары. Адамның жасындағы өзгеріске карай ес өзгерісі.

10. Хиял. Еріксіз һәм ерікті хиял. Баланың хиялы — фантазиясын тәрбие қылу жолдары. Баланың фантазиясы һәм оның өркендеуі. Ертегі. Баланың ойыны. Жалғы һәм жалпы ойын. Ойнышыктар.

11. Ойлау. Ұғым һәм оның жасалуы. Ұғым мен суреттеу арасындағы айырма. Ойлау мен хиял арасындағы айырма. Ұғымның іші мен ауданы. Ұғымдардың ішіне қарап белінуі. Жалаңаштау. Ұғымдардың көғамына қарап белінуі. Жалпылау һәм шектеу. Хұқм. Хұкмнің жасалуы. Ұғым мен хұқм арасындағы айырма. Хұкмдердің белінуі. Ой шығару. Ой шығару қатай жасалады. Дедукция. Силлогизм. Толық һәм шолак силлогизм. Силлогизмдердің белінуі. Силлогизмнің дұрыс белу шарттары. Силлогизмнің керектігі. Индукция. Аналогия. Гипотеза. Баланың ойлауы. Ойлаудың жан тұрмысы үшін керектігі һәм оны өркендетудің жолдары.

12. Тіл. Жанның жайын жарыққа шығару жолы. Тілдің адам өмірінде һәм ұлт өмірінде үстаган орыны. Баланың тілі.

13. Ішкі сезім көріністері яки көніл. Ішкі сезімдер. Эсерлену мен ішкі сезім арасындағы айырма. Ішкі сезімдердің жасалуы. Сыртқа шығару. Ішкі сезімдердің

белінуі. Жан күйі. Аффект. Баланың ішкі сезімдері. Ішкі сезімдердің адам өміріндегі ұстаган орыны. Ішкі сезімдерді тәрбиелеу. Тәрбиеден мақсұт һәм тәрбие жолдары. Өзімшілдік сезімдерінен. Ашу. корқу. Ойлау сезімдері. Көпшілтік сезімдерінен. Аяу һәм достық. Іш пысу, зерігу. Сұлулық сезімдері. Сұлулық сезімдерін тәрбие қыту. Құлық сезімдерін өркендету жолдары.

14. Қайрат. Қайрат түрлері. Қайрат қалай жасалады. Қайраттың керектілігі. Қайратты өркендету жолдары. Әдет. Құмарлық. Мінез. Мінездің жасалтуы. Төрт темперамент. Мінез тәрбиесі.

15. Баланың жалпы жаратылышы.

## ЖАЛПЫ ПЕДАГОГИКА

### ЖЕТЕКШІ СӨЗ

#### Тәрбие деген не?

Тәрбие кең мағынасымен алғанда, қандайда болса бір жан иесіне тиісті азық беріп, сол жан иесінің дұрыс өсуіне көмек көрсету деген сөз. Ал енді, адамзат туралы айтқанда, адамның баласын, кәміл жасқа толып, өзіне өзі кожа болғанша, тиісті азық беріп, өсіру деген мағынада жүргізіледі.

Адамзат дene һәм жан аталған екі бөлімнен тұратындықтан, бұл екі бөлімнің сонғысы, яғни жан, адамзат үшін аса қадірлі болғандықтан, дұрысын айтқанда, адамға шын мағынасымен «адам» деген атты осы жанғада беретіндігінен, адам баласын тәрбие қылу дегенде, әрине, адам баласының әсіресе жағын тәрбие қылу керек деп үгу керек.

Жер жүзіндегі басқа жан иелерімен салыстырғанда, адам баласы туғанда өте әлсіз, зағып, осал болып туады. Малдың төлі тұра сала аяктанады. Тауықтың балапаны жұмыртқадан жарылысымен жүгіріп кетеді. Ал адам баласы туғанда інгалаған айғайы мол бір кесек ет. Ақылы, есі жок. Денесі тым әлсіз. Өсуі, ұлғаюы тым сараң, тым шабан. Мінекей, адам баласы осылай өте әлсіз бол туып,

аса сараң өсетіндігінен, оның денесіне, жа-  
нына азық беріп, өсуіне көмек көрсетпей,  
яғни оны тәрбие қылмай болмайды.

### Тәрбие бөлімдері

Тәрбие төрт түрлі: дene тәрбиесі, ақыл  
тәрбиесі, сұлулық тәрбиесі һәм құлыш тәр-  
биесі. Егерде адам баласына осы төрт тәр-  
бие тегіс берілсе, оның тәрбиесі түгел бол-  
ғаны. Егерде ол жөпшенді ыстық, сұық, аш-  
тық, жалаңаштық сықылды түрмиста жиі  
ұшырайтын көріністерді елемейтін мықты,  
берік денелі болса, түзу ойлайтын, дұрыс  
пішетін, дәл табатын дұрыс ақылды болса,  
сұлу сөз, сикырлы үн, әдемі түрден ләззат  
алып, жаны толқынданарлық болса, жаман-  
дықтан жаны жиреніп, жаксылықты жаны  
тілеп тұратын құлышты болса, міне осылай  
болғанда адам баласының дұрыс тәрбие алып,  
шын адам болғандығы. Балам адам болсын  
дейтін ата-ана осы төрт тәрбиені дұрыс орын-  
дасын. Бала аурулы, зағып болса, баладан  
емес, тәрбиешіден; бала тар ойлы ақымақ  
болса, бала кінәлі емес, тәрбиеші кінәлі; бала  
сұлулықтан ләззат ала білмейтін мылқау  
жанды болса, бала айыпты емес, тәрбиеші  
жазалы. «Бала істеген жауыздықтың жаза-  
сын тәрбиеші көтерсін» деген иран елінің  
мәтелі шын, дұрыс мәтел.

### Тәрбиеден мақсұт

Тәрбиеден мақсұт адамды һәм сол адам-  
ның, ұлтың, асса, барлық адамзат дүниесін  
бақытты қылу. Ұлт мүшесі — әрбір адам  
бақытты болса, ұлт бақытты, адамзат дү-

ниесінің мүшесі — әрбір ұлт бақытты болса, адамзат дүниесі бақытты. Қысқасын айтканда, тәрбиеден мақсұт адам деген атты құр жала қылып жапсырмай, шын мағынасымен адам қылып шығару.

### Педагогика қандай пән

Біз жоғарыда адам баласының тәрбиеге мүктаж екендігін, оған қандай тәрбие беру керектігін һәм ол тәрбиені не үшін беру көрек екендігін айттық. Жә, тәрбие керек. Бірақ, балаға дұрыс тәрбиені әрбір тәрбиеші (ата-ана, мұғалім) тәрбие жолын ешкімнен үйренбей-ак, еш тәрбиені оқып білмей-ак өз бетімен бере алмақ па? Әркім өзі-ак жол тауып кеткендей, бала тәрбиесі соншама бір женіл нәрсе ме? Жок. Олай емес. Бала тәрбиесі бір өнер, өнер болғанда ауыр өнер, жеке бір ғылым иесі болуды тілейтін өнер. Баланы дұрыс тәрбие қылу үшін әр кімнің өз тәжіриbesі жетпейді. Басқа адамдардың тәжірибесімен танысу керек. Сол басқа адамдардың тәрбие майданындағы тәжірибелерін көрсеткен жеке бір пәнімен, яғни тәрбие пәнімен таныс болу керек. Тәрбие пәні педагогика деп аталады.

«Педагогика» грек елінің сөзі. Paid — бала, gogike — жетектеу, деген екі сөзден құралған. Баяғы Грецияда балаларды бағып мектепке алып келіп жүретін кәрі құлдар педагог деп аталған. Педагог деген аттың бұрын мактаулы болмагандығы осыдан көрінеді. Бірақ, соңғы заманда, пән, ғылым үшін адамзат өнерленген сайын педагог деген ат қадірлі, қасиетті болып барады.

## Педагогикамен жақсы таныс болудың керектігі

Бала тәрбие қылғанда әрбір тәрбиешінің алдымен колданатын жолы — өз тәжірибесі. Яғни бала күнде өзі қандай тәрбие алған һәм баланы өзі бұрын қалай тәрбие қылған. Міне, осы жолмен жүреді. Әрине, бұл жолды тіпті қисық жол деуге болмайды. Қисық болу былай тұрсын, тәрбие туралы әрбір тәрбиешінің өз тәжірибесі аса қымбат нәрсе. Адамның өз тәжірибесі — жүріп кеткен жолы. Ол жолдың жақсы, жаман жағы көз алдында сайрап тұр. Естігеннен көрген анық. Көрген-нен бастан кешкен анық. Бірақ бұл әркімнің өз тәжірибесі қанша қымбат болғанмен, қатесіз жол деуге болмайды. Бір адамның тәжірибесі тым тар, тым бір беткей тәжірибе. Тәрбиешінің өзіне қолайлы болған жол тәрбие қылатын балаға қолайлы болмасқа мүмкін. Тәрбиеден максұт — баланы тәрбиешінің дәл өзіндегі қылып шыгару емес, келешек өз заманына лайық қылып шыгару ғой. «Балаңды өзімдей бол деп үйретпе, өзімдей болма деп үйрет» деген Әзірет Әлінің сөзінде көп шындық бар. Бұл — бір.

Екінші, әр тәрбиешінің колданатын жолы — ұлт тәрбиесі. Әрбір ұлттың бала тәрбие қылу туралы ескіден келе жатқан жеке-жеке жолы бар. Ұлт тәрбиесі баяғыдан бері сыналып, көп буын қолданып келе жатқан тактақ жол болғандықтан, әрбір тәрбиеші, сөз жок, ұлт тәрбиесімен таныс болуга тиісті. Және, әрбір ұлттың баласы өз ұлтының арасында, өз ұлты үшін қызмет қылатын болғандықтан, тәрбиеші баланы сол ұлт тәр-

биесімен тәрбие қылуға міндетті. Бірақ ұлт тәрбиесі, ұлттың тәрбие жолында ұстаган жолын түгелімен дұрыс деуге болмайды. Ұлт тәрбиесінің жақсылық жағы көп болғаны сықылды, жамандық жағы да көп, Талай нашар, зиянды әдептер әрбір ұлт тәрбиесі ішінде толып жатыр. Баяғыдан бергі ұлт тәрбиесінің ішінде ұнамсыз, зиянды әдет, жол-жоралары толып жатқан ұлттың біреуі біздің қазак. Қысқасы, ұлт тәрбиесі қанша қадірлі, керек жол болғанмен, адастырмайтын дұрыс жол деуге бола бермейді.

Жоғарыда айтылғаннан көрінеді, балаға жаңы дұрыс тәрбие беру үшін тәрбиешінің өз әжірибесі һәм ұлт тәрбиесімен таныс болу шағын жетпейді екен. Бұлар бір беткей шикі әжірибелер. Бұлар сыйнан өткізіліп, пісімдегің күйде берік негіз бола алмайды. Әзілдердің арасынан жақсы, жаманын, алтын мен мысын айырып ала біту үшін тәрбие майданында шынығып ысылған тарландардың тәжірибелерімен, түрлі ұлттар түрлі заманда шыққан тәрбие ғалымдарының ойларамен, қысқасы, тәрбие туралы дұрыс жолға түсу үшін тәрбие пәнімен, яғни педагогикамен жақсы таныс болу керек.

### Педагогикаға жәрдемші пәндер

Педагогика адамның денесін һәм жанын дұрыс тәрбие қылу жолдарын үйрететін пән болғандықтан, педагогика пәнімен дұрыс пайдалана білу үшін, екінші түрлі айтқанда, адамды дұрыс тәрбие қыла білу үшін адамның денесі һәм жанының жайын кеңес қылатын басқа пәндермен таныс болуға мүшті. Бұл пәндер төмен:

## **Дене туралы пәндер**

**Анатомия.** Адам денесінің күрылтысын баяндайды. (Денеде қандай мүшелер бар, жаратылышы қандай).

**Физиология.** Адам денесінде болатын көріністерді баяндайды. (Кан жұру, дем алу сықылды).

**Гигиена.** Саулықты сактау пәні.

**Гимнастика.** Саулықты бекіту үшін түрлі дene қозғалысы туралы пән.

## **Жан туралы пәндер**

**Психология.** Адамның жанын, жан тұрмысын, жан көріністерін, жан күштерін, ақыл, қайратын, көңілдің жайын баяндайтын пән.

**Логика.** Дұрыс ойлау жолдарын көрсететін пән.

**Этика.** Құлық туралы пән.

## **ПЕДАГОГИКА БӨЛІМДЕРІ**

**Педагогика пәні беске бөлінеді:**

- 1) Жалпы педагогика.** Адамның дене һәм жан күштерін тәрбие қылу жолдарын көрсетеді.
- 2) Дидақтика.** Оқытудың негізгі жолдарын көрсетеді.
- 3) Методика.** Оқытудың негізгі жолдарына негіздел, белгілібір пәнді қалай оқыту жолдарын көрсетеді. Мысалы, мектепте казақ тілін қандай жолмен оқыту керек екендігін үйрететін пән — қазақ тілінің методикасы деп аталады.
- 4) Мектепті басқару.** Бұл пән мектеп қалай салынуға, қалай басқарылуға тиісті, сынақтарға шәкірттерді қалай бөлу керек, оку уақытын қалай белгілеу керек. Міне, осылар сықылды мектеп күрылышы жолдарын көрсетеді.
- 5) Педагогика тарихы.** Түрлі заманда түрлі тәрбиеге адамзат қалай қараған, қандай жолдармен жүрген, тәрбие дүниесінде қандай білімпаздар өткен, олар қандай жаңа жолдар тапқан. Педагогика тарихы осыларды баяндайды.

## ЖАЛПЫ ПЕДАГОГИКА

Жалпы педагогика екі нәрсө жайынан сейлейді: а) Дене тәрбиесі. 2) Жан тәрбиесі жайынан.

### ДЕНЕ ТӘРБИЕСІ

Жана туған бала бір кесек ет деуге болады. Оның жан түрмисы әлі білінбейді. Сондыктан ата-ана жас баланы тәрбие қылғанда күшінің көбін баланың дене тәрбиесін жұмсауға міндettі. Дене тәрбиесіне жеңіл қарауга болмайды. Жан дұрыс тәрбие қылынса болады, дененің қанша керегі бар деп ойлау дұрыс емес. Дене-жанның қабы. Қап берік болса, ішіндегі зат та берік болмак. Дене — жанның құралы. Құралы мықты болса, иесі де мықты. «Сау жан, сау денеде ғана болады» деген адамзат дүниесінің ескі мәтелі шын, дұрыс мәтел.

Жаңа туған баланы тәрбие қылуға кірісқенде тәрбиеші төмендегі нәрселерді білуге ھем істеуге тиіс.

Өлшеу. Егерде сау болса, жана туған баланың салмағы сегіз қадақ шамасында болады. Нашар, аурулы бала алты қадақ шамасында, нағыз сау таза бала он-он бір қадақ шамасында салмақты болады. Бастапқы екі-төрт күн ішінде түрлі себептерден баланың туғандағы салмағынан  $1/2$ — $3/4$  қадақ шамасында кемиді. Мұнан соң салмағы бірте-бірте арта бастайды. Жеті, он күнде туғандағы салмағына кайта түседі. Айдың аяғында туғандағы салмағының  $1/3$ , алты ай шамасында  $1/2$ , аяғында үш есе артады. Мұнан соң салмақ арту шабандай береді.

Екінші жыл бойына бастапқы салмағының 1/5, үшінші жыл бойына 1/10, ал енді төрт жасынан онға шейін жылына төрт-бес қадақтан артып отырады.

Бала сау болып туды ма, аурулы болып туды ма, сау болып өсіп келе ме, жок, ауруға айналды ма,— осыларды дұрыс біліп отыру үшін жоғарғы мөлшер бойынша баланы өлшеп отыру керек. Бастапқы айда күн сайын, мұнан соң жыл толғанша жетіде екі-үш рет, екінші жылда жетіде бір, үшінші жылда айында бір өлшеп отыру макұл.

Баламды безбенге сал,— деп айттың деп, қазақтың ыршып кетуінде сөз бар ма?! Тәрбиенің басқа түрлерін ести келе, адұын әже-лер ыршымак түгіл, ұрсып сөгіп тастар. Эйткенмен, амал қанша, көтереміз. Мой-нымыз жуан болғанмен, өзіміз жуаспыз. Біздің бар тілегіміз — ырши-ырши, бізді ұрса-ұрса, тек біздің айтқанымызды істесе екен. Қайткенменде біреу болмаса біреу, жүзден біреу болмаса мыңнан біреу осы педагогика көрсеткен жолмен жүрер деп сенеміз. Біз өзімізді ақынның:

Сөзімді біреу алмас, біреу алар,  
Күлагын біреу салмас, біреу салар.

деген сөзімен жұбатамыз.

**Жылдылық.** Баланың да, жеткен адамның да өлшеуші жылдылығы (цельсий бойынша) 37—37 1/2 градус болады. Бірақ жаңа туған бала денесінің жылдылығы бастапқы күндерде түрлі себептерден мынау өлшеуден 2—3 градус кем болады. Эйткенмен де ұзамайды, бұрынғы қалпына түседі. **Және,** баланың да, жеткен адамның да жылдылығы бір тәулік-

тін ішінде бір қалыпта тұрмайды. Бір есе өлшеуден асып кетеді, бір есе төмен түседі. Жылылыктың төмендейтін уақыты — танертен. Жоғарылайтын уақыты — кеш. Дене жылылығы «термометр» деген бір құралмен өлшенеді. Осы құралмен баланың денесін күн сайын өлшел тұру керек. Жылылық белгілі өлшемде тұрса, баланың сау болғаны, не жоғарыладап, не төмендеп кеткен болса, баланың ауру болғаны. Жылылық өлшенип отырылса, келе жатқан наукастың алдын алуға болады. Болмаса, наукас билеп алыш, баланы колды-аяққа тұрғызбай шынғыртқанда. оның наукас екенін білу, көбінесе пайдасыз болып шығады ғой.

Дем алу. Жаңа туған бала бір минутта 40—44 рет дем алады. Мұнан соң бірінші жыл бойынша 35—40 рет, екінші жылда — 28, үшінші жылда — 25 рет. Сейтіп кеми-кеми, 15 жаста бір минутта 17—20 рет дем алатын болады. Міне, дем алудың осы мәлшерден артық, не кем болуы баланың сау болмауын көрсетеді. Баланың дем алуын ояу отырғанда санау киын. Ойнап, козғалып отырғанда дем алуды мәлшерден арттырып жібереді. Дұрысы, үйықтап жатқанда санау.

Тамыр соғу. Жаңа туған баланың тамыры бір минутта 150 рет соғады. Екі жасар баланың тамыры 120-ға шейін соғады. Жеткен адамның тамырының соғуы бір минутта 65—70-тен аспайды. Бала ояу отырғанда, әсіресе жылағанда, тамыр соғуы жиілеп кетеді. Мұндайда мәлшерлі соғудан 20—25 артық соғады. Баланың тамырын бала үйықтап жатқан кезде байқау керек. Сонда белгілі мәлшерден

тамыры артық я кем сокса, баланың сау болмағаны. Тамырын ұстау арқылы бір адамның ауру-сау екені білінетін болса, тамыршылық деген әулиелік емес екені өзінен-еzi көрініп түр.

Бірақ, надандыққа не шара, біздің надан ауылымыз тамыршыны жыныменен сөйле-сіп, күбірлесіп, тәнірімен тілдесіп отыр деп біледі.

**Бала бөлмесі.** Мынау сөзді оқығанда «атынның басы тиіп, жоргасы қалып па?» дегендей, казактың өзіне үй бітіп, баласының бөлмесі қалып па?— деп күліп кекетуші де табылар. Шынын айтқанда, казакта үйдерлік үй бар ма? Жок. Өнерлі ауылдың адамы түгіл малы жатпайтын бір былық кора.

Казактың қыскы үйінің көбі жермен жексен болып жатқан шымнан жасалған бір күйс. Терезе дегені тышқанның көзіндегі бір тесік. Есіктен, тесіктен, астан, үстен азырап тұрган сұық. Желдің ызынын, дауыл, боранның адаскан андай ұлығанын естігін келсе, сорлы казактың қыскы үйіне кір. Шым қа-бырғадан, төбедегі сирек салынған сырғауылдың арасынан сорғалаған су. Жер еден-сіз. Босағада катар-қатар малдың төлі. Иіс, коңыс, тұтін. Егер қазак жаз шығысымен мынау сасық үңгір занdemін тастап, киіз үйіне шықпаса, сөз жок, бірнеше жылдың ішінде қырылып бітер еді. Мінекей, жыл он екі ай ішінде сегіз, тоғыз ай қазак тұратын үйдің түрі осы. Әрине, мұндай үйде тұрган қазак-қа, бала бөлмесі пәлендей болсын деп айту тіпті орынсыз болар еді. Бірақ біздің үміті-міз келешекте: сорлы қазак мәңгіге сасық

үнгірде құрттап, шіріп жата бермес, тұрмысын, үйін, күйін түзетер деп сенеміз. Бізге жұбаныш ақынның әлгі өлеңі.

Сөзге оралайык.

Бала бөлмесінің ішінде 5—6 куб сажи haaya болсын. Және haaya жиі-жіңі жаңартылып тұрсын. Бала жатқан үйде кір жуу, кір кептіру, кірленген киім тастау жарамайды. Себебі кірдің кірі бу болып, haaya болып, баланың ішіне кіріп, саулығына зыян келтіреді. Бала бөлмесінің жылдылығын да бакытап тұру керек. Жаңа туған бала жатқан бөлменің жылдылығы реомюр бойынша 17—18 градус, бір жеті мен алты жеті арасында 16—17 градус. Мұнан соң 15—16 градус болуы тиіс. Қандай үйдің болса да бөлмесі жарық болуы керек болатын болса, бала бөлмесінің жарық болды тым керек. Қаранды үйде тәрбиеленген баланың өсуі шабан болады. Тамағы қанша жақсы болса да, зағып нашар болып өседі. Сондықтан бала жатқан бөлменің жарығы мол болу керек. Бөлменің жарығы мол болу үшін оның терезелері онгустік күншығыска, онтустік күнбатыска қарауы шарт. Терезелері тұра онтустікке қараған бөлме қысты күні жарық, жылы болғанмен, жаздығуні ыстық, капа болады. Ал енді тере-зелері солтустікке, түн жаққа қараған бөлме кашанда қолайсыз. Сөз аяғында қазактың киіз үйде бала өсіруі, асырауы туралы бірекі сөз айтып өтейік.

Бала тәрбиелеу үшін киіз үйді аса қолайлы деуге болмайды. Аңғал-санғал, ашық-тесік киіз үй, баланың жел тиіп, су тиіп ауру болуына көп себепші. Бірақ баланы киіз үйден біржола бездіріп алып кетуге орын

жок. Киіз үйдің зиянды болған сықылды, пайдалы жағы да бар. Әңгіме сол киіз үйдің ішінде баланы ұстай білуде. Таза haaya сол киіз үйде болмағанда қайда болады? Тегінде жаратылыспен бауырласып құшактаскан, алдындағы малымен бірге жүріп, бірге өскен казак баласын аса нәзік етіп, үлбіретіп, тәрбие қылмағаны дұрыс болар еді. Бұл сөзben мен баланды баяғыдай «шалбардың ішіне салып асыра»— дейін деп отырғаным жок. Ол заман озды ғой. Әйткенмен де, казак баласының тәрбиесі, казак түрмисына қабысуы макұл.

**Баланың тамағы.** Баланың жақсы өсуі үшін оның тамағы жақсы болуға тиіс. Тамақ баланың өсуіне қарай өзгеріп отыруға керек. Бастапқы кезде балаға ең дұрыс тамақ ананың сүті. Сүттің ішінде денеге керек заттардың бәрі бар. Ана сүті бала өскен сайын өзгеріп отырады. Ана бір себептерден баласын емізе алмайтын болса, әрине. қолдан асыруға туралады.

Бірақ, емізуге мүмкін болғанда абзалы ананың өзі емізуі. Статистиканың — санак пәнінің көрсетуі бойынша ана сүтін емген жүз баладан бір жылда 15—20-сы ғана өледі. Ал, қолдан асыраған 100 баладан бір жылда 65 шамалы өледі.

**Қолдан асырау.** Қолдан асырағанда балаға лайыкты тамақ — есек сүті мен ешкі сүті. Бұл екеуінің бірі болмаған күнде сиыр сүті. Бірақ сиыр сүтінде ақ (белковина) пен май көп. қант аз. Сондықтан сиыр сүтін сүйилту һәм тәттілеу керек. Жаңа туған балаға берілетін сиыр сүтіне үш есе су косу керек. Мұнан соң 2—3 айға шейін бір бөлім — сүт, екі бөлім — су. Үш айдан алты айға дейін

екеуін де бірдей, ал тоғыз айдан былай таза сүттің өзін беріп отыру керек. Бір ішкізген-нен қалған сүтті екінші рет беруге жара-майды. Балаға беретін сүттің жылдылығы адам сүтінің жылдылығындаі болу керек. Цельсий бойынша 35—37 градус, реомюр бойынша 26—28 градус.

Сүтті тәттілеу үшін сүтке кәдімгі қант салу керек. Бір стакан сүтке бір бал қасық қант жетеді. Балаға берілетін сүт сау сиырдың жана сауған сүті болсын. Әр сиырдың сүтін бір бергеннен, бір ғана сиырдың сүтін берген дұрыс. Сүт ыдысы таза болсын. Сүт кайнатылуға тиісті.

Е м і з і к. Қолдан асырағанда, балаға тамақ беру үшін қолайлы әдіс — емізік... Ішіндеңі сүтін емізіп болған соң құр емізікті балаға сорғызып қою тіпті дұрыс емес. Біріншіден, баланың іші желге толып, аурулы болуға себеп болады. Екіншіден, желімнен жасалған емшек баланың денесіне зиян келтіреді. Баласына құр емізікті сорғызып қойып, ауыл қыдырып өсек анду анаға лайық іс емес. Баланы таба білсен, ерінбей дұрыс баға біл.

Аralас тамақтандыру. Анасы емізген бала біраз өскен соң анасының сүтінен басқа тамақ тілей бастайды. Ол уақытта ана сүтінен басқа тамақ бере бастауға мүмкін. **Жай** тамақты алты айсыз бере бастау дұрыс емес. **Жай** тамақ бергенде әуелі жеңілінен бастап, бірте-бірте ауырына көшу керек. Мысалы былай: сиыр сүті, бал қаймак, ак ірімшік, катық (ашы қылышп үйітпау шартымен) қаймак, жұмыртқа һәм сорпа.

Ал енді жас балаға (бір жасқа толған) май, нан, ет беру тіпті дұрыс емес. Қызыл

иегімен қажалатқызып балаға нан беріп, ет беріп, сорғалатып май беріп койған ана, баланың досы емес, қасы. Маған майлышы бауырсак, қазы, қарта шайнап берекөр дегенде баласына ет, нан шайнап беретін ана, ананың нағыз онбағаны. Барлық денесі, ас қазаны тіпті нәзік баланың, нан, май, ет жеп көтеретін қанша күші бар? Қазақ баласының ауру болуы, көбінесе, осы талғамай тамақ жегенінен болады. «Ауру астан» деген қазақ мақалынан айналып кетсөн болмас па?

Тамактандыру тәртібі. Баланы ананың өзі емізсе де, яки қолдан асыраса да, баланы белгілібір тәртіппен тамактандыру керек. Баланы ана емізген күнде, емізу тәртібі былай: Жаңа туған баланы күндіз 2—3 сағатта бір, тұнде 3—4 сағатта бір емізу кажет. Ал енді, бала өскен сайын емізуі сиректете беру керек. Былайша — бірнеше айда тәулігіне 8—9 рет. 4 айға шейін 7—8 рет, жарты жасқа шейін 7 рет, 9 айға шейін 6 рет. Тұн — үйқы уақыты. Сондықтан баланы тұнде сирек емізуге әдettendіру керек. Мысалы, бес айлық баланы тұнде бір рет емізу жетеді. Баланы қолдан тамактандырганда да, тамактандыру тәртібі осы. Бірақ қолдан тамактандырганда, тамақ белгілібір мөлшермен берілтіп отыруға тиісті. Бала тамағының мөлшері, бала асказанының зорлығына байлаулы. Жаңа туған баланың асказанына бастапқы кезде үш қасық ас сыйды, екінші жетіде 6 қасық, екінші айда 9—10 қасық. Міне, осы асказанның зораюына қарай, балаға берілетін тамақ мөлшері де зорайып отыруға тиісті.

Балаға тамакты тәртіппен беру, оның дү-

рыс өсуіне, аурулы болмауына, хатта, мінезінің дұрыс болуына көп пайдасы бар. Балаға тамак тәртіпсіз, ретсіз, былапты берілсе, бала аурулы болады. Асқазаны бұзылады. Ішкен, жеген тамағын сініре алмайды. Ит тиу сықылды бала аурулары сол тәртіпсіз тамак беруден.

Жер жүзінде балаға тәртіпсіз тамак беретін әйел екеу болса, біреуі қазак әйелі. Бала үйкесінің оның да, бір жері ауырып, яки төсегі тынышсыз болып жыласа да, оны шешіп алып карау жок, емшегін баланың аузына сала кояды. Бала түнде ын етсе, бесікті албастыдай басып отырып алады. Емшек балада, ана үйкыда. Жазаласа, баласын басып өлтіріп те тастайды. Баланың аузынан емшегін алса, баланың колына басқа бір тамак ұстаратады. Сорлы баланы бір минут тамактан босату жок. Яки, мынадай іс те болады. Шеше не бір жұмыспен, не жәй қыдырып кезіп кетеді. Мана кеткен шеше әлі жок.

Ерте күн түс болды. Түс кеш болды. Бала аштан аш жатыр. Қарны ашты. Шырқырап шегі катып жылайды. Бишара бала жылап-жылап әлсіреп, талып барып үйықтайды. Кешке келіп, үйқылыш-ояу жаткан баланы көріп: «Құлымның тамак іздемей, жыламай тәтті ғана үйықтап жатканың карашы!» дейтін шешеге не дерсін?

Қазак катыны! Өзінде өзінің касын болмаса, баланың аузын астан алмай, аспен ұрып жығып, болмаса тамак бермей, аштан катырып, талдырып үйықтатып бала асырауынды кой. Тамакты беріп, беріп. баланды қарның қабактай, бұтын таяктай көк қарын.

ши борбай қылма. Баланды аурулы қылма. Асты мезгіл-мезгіл беріп, тәртіпке үйрет. Тамакты тәртіппен берсөн, баланың дені сау болады. Құр ас иесі комағай болмайды. Аузынан ас алмайтын мешкей болмайды, тамакты тәртіппен ішіп үйренген баланың мінезі де дұрыс болады.

Емшектен айыру. Бала аурулы болмаса, бір жасқа толмағанда, ана сүтінен басқа ас ішіп, біраз тісі (8—12) шыққан болады. Міне осы уақытта баланы емшектен айыру керек. Айырганда күл, көмір сеуіп, насыбай жағып әуреленбей-ак, емізуді сирек-тетіп, баланы бірте-бірте бездіру керек. (3—6 апта ішінде.) Ал енді, кейбір қатындардың еркелеткеннің жөні осы екен деп, 5—6 жасар баласын арда емізіп қоюлары тым-ак ұнамсыз іс. Ұнамсыз ғана емес, балаға да, анаға да зиянды іс.

Екі жасар һәм үш жасар баланың тамағы. Екі жасар баланың денесі әжептәуір берік болады. Сондыктан бұл жаста балаға бірте-бірте ет, нан сықылды күшті ас беруге мүмкін. Ет бергенде женілінен бастау керек. Ешкі, қой, сиыр еті. Жылқы еті ауыр. Оны 2—3 жасар балаға бермеген дұрыс болады.

Баланың асказанына лайық нан — бидай ұнынан пісірілген — нан. Балаға шай ішкізу тіпті дұрыс емес. Кәмпіт, брәндік, өрік, мейіз сықылды тәтті беруге де жарамайды. Бір жасқа толмаған нәресте түгіл, 2—3 жасар балаға да қымыз ішкізу макұл емес. Қымыз баланың тыншын алып, мен-зен, бишара қылады. Екі-үш жасар балаға тәулікте төрт рет тамак беру керек. Түнде емес, күндіз, төрт сағатта бір. Балаға тамакты бөлек үйде беру

артық. Үлкен кісілермен бірге ішіп, бірге жесе, үлкендеге елітеп, мөлшерден артық ас ішеді. Мұның зиян екендігі белгілі.

**Баланы шомылдыру.** Баланы шомылдыру оны кірден арылтады. Бойын жеңілейтеді. Еңсесін кетереді. Жана туған баланы шомылдыратын судың жылылығы үш айға шейін реомюр бойынша 29 градус, үшінші айдан жыл аяғына шейін 28 градус, екінші жылда 27 градус, мұнан соңғы жылдарда 26, 25 градус болып, бала есken сайын теңендей берсін. Ең төмендегенде 22 градустан кем болмауға тиісті. Жаңа туған баланы су ішінде 5 минут, ай жарымдық баланы 8 минут ұстау керек. Бұдан артық ұстауға жарамайды. Бала әлсіреп қалады.

Әуелгі тоғыз күн ішінде тәуліктे 2 рет, ай жарымға шейін бір рет, алты айға шейін күн ара, екі жасқа шейін жетіде 2—3 рет, екі жастан соң жетіде бір шомылдырып отыру керек. Баланы тамак берердің, ұйыктардың алдында шомылдыру артық. Баланы шомылдыратын үйдің жылылығы 17—18 градустен жоғарырак болсын.

Баланы шомылдырып болған соң, әсіресе колтықтарын, мойнын, шабын, жаксылап қараша керек. Көзін, құлағын, басын таза ұстау керек. Былық колынмен баланың көзін та-зартушы болма. Неше түрлі көз ауруы осыдан болады. Тамак бергеннен кейін баланың аузын тазалап отыру керек. Таза шүберекті қайнаған суға малып, шыныаяққа орап та-зарт. Есін білген баланы ас ішкеннен кейін аузын шайқауға үйрету керек. Аузы иісті болмайды. Тіci бұзылмайды. Қазақ қатының баланы тұзды сумен шомылдыруын

теріс деуге болмайды. Еттін писуіне, шыныгұына тұзды судың пайдасты бар. Ал енді, баланы маймен сылау тіпті дұрыс емес. Май терінің тесіктерін бітеп тастайды. Еңсені көтертпейді, аурайтады, кірлетеңді, терлеңдеді. Баланы «ес, ес, ес!» деп денесінің құрыстырысын жазу аса теріс болмас. Бірак, еп керек. «Өс, ес, ес!» деп баланың бір жерін шығарып алып жүрме.

Киім. Баланың дұрыс өсуінің негізгі бір шарты киімінің дұрыс болуы. Баланы желге, күнге тигізбеймін деп орап, шымқап, үлбіретіп өсіруде қасиет жок. Бұлай өскен бала ауырымпаз келеді. Шынықтырамын, денесін берік қыламын деп, жалаңаш-жалпы ұстau да жарамайды. Шынықтырамын деп жүріп, ауруға шалдықтырып, жазатайым өлтіріп алуға да мүмкін. Киім дененің жылылығын сыртқа, сырттың суығын денеге жібермейтін болсын. Сондыктан бала киімі жұмсак, женіл нәрседен тігілуі керек.

Бала киімін үлкен кісілер киімімен бірге жууға жарамайды. Үлкен кісі киімінен бала киіміне бір нәрсе жұғуға мүмкін. Жеткен адам денесіне зиян келтірмеген нәрсе жас баланың денесіне зиян келтіруі оп-оңай. Баланың киімі қолпылдаған кен, денені қысып тұрғандай тар да болмасын. Шақ болсын. Балаға биік өкшелі етік кигізу, белін белбеумен қысып тастау жарамайды. Жалпы айтқанда бала киімі әдемі болсын деп емес, ынғайлы болсын деп білу керек.

Бөлеу һәм бесік. Педагогика ғалымдары бала бөлеуге атымен қарсы. Баланың дұрыс өсуіне, қаны жүруіне, асы сіңуіне кесел деп көп дәлелдер көрсетеді. Бұл дәлелдердің сал-

мақты екендігіне талас жок. Бірақ, қазақ тұрмысы көзінен қарағанда бөлеуден безуге бола коймас. Көшпелі абыр-сабыр тұрмыста бөлеудің пайдасы да бар шығар, әңгіме бөлей білуде. Тас қылып белеп тастасан, қанын токтатпақ түгіл, жанын да шығарып аларсын. Саулығына зиян келтіrmес бөлеу туралы ой жүгірту үшін бесік жайында сөз қозғамай болмайды. Қазақ бесігі аса ұсталықпен жасалған нәрсе. Жөргегі, тартпалары, астындағы тесігі, шүмегі, түбегімен баланың таза, жинак жатуына көп себепші. Бірақ әңгіме мынада. Осы бесікке баланы қалай бөлеу керек? Қазақ катыны баланы жөргекке орап, бесікке екі жерден, кеудеден бір, аяқ үстінен бір, тас қылып таңып тастайды. Бұлай таңып тастау, әрине, балаға зиянды. Баланы бесікке бөлейтін болсак, осы зияннан қалай құтыла-мыз?

Маган мынадай бір ой келеді: Баланы екі жерден қысып, кан жүруіне кесел қылмас үшін тартпаны кеңейту жолын қарастыру керек. Менің ойымша, тартпаны екеу қылмай, біреу қылсак. Біреу еткенде баланың мойнынан аяғына жететіндей қылсак. Енді тартпа демей-ақ жабу делік. Жабу бесіктің бір жайына, айталақ 6—7 баумен байланған болса, баланы жөргегіне орап, төсегіне салып, 6—7 баумен байласақ. Міне, осындай жабумен таңылса, қысу бар денеге тегіс түскендіктен аса зиянды болмас еді.

Бұл бір тәжірибе көрмеген ой. Мүмкін хата болуға. Мен үшін емес, баласын дұрыс тәрбие қылу үшін ата-ана осы ойды бір тәжірибе қылып көрсе игі болар еді.

Жә, баланы бесікке бөлеуді мақұлдадық.

Қалай бөлеу туралы да ой жүгірттік. Енді тербетуге келейік.

Күн батып барады. Үй іші қара көленке. Қақаған қыс. Сасық ұнгірдің ішінде терезе аталған тесіктерден сұық жел азынап кіріп, аш андай ұлып тұр... Жаз болса туырлықтың етегінен, шидің етегінен жыландаі жүз бұралып, қоңыр жел кіріп, жолдасын оноғалтқан жандай, мұнды, зарлы қоңыр бір әнге басады. Үйдің бір босағасында бесік қарастыады. Ішінде бөлекулі бала жатыр. Жылапжылап шаршаган. Енді айғай салып жылауға шамасы жок. Әлсіз ғана ыныранады. Бесік жанында баланың анасы көрінбейді. Әлде кайда кеткен. Мал жайлап, шаруа қылып жүр ме? Әлде көрші үйдің катынымен басын шұлғи-шұлғи бір қысыр кенесте отыр ма? Кім білсін. Бесік жанында көзі көрдей сұп-сұр кемпір отыр. Құрыскан қолы бесіктің арқалығында. Салмақпен бесікті тербетеді.

Бала ыныранады. Жел күніренеді. Кемпір де күніренеді.

Әлди-әлди, ак бөпем.  
Ақ бесікке жат бөпем...  
Жылама, бөпем, жылама.  
Жілік шагып берейін.  
Бай құтаниң қүйрыйн,  
Жілке тағып берейін...  
Әлди, әлди, әлди-ай...

деп күніренеді кемпір. Кемпірде талу жок. Тербетеді, күніренеді. Күніренеді, тербетеді.

Баланың ынылы баяулап келеді. Басылады. Бала үйқыда. Кемпір күніренеді. Болмаса, сол кеште, бос үйде жас баланың жеті жасар әпкесін отырғыз. Жел жылайды...

Бесіктегі бір жасар да жылайды. Жанында отырған жеті жасар да жылайды. Бос үйде дауыс шығарып, коркуын азайту үшін бесікті тарсылдатып тұрып тербетеді. Әлде не уақытта бала үйыктайды. Бесік жанында өксігін баса алмай әпкесі әлі отыр.

Не болмаса, мынадай картинаны көз алдына алып кел. Бала бесіктे бөленулі жатыр. Қасындағы төсектегі шешесі қалын көрпені жамылдып шырт үйкыда. Қарны ашты ма, тонды ма, төсегі тынышсыз болды ма, бір мезгілде бала оянып жылайды. Бастап ақырын жылайды. Елең де қылған ана жок. Дауысты молайтыңқырады, оянған ана жок. Шыры шығып, шырылдап, шегі түйіліп жылады, ынырана түсіп шеше оянды. Бесікті ерініп ақырын қозғайды. Оған бала уанбайды. Тұрмадын деп ашуланғандай айғайын үдете түседі. Шешесі үйкысын ашың-қырап, қарғай-қарғай баланы тербете бастайды. Үй ішінде жел долданады. Шеше де долданады. «Өй, көк-ала келсін, шешек шықсын!» дейді шеше.

Тарс-тұрс, тарс-тұрс тербетеді. Баланын айқайын бесіктің тарсылы жеңеді. Әлде не уақытта бала үйыктайды. Баласын күбірлеп, қарғай-қарғай, корылдап үйкыға кетеді шеше.

(Эрине, қазак қатынының көбі мұндай емес кой. Бірак көбі осындай десек, аса адас паймыз. Пысық, сергек бала қадірін білетін аналардан мына сөзіме кешу сұраймын.)

Жә, күнірене, күнірене баланы әжесі үйыктатты. Жылай-жылай баланы бала үйыктатты. Қарғай-қарғай баланы ана үйыктатты. Баланың осы үйкесін сау үйкесі ма? Шын үйкесі ма? Жок.

Бұл дұрыс үйқы емес. Бұл — үйкітату емес. Шайқап, шайқап, баланың басын айналдыру, басын айналдырып, естен тандыру. Тербетіп үйкітату баланы талдырып үйкітату деген сөз. Тербетіп үйкітатылған бала үйкітап жатқан жок. Талып жатыр. Өзінді бір нәрсеге тас қылып таңып тұрып, ерсіл-касыл шайқап, тербетіп, тербетіп талдырып тастаса болар ма? Қазак әйел! Баланда қасын болмаса, тербетпе. Бесік — баланың жаттын орны. Естен тандырылып, талдырылатын орын емес. Осыны ұғу керек, ұғу керек.

**Үйқы.** Үйқысы тыныш болу үшін баланы көзді шағылыстыратын жарығы жок, құлакты жаратын айғай жок жерде үйкітату керек. Әсірсесе кенет айқай болмасын. Баланың тыныш үйкітауына себеп болатын бір нәрсе, баланы белгілі бір орында үйкітату. Және баланы жаратылыстың өзі үйқы үшін белгілеген уақытта, яғни түнде үйкітату керек. Баланы түнде үзак ояу отырғызу дұрыс емес. Баланы тамак берісімен үйкітату тіпті жөнге келмейді. Үйқысы тынышсыз болады, һәм саулығына зиян. Тамаққа тоя сала үйкітау біздің жалпы бір зиянды әдетіміз. Үйкітаганда дененің, мүшениң бәрі дем алатын, тынығатын уақытта асқазанға «сен тынықпа, жеп, ішкенімнің бәрін сен қорытып денеме сініре кой» деу тіпті жөнге келмейтін бір зорлық емес пе? Бұл сорлы қайтсын, бұл қызметті атқара алмайды. Міне, осындайдан асқазан бұзылып, адамда бөсір сықылды неше түрлі аурулар пайда болады. Жас бала тіпті көп үйкітайды. Жана туған бала үйқидан тамак үшін ғана оянады. 24 сағат бір

тәуліктің 20 сағатын үйқымен оздырады. Бала жарты жас шамасында әжептәуір уақыт ояу отырады. Эйткенмен де, екі жасқа қараша ояуынан үйқысы көп болады. 2—3 жасар бала күндіз біржарым-уш сағат, түнде тоғыз, он екі сағат, 4—5 жаста бала күндіз сирек үйыктағанымен, түнде он-он бір сағат үйықтайды. Алты-жеті жасар бала сегіз-он сағат, он екі-он үш жасар бала сегіз-тоғыз сағат үйықтайды. Жеткен адамға алты-жеті сағаттан артық үйыктау дұрыс емес.

**Қозғалуы.** Адам денесі қозғалуды тілейді. Адам негұрлым жас болса, соғұрлым қозғалуды көп тілейді. Екі жаста дені сау бала бір минут тыныш отыра алмайды. Күн бойы шаршау білмей, ойнайды да жүгіреді Бала жүре бастамаган күнд де тек отырмай, ак колын шлтадаып отырады. Бірак, бастапқы кездегі баланың қозғалуы оймен, тілеумен қозғалу емес. «Рефлекс» бойынша соқыр қозғалу. Бес-алты айдан былай бала маңындағы нәрселерді ұстауға, колына алып ойнауға өзі тілей бастайды. Міне, бала қозғалуды өзі тілей бастаған кезде ана оған түрлі жеңіл ойын көрсетіп, көмекші болуы керек. Бірак көмекші боламын деп, қозғалуга шамасы жок баланы зорлықпен қозғалуға үйрету дұрыс емес. Жаңа туған бала басын һәм барлық денесін билей алмайды. Оның шамасына келетініжату. Бала төрт ай толмайбасын билей алмайды, жеті-сегіз ай толмай еркін отыра алмайды. Сондықтан төрт айға толмаған баланы жатқан орнынан көп қозғай беру жарамайды.

Тегінде, баланы өзінің отыруға шамасы

келмейтін кезде еріксіз отырғызу кате. Бала бүкір болып қалуға ықтимал. Жас баланы көтеру де дұрыс емес. Денесіне зиян келтіреді, бұл бір. Екінші, көтеріп үйрету атаанаға бір бәле гой. Аяғы бар, тілі бар дардай баланың «Апа, көтер!» «Әке, көтер!» деп мазаны алуы ұнамды ма?..

Жас баланы арбаға салып сүйрету қазактың бір ката жұмысы. Тактай арбаның ішіне жаман көрпеге оратқызып, баланы салып алып, алты-жеті жасар балалар: «Мен ағамның қаракер атынша шабамын» деп арбаны дүрілдеткенде баланың не жаны қалады? Үлбіреген жас денеге зиян келетін болған сон аман жаннан не қайыр? Баланы енбектеуден тиюға дұрыс емес. Еңбектесін, қозғалсын, жас құшін жұмсай берсін. Бірак, бала енбектейтін жер таза, тегіс болсын. Мүмкін болғанда тегіс жерге кілем төселген болсын. Қазактың енбектеген баласының күні қаран гой. Ол баланы караушы болмайды. Бала енбектеп, от орнына барып күйіп қала ма керек, күл, кемір жей ме керек, нәжіске былғана ма керек, сызға, сазға отыра ма керек, оны бақылаушы жок. Үсті-басы күл-топырак, нәжіс қолын аузына салады, көзін уқалайды. Жағының жүні үрпіл, сыйда, сазда отырады. Баланың неше түрлі ауру болатындығы осы сыз өтуден. Сыйда, былық жерде асыралса, мал баласы да онбайды гой. Адам баласы мал баласы емес, баланы жаксылап бағу керек. Баланы қолынан ұстап «тәй-тәй» қылу дұрыс деуге болмайды. Денесінің бір жерінے зиян келтірмейі мүмкін. Кейбір ата-ана баланың тәй-тәй болғаның қызық көріп, тәй-тәй болғысы келмей, орнынан тұрмай отырған

баланы еріксіз тұрғызып, тәй-тәй қылады. Бұл істері, әрине, хата... Балаға итарба жасап беру дұрыс емес демейміз. Бірақ итарбамен зорлап жүргізбе дейміз. Жағалагысы келтенде бала үстөлді өзі-ак жағатайды ғой... Итарба да баланың жанында жай тұрсын. Шешесі, бірак, байқап отырып, баланы арбаға, дұрыс ұстатқызып әніберсін. Жүргісі келсе бала өзі де жүреді. Тогыз ай мен он алты айдын арасында бала жүруге үйренеді. Есте болу керек, баланың мешел болуы тәй-тәй кеш болмағандыктан, ит арбасы болмағандыктан емес, аурулы болғандыктан. Балам мешел болмасын десен, баланды дұрыс күт...

Серуен. Ылғи үйде нашар һауада өскен бала құп-қу, нашар, меніреу болады. Сондыктан баланы күн сайын таза һаяға серуенге шығарып тұру керек. Киіз үй ашық һаямен бірдей. Киіз үйдегі баланы шығарсаң да бір, шығармасаң да бір. Ал енді, казактың «қыскы үй» деп аталатын үнгіріндегі баланы әлсін-әлсін серуенге шығарып тұрмай болмайды.

Үй саулыкка дұрыс салынған болса да баланы серуенге шығарып тұру керек. Себебі үйдің һауасы бұзылып отырады. Алты ай толмаған баланы қысты күні серуенге шығаруға жарамайды. Баланың саулығы нашар болса, доктырлар бір жасқа толмай қысты күні шығаруға коспайды. Күзгі, жазғы екі градустық салқында бір жылдық баланы күн сайын, он бес-жырма минут серуенге шығаруға болады. Екі жастан былай баланы күн сайын кем дегенде он бес-жырма минут серуенге шығарып тұру керек. Жаңа оянған,

яки шомылдырған баланы, болмаса су жая-лықпен серуенге шығару дұрыс емес. Серуен-ге шығаруға нағыз колайлы уақыт түстен кейінгі екі, төрт сағат арасы.

**Ticey.** Ticey баланың дене түрмисында зор өзгеріс. Жас иекті жарып, бірінші тіс алты-сегіз ай арасында шығады. Иекте тамыр көп болғандыктан, ticey басталғанда бала әжептәуір ауырады. Ұйқысы тышсыз, бас-аяғы ыстық болады. Аузынан сілекей шұбырады. Бала әлсін-әлсін қолын аузына сала береді. Мұндай уақытта баланы таза *haya*, серуенге жиі шығару керек. Жәй суға жиі-жиі шомылдыру керек. Балаға тіс төмендегі тәртіппен шығады. Тіс төрт түрге бөлінеді.

Бірінші түр — күрек тіс. Саны сегіз болады. Бес-он екі ай арасында шығады. Екінші түр — ит азу. Саны төрт. Он екі-он алты ай арасында шығады. Ұшінші түр. Ас азу. Саны төртеу. Он жеті-жыырма ай арасында шығады. Төртінші түр — түпкі азу. Саны төртеу. Жыырма — жыырма төрт ай арасында шығады. Міне, осымен баланың жыырма сүт тісі болған болады. Жеті жаста бұл сүт тіс түсе бастап, жеті-он бір жас арасында балаға дәйімгі тіс шығады. Яғни жанағы айтылған жыырма тіс түсіп қайта шығып, олардың ұстіне тағы азу қосылады. Он екі жаста тағы төрт азу шығады. Сөйтіп, дәйімгі тістің саны жыырма сегізге толады. Жыырма екі-жыырма бес жас арасында төрт азу шығады. Мұны ақыл азуы дейді.

Баланың сүт тісі өте нәзік болады. Ыстық та, сұық та жарамайды. Қатты асты шайнай алмайды һәм бұзылымпаз келеді. Сондыктан баланың тістерін таза ұстай керек. Ұш жастан

былай тамақ берген сайын баланың аузын жуып отыру керек. Тісті жаман бұзатын насте — тәтті. Жас балага тәтті беруге жарамайды. Біраз есейген соң беруге мүмкін, бірақ аз һәм сирек беру керек.

### ЖАН ТӘРБИЕСІ

Бастапкы кезде жөшкенді білінбейтін баланың жан тұрмысы бала өскен сайын бірте-бірте біліне бастайды. Сондықтан баланың дene тәрбиесімен жан тәрбиесін қатар алып бару керек. Қатар алып бару емес, бала өскен сайын тәрбиеші күшінің көбі баланың жан тәрбиесіне жұмсай беруге міндетті. Тегінде берік үғу керек, адамның қымбат нәрсесі де, жұмбак нәрсесі де сол жан. Қын тәрбие тілейтін де сол жан. Жанды дұрыс тәрбие қылу үшін жанның жайын баяндайтын ғылыммен таныс болу керек.

### ПСИХОЛОГИЯ

Психология — ескі пән. Бұл пәнді пән етіп дүниеге шығарушы Иса пайғамбардан бұрын болған, грек ұлтынан шықкан Александр Македонский, Ескендір Зұлкарнайын патшаның тәрбиешісі Аристотель данышпан. Психология деген сөз грекше екі сөзден құралған. *Psyche* — жан, *logos* — сөз (казір «ілім» деп жүрміз — Ш. Е.) деген мағынада Яғни жан туралы сөз, жан туралы пән деген сөз болып шығады.

Жанды ешкім көрмесе де, жанның барлығында дау жоқ. Бірақ, сол жан деген не

нәрсе? Жанның не нәрсе екендігі туралы үш пікір бар. Үшеуі үш түрлі философия пікіріне негізделеді. Біріншісі — жан деген бөлек, өз алдына бір нәрсе дейді. Бұл баяғыдан бері келе жатқан пікір. Қазактың, жан шыбын сиякты бір зат, өлгендеге ауыздан ұшып шығып кетеді, үйықтағанда мұрыннан шығып серуенде жүреді-міс дейтін ертегісі осы пікірдің бір сәулесі.

Бұл жан денеден тіпті бөлек, өз алдына қандайда болса бір зат деген пікір «спиритуализм», яки «идеализм» деп аталаады. Екінші пікір — жан дene іскерлігінің бір түрі дейді. Яғни жан деген жеке зат жок, жан деген дененің бір болігі деген сөз. Бұл пікір «материализм» деп аталаады.

Үшінші пікір — ан деген жан көріністерінің жиынтығы дейді. Яғни жан деген ойлау, сезу һәм басқа барлық жан көріністерінің жалпы аты дейді. Бұл пікір «феноменализм», яки эмпиризм деп аталаады. Қайткенменде, адамзат бұл құнге шейін жанның не зат екенін біле алған жок. Жанның не зат екені білінбеуінен жанның бар екеніне күмән қылуға болмайды. Жан бар. Барлығы сол, оның істері, көріністері бар. Ақша карда жосылып жатқан айқын ізге түссен, алдымызыда аңның барлығына күмән қыламыз ба? Бұда сол сықылды, жалғыз-ак айырма мынау ізге түсіп зерттеп отырып, адамзат анды баяғыдан бері соғып келсе де, жанға жете алған жок. Яғни істері, көріністері бойынша жанның не зат екенін қанша білгіш болса да, әлі құнге біле алғаны жок. Бірақ бұдан бала тәрбиесі ақсамайды. Баланың жанын жақсы тәрбие қылу үшін, жанды көзбен көріп, колмен ұ-

тамай-ак, оның істерін, көріністерін жақсы тексеру жетеді.

### Жан көріністерінің дене көріністерінен айырмасы

Жан көріністері мен дене көріністерінің арасында көп айырма бар. Бірінші. Сыртқы дүние заттарының бәрі, мысалы, қазан, дөңбек, құдық белгілібір орын алғып тұрады. қандай зат болса да, орын алатыны бізге белгілі. Егерде бір заттың алғып тұрған орнын өлшеген болсак, пәлендей орын алғып тұр дейміз. Өлшемеген болсак, пәлен зат зор, не болмаса кіші, яки пәлен зат пәлен заттың не он жағында, не сол жағында тұр дейміз. Сыртқы дүниедегі заттың өзі түгіл ол заттың өзі де белгілібір орын алады, яғни белгілібір орында болады. мысалы, жұру адамның ісі. Осы іс белгілі орында болмай ма? Әрине. Ал енді, жан көріністері белгілі орын тілемейді. Мысалы, біз бір ойымызды пәлендей орын тілеп тұр, яки пәлен ой пәлен ойдың он жағы, яки сол жағында тұр деп айта алмаймыз. Жан көріністері жалғыз уақытпен ғана өлшенеді. Біз жан көріністері туралы, мысалы, ой туралы, пәлен уақытта болды, яки казір ғана болғып тұр деп айта аламыз. Бұл — бір айырма.

Екінші. Сыртқа дене заттары һәм көріністері сезім мүшелері арқылы білінеді. Мысалы, бір малды көріп, бір иісті иіскеп, жылышықты сезіп білеміз. Ал енді, жан көріністерін сыртқы сезімдермен білуге болмайды. Мысалы, ұялу деп аталатын жан көрінісін не көріп, не татып, қысқасы сезім мүшелерінің біреуі-

мен біліп бола ма? Әрине. жок. Біз екінші адамда болып тұрған жан көріністерін өзімізді өзіміз сынаумен ғана білеміз, мысал үшін үялу деген жан сезімін алайык. Карсымызда отырған бір кісі бір орасан істі істеді де, қызырып кетті, біз осы кісіде үялу жан көрінісінің болғанын біле қоямыз. Мұны қалай білдік? Үят деген бір зат болып, көзімізге көрінді ме? Яки иіс болып мұрнымызға келді ме? Жок, бірі де болған жок. Біз жалғыз-ақ карсыда отырған кісінің бетінде кенет қызылдық көрдік. Басқа еш нәрсе сезгеніміз жок. Олай болса, жана карсыдағы адамда үялу жан көрінісі болды деген білім бізге кайдан келді? Мұнын мәнісі мынау — күндерде бір күн біз де, орасан бір іс істеп, жанымыз қызылып қалған. Яғни үялған. Жанымызда осы үялу көрінісі болып қалған уақытта бетіміз дуылдап, қып-қызыл болып кеткен.

Сонда біз білгенбіз үялғанның не екенін. «Ә... Ә... Ә... жанда үялу көрінісі болғанда бет қызырып кетеді» деп. Жана карсымыздағы адам қызыарғанда біздің оны үялды дегеніміз осы, яғни ана адамның бетінде қызылдықты көргенде, біздің өз басымыздан кешкен іс есімізге түсे қалды, яғни біз өзімізді өзіміз сынай койдык. Қыскасы, жан көріністерін адам сыртқы сезімдермен біле алмайды, өзін сынап қана біледі.

Үшінші. Сыртқы денеде бірнеше заттар, яки көріністер бір уақытта бола береді. Мысалы, денеде кан жұру, дем алу сықылды дене көріністері бір уақытта болып жатады. Біріне бірінің бөгеті жок. Ал енді, жан көріністері бір уақытта болмайтыны бар. Олар бірінің

артынан бірі өтеді. Мысалы, біз бір уақытта екі ой ойлай аламыз ба? Жок. Кей уақытта олар бірінің артынан бірі нажағайдың жарқылдағанындай тез-тез келгенде, бізге осы ойлар, бірмезетте болған сықылды көрінеді. Бір-ак бұл көрінің ғана, шынында әрқайсысы әр уақытта, бірінің артынан бірі келіп жатыр.

### Жан көріністері мен дене көріністері арасындағы байlam

Жан көріністері мен дене көріністері арасында қанша айырма болғанымен, араларында тіпті жақындық жок емес, қайта берік байlam бар. Дене жанға, жан денеге байлаулы, біреуінің біреуінсіз күні каран.

Өзімізге мәлім — дене сау болса, жанымыздың ісі де сау, жақсы болады. Яғни ақылымыз түзу, мінезіміз дұрыс, қайратымыз берік болады. Егерде денеміз ауру болса, яки жұмыс қылып шаршаса, жанымыз да ауыр, жанымыз да шаршайды. Басқа ауру, мидын ауруы жан ісіне жаман әсер қылады. Нашар haaya басты айналдырып, канды дұрыс жүргізбей, денеге әсер қылады, жанға барып қол салады. Яғни жанның ісі шабандайды, бұзылады. Ой күңгірт тартады, сезім топастанады. Қайрат жасиды. Денен қалбырап отырған кезде ыстық кою шайды ішіп жіберсең денен жадырап кетеді. Денен жадырап кеткен сон, жаның жадырап кетеді. Бұл мысалдармен біз жанның денеге байлаулы екенін көрсеттік. Ал енді, дене де жанға байлаулы, жан көріністері денеге катты әсер береді. Адамның көз қарасы, дауысы, аяқ басуынан жанның қандай күнде екені көрініп-ақ тұрады. Қайғы

һәм ойлау денені жабықтырады. Куаныш адамды күлдіреді. Бетке қан жүгіртеді. Ақынның: «Бетке шықпай қала ма жүрек ізі?!» дегені жанның жайын білетіндігі ғой. Қорық-қанда дene дірілдеп, қан қашып кетеді. Аса қатты қорықканнан, яки аса күшті қайғыдан бірнеше сағатта шаштары аппак болып қалғандар да болған. Міне, жан көрінісінің денеге әсер беруі қандай дәрежеге жетеді!

### Жан көріністерін үйрену жолдары

Әрбір нәрсені үйренудің белгілі түзу жолдары бар. Жан көріністерін үйренудің де жеке жолдары бар.

### Өзін бақылау жолы

Жан көріністерін үйрену жолы бізше өзін бақылауда. Адам өз жанының көріністерін өзі бақыламаса, жан көріністерімен таныс болмайды. Мысалы, ашу, қуаныш сықылды жанымыздың көріністерін бақыласақ қана біз олардың қандай мінезде екенін һәм араларында қандай айырма бар екенін біле ала-мыз. Бірак бір жан көрінісі сол жан көрінісі болып тұрғанда бақылау онай емес. Себебі өзін бақылау деген сөз адамның, яғни жанының бір уақытта екі іс істеуі, әрі бақыланатын зат болуы деген болып шығады. Бұл істе де мүмкіндік аз. Бұған мысал алайык. Менде ашу кірген жан көрінісі болып тұр, яғни мен ашуланып тұрмын. Егерде мен осы ашуланып тұрғанымда, осы ашу көрінісін бақылай бастасам, яғни ашудың тууына не се-

беп болғанын қарастырсам, ашу деген қандай нәрсе екендігін ойлай бастасам, сол ашу бұрынғы күйінде тұра ма? Әрине, тұрмайды. Мұндай ойға кірумен ашудың күші кеми бастайды. Осы мен неге ашуланам деп ойлай бастасан ашуың бітіп те қалады. Міне, өзін бақылаудың онай емес екендігі осыдан көрінеді.

Әйткенмен де, жан көрінісі артық күшті болмаса, өзін бақылауға болады. Мысалы, женіл-желпі ашуланып отырган адам сол ашуының себебін тексеріп отыруға мүмкін.

Бірак өзін бақылау деген сөздің шын мағынасы өткенді еске түсіру деген сөз. Мысалы, ашу кірген жан көрінісін бақылау үшін біз бұрын өткен бір ашуымызды, яғни бұрынғы бір ашуымыздың не себептен туғанын, қалай күшейгенін, қандай мінезді болғанын һәм қалай басылғанын еске түсірсек, сол уақытта біз ашу кірген жан көрінісін өзін бақылаған жолмен бақылаған боламыз. Өзін бақылау деген сөз бұл мағынада бұрын болып озған жан көріністерін еске түсіріп, тексеру деген сөз болып шығады. Адамға өзін өзі тексеру, өзіне өзі себеп беру деген онай нәрселер емес. Өзін өзі тексеріп, хаталарын көруге адамның мен-мендігі бөгет болады. Әйткенмен де, адамның өзін өзі тексеруі оның жан тұрмысының өркендеуіне, түзу жолға түсуіне бірінші шарт. Өз хатасын көре білген адам, келешекте сол хатаны істемеске ұмтылады. Адамның өзін өзі, яғни өз хатасын өзі көре білуі оның жанының енді алға, қасиетті кияға ұмтылатын мінезі барлығын көрсетеді.

Міне осы себептен зор жазушылардың өздері жазған әсерлеріне көнілі толмайды. Қайта-қайта түзетеді. Жазаласа, өртеп те, жыртып та жібереді. **Жалба-жұлба** киім киіп. аш-жаланаш жүретін, бұзакылық, күнә деген нәрсені білмейтін, дуаналардың өзі қеуделерін жұдырықтап:

Кешіре көр, құдайым,  
Көп кой менің күнайым.

деп зарланулары өздерін тым тексеріп, кішкене хаталарын тым зор көріп жүрулерінен, жандары ұмтылатын кияның тым биік болуынан ғой. Дұрыс, адамның бәрі дуана болмағанмен, өзін тексермесе, адам ілгері баса алмайды. Өзінде ешбір кемшілік көрмей, хата таппай, өзіне өзі риза болып, мәз болып жүретін адам зор адам емес, шөбір адам болады. **Жаны жабайы, ауданы тар болады.**

**Бақылау.** Жан көріністерін үйренудің екінші жолы бақылау, яғни бір адамның өзінен басқа адамдардың жан көріністерін бақылауы. Бірак біз жоғарыда айтып өткеміз, жан көріністерін сыртқы сезімдермен бақылауға болмайды деп. Сондыктан басқа адамның жан көріністерін бақылау дегенде, оның жан көріністерінің сыртқы белгілерін бақылау, тексеру керек деп үғу керек. Мысалы, біреудің пішініне, қозғалуына, сезінене, жүрістүрьысына қарап, бақылатп, солар бойынша жан көріністерін тексереміз.

Біз егер өзін бақылау жолы мен өзіміздің жан көріністерімізді ғана бақылатп, мына бақылау жолымен басқа адамдардың жан көріністерін бақыламасақ, біздің жан көрі-

ністері туралы біліміміз толық болмас еді. Сондыктан бұл бақылау әбден керек нәрсе. Бақылауы, байқауы көп адам бір адамның пішінінен, жүріс-тұрысынан, бір-екі ісінен, біраз сөзінен ол адамның қандай мінезді екенін біліп ала қояды. Мүмкін болғанша, тәрбиешінің пішіншіл, «физиономист» болуы керек.

### Жан тәрбиесінің түзу болу шарттары

Жан тәрбиесінің жан көріністерінің түзу, сау болуы үшін нерв системасының сау болуы шарт.

### Нерв системасы

Жан тұрмысын жарыққа шығаратын жан мен дene арасында тіл қатшы болады. Құрал, жан мен денені бір біріне байлайтын байлам нерв системасы деп аталады. Нерв системасы екі бөлімнен тұрады: 1) Орда бөлім (ми жұлышы) һәм бұтақ бөлімі, яки «перифериясы». Нерв системасының бірінің түрі бастағы миы. Мидан он екі егіз нерв шығады. Бұл нервалар мидан шығысымен бұтақтанады, онан сон бір-біріне қосылады, бір-бірімен тоқылады. Барып-бары тағы бұтақталып, денеге жайылады. Бұлардың кейбіреулері теріге барып біtedі. Кейбіреулері сыртына шығып шоғырмакталып, құрал болып, аппарат болып біtedі.

## Нерв системасының қызметі

Нерв системасының ағасы, биі — ми. Ми — жанның құралы. Жан ми арқылы сыртқы дүниеде һәм өз денесінде не болып жатқанын біледі. Миды жұмсал. жан денені қозғайды. Егер ми зағып болса, я зиянданса, адамның жан тұрмысы дұрыс болмайды. Мидын белгілібір жері зиянданса, адамның қолаяғы қозғалмай қалады, яғни «паралич» болады.

Мұны біздің қазақ пері соққан дейді. Яки тілі, кенірдегі сау болып тұрса да, сөйлей алмай, тілсіз болып қалады, яғни афазия ауруы пайда болады.

Ал енді мидан шықкан нервалар телеграмманың сымы сиякты мидан денеге, денеден миға бұйрық тасиды. Бұл нервалар қызметтеріне қарап, екіге бөлінеді. Біреулер әсерді сыртқы дүниeden, яки денеден ордаға, миға алып барады. Бұл нервалар сезу нервалары, яки ордаға ұмтылатын нервалар деп аталады. Бұл нервалар арқылы біз салқын, жытылық, жарық, дауыс сықылды сыртқы дүние көріністерін білеміз. Ал енді біреулері әсерді ордан нерв ұшына алып барады. Бұлар қозғау нервалары, яки ордадан қашатын нервалар деп аталады.

Бұл нервалар арқылы біз қол, аяқ, бар денемізді қозғаймыз. Егерде бір мүшенің сезу нервалары кесілсе, мысалы, саусактың, ол уақытта саусак еш нәрсені сезбейтін болады. Егерде, мысалы, саусактың қозғау нервалары кесілсе, ол уақытта саусак тіпті қозғалмай қалады.

## **Нерв системасының саулығын сактау**

Жоғарыда айтылғаннан нерв системасының қандай нәзік һәм қандай қымбат зат екендігі ашық көрініп түр. Олай болса, жалпы нерв системасын, әсіресе миды сау қылып ұстап, оған зиян келтірмеске керек. Мысалы, балаға миына закым келтіретін ойын ойнатуға жарамайды. Және баланы басқа ұру жарамайды.

Балаға насыбай атқызуға, шылым тартқызуға болмайды. Біздің қазақтың кейбір атқа мінгендерінің жап-жас баласына шылым тартқызып, «карагымның аузынан түтінді пәлен төредей шығаруын карашы!» деп қарк-карк құліп мәз болатындары бар. Мұның нағандық, есерлік екендігінде не сез бар? Балаға алкаголь, яғни мас қылатын арақ тұқымды нәрселерді ішкізудің дұрыс еместігі өз өзінен белгілі түр.

## **Нерв системасының өсіру һәм берік қылу**

Нерв системасының сау болуы керектігі сықылды, оның дұрыс өсуі һәм берік болуы да керек. Бар дененің жаксы өсуінің шарты денені тек жатқызбай жұмыс қылдыру болса, нерв системасының жаксы өсуінің һәм берік болуының шарты да сол. Нерв системасына, әсіресе миға істететін жұмыс сол мидын өсу дәуірлеріне тұра келетін болсын. Есте болсын, адамның бар денесі бастапқы кезде өсуді ғана біледі. Біраздан козғалымпаз һәм сезімпаз болады. Ұлғая келе ғана адамда есті тұрмыс басталады. Сондыктан балаға бастап-

кы кезде оның сыртқы сезімдерін ұлғайтатын һәм дene мүшелерін көп қозғалтатын жұмыстар істету керек. Сурет салдыру, жабыстыру (балшықтан түрлі заттар жасау) кол еңбегі һәм гимнастика сықылды. Мұнан соң бала есе келе, оның істейтін жұмыстарын да тे-рендете беруі керек. Қысқасы, нерв системасының тәрбиесі дененің өсуіне қабысып отыруға тиісті. Белгілі жолдармен басқыштап тәрбие алған ми сау, өткір һәм талмайтын берік болады. Миның іскер қылышп үйреткен адам, қартайып, бар денесі қаусап іске жарамай отырған күнде де, сау милы, дұрыс ойлы болады, ал енді, жасында қалжың болсан, өскенде мылжың боларсың деген макалып-ырас.

Мидың қажуы һәм оны тынықтыру. Ми — дененің бір мүшесі. Ол жұмыссыздықтан сықылды жұмыстан да қажиды. Қажыған соң тынығуды керек қылады. Миды бет алдына жұмсай беру — күшін азайтады. Хатта оны паралич соғып, адам есаланғ болып қалады. Денемен жұмыс қылсанда, мидың өзімен жұмыс қылсан да, мида бір у пайда болып отырады. Сол уды қан жуып әкетіп, миды тазартып отырады. Егерде жұмыс тым қатты болса, миға у тым кел жиналады да, қанның жуып алып кететін шамасы келмей қалып, нерв системасының бәрі уланады. Және миға қатты жұмыс істеткенде, қан миға ұмтылып, өзге дene ашығып қалады да әлсірейді, сола бастайды. Міне, осы себептен миға жұмыс қылдырганнан кейін әр уакыт тынығып отыру керек.

Тынығу екі түрлі болады: Не біржола жұмысты дозару. Не болмаса, жұмысты жаңар-

ту. Жұмысты жаңартқанда да, яғни бір жұмыстың орнына екінші жұмыс қылғанда да, адам тынығады. Мысалы, көру жұмысынан сон (оку, жазу) есту жұмысына көшсе (әнгіме тыңдау), бала әжептәуір тынығып қалады. Әйткенмен бұл тынығу, жұмысты біржола дөғарып тынығуға жетпейді. Әсіресе жас балаларды жиі-жіңі жұмыссыз тынықтыру керек. Ал енді тынығу уақытында бала не қылады? Бұған жауап беру үшін мынаны білу керек. Бала қозғалмай отыра алмайды. Баланы ең қажытатын нәрсе тек отыру. Сондыктан баланы тынықтыру дегенде, оны таза haуага ойнату, таза haуада гимнастика жасату деп үгу керек. Ойын hәм гимнастика туралы алдымызда тағы сөз козғармыз.

## **ЖАН КӨРІНІСТЕРІН ТАП-ТАПҚА БӨЛУ**

Жан көріністерін қанша түрлі болғанмен, оларды түп мінездері бойынша үш тапқа бөлуге болады: білу яки ақыл көріністері, ішкі сезім яки көңіл көріністері һәм қайрат көріністері. Қазактың данышпаны Абай, бұл үш тапты ақыл, жүрек, қайрат деп атайды. Біз бір заттың яки көңіл көріністері һәм қайрат көріністері. Қазактың данышпаны Абай, бұл үш тапты ақыл, жүрек, қайрат деп атайды. Біз бір заттың яки көріністің сынын белгілейміз, заттар яки көріністер арасындағы байламды яки айырманы табамыз. Бұл — ақыл ісі. Біз қайғырамыз, қуанамыз. Бұл — ішкі сезім ісі. Біз бір істі істемекші боламыз, бір мақсұтка жетпекші боламыз. Бұл — қайрат ісі.

Жан тұрмысының бірлігі. Адамның жан көріністері үш тапқа бөлінгенімен, бұл үш тап бір-біріне жуымайтын емес, бұл таптардың арасында берік байлам бар. Яғни адамның жан тұрмысында берік бірлік бар. Екінші түрлі айтқанда, адам бір іс істегендеге, осы үш тап жан көріністерінің үшеуі де қатынасады. Мысалы, біздің бір саусағымыз ауыр-

ды. Сонда біз сол саусағымыздың ауырғанын сеземіз. Бұл — ішкі сезім ісі. Саусактың ауырған себебін тексереміз. Бұл — ақыл ісі. Сол ауруды женілдетуге, бітіруге, жазуға үмтыйламыз. Бұл — қайрат ісі. Ал енді, адамның әрбір ісіне осы үш тап жан көріністерінің үшеуі де қатынасатын болғандықтан, сол ақыл, ішкі сезім, қайрат үшеуін бірдей тен тәрбие қылу тәрбиешінің міндеті. Бір адамның осы үш тап жан көріністері тен болмай, біреуі таразыны басып билеп кетсе, ол адам бақытты болмақ емес. Бұл туралы данышпан Абайдың төмендегі сөзі шын дұрыс сөз.

Әуелде бір сүйк мұз — ақыл зерек.  
Жылыткан тұла бойды асыл жүрек.  
Токтаулылық, талапты шыдамдылық,  
Бұл қайраттан шығады, білсен керек.  
Ақыл, қайрат, жүректі бірдей ұста,  
Сонда толық боласың елден белек.  
Жеке-жеке біреуі жарытпайды,  
Жол да жок жарымсты «жаксы» демек.  
Ақыл да, ашу да жок, күлкі де жок.  
Тулап, қайнап бір жүрек қытады әлек.  
Біреуінің жөні жок біреуінсіз.  
Фылым сол үшеуінің жөнін білмек.

### Ақыл көріністері яки жанның білуі. Эсерлену

Эсерлену үғымы. Нерв системасы алып келген әсерді жанның үғуы, андауы, әсерлену деп аталады. Жан алдымен білімді осы әсерлену арқылы алады.

### Эсерлену көрінісі қалай болады?

Эсерлену көрінісінің болуы былайша: сыртқы дүниедегі бір зат біздің денемізге,

яғни нерв үшінан (периферия нерваларына) әсер қылады. Мысалы, дауыс, құлак нервасына әсер қылады. Осы әсерді нерв орда нерваға, яғни миға алып барады. Ми осы келген әсермен әсерленеді, яғни мида бір андау пайда болады. Міне, осы нерв системасының алып келген әсері жанның андауы, әсерлену деп аталады.

Әсерлену көрінісінің болу шарттары. Жанның әсерлену көрінісі болу үшін төмендегі шарттар табылуы тиіс.

1) Әсер білінгендей күшті болсын. Яғни әсер тым әлсіз болса, яки тым күшті болса, әсерлену болмайды. Мысалы, бетке шаң қонды. Сол шаң беттегі нерв үштариңа, әрине, әсер бермей қоймайды. Бірақ бұдан әсерлену болмайды — яғни жан бетке шаң конғаның білмейді, анғармайды. Мұның себебі әсердің тым әлсіз болғандығы. Және әсер тым күшті болса да әсерлену болмайды. Мысалы, күшті дауыс құлагынды тұндырады, шулатады. Бірақ одан жас дұрыс әсерлену ала алмайды.

2) Бір әсерден соң екінші әсерге шейін белгілібір уақыт өтсін. Яғни бірі арқылы бірі болған екі әсерден екі әсерлену болу үшін екі әсердің арасында белгілібір уақыт өтуге тиіс. Мұның мәнісі мынау: сыртқы бір заттың нерваға берген әсері тоқталған күнде де, нерваның өз өзінен біразға шейін қытыры басылмай тұрады. Сондыктан екінші әсер бірінші әсердің артынан іле-сала келсе, екі әсер қосылып кетіп, екеуінің де мінездері өзгереді. Мысалы, зырылдауық қатты айналғанда, бір дөңгелек болып көрінеді. Егерде сол зырылдауықты түрлі бояуға бояп, зырылдатсан, ана бояу-

ларының бәрі корінбей, зырылдауық сұр болып көрінеді.

3) Әсер миға барып жетсін, һәм жан миға келген әсерге іскерлігін жұмсасын. Егер әсер миға барып жетпесе, әсерлену болмайды. Мысалы, көру нервасын мидан айырсак, жанда көру әсерленуі болмайды. Және миға келген әсерге жанның әсерлігін жұмсау шарт. Бұлай болмаса, яғни жанның іскерлігі басқа затта отырса, жанда әсерлену болмайды. Мысалы, біз бір кызық кітап оқып, яки қызу әнгімеге кіріп отырсак, есікten кірген адамды байқаңаймыз.

Әсерленудің іші, күші һәм тоны. Әсерленудің сын сипаты әсерленудің іші деп аталаады. Яғни біз бір сыртқы сезім арқылы болатын әсерленуден екінші сыртқы сезім туралы болатын әсерленуді айтамыз. Мысалы, біз дыбысты, түсті, иісті, дәмді бір-бірінен айырамыз. Және бір сезім арқылы болатын әсерленулердің де бірінен бірін айырамыз. Мысалы, қараны актан, жусан исін сасыр исінен айырамыз. Түрлі сезім арқылы алынатын әсерленулердің, хатта бір сезім арқылы алынатын әсерленулердің арасындағы айырма зор. Зорлығы сонша, оларды бір-бірімен салыстыруға болмайды. Мысалы, біз қызыл тұс пен тәтті дәм арасында, яки жусан иісі мен адамның айғайы арасында, қандай айырма барын, яки қызыл тұс пен сары тұс арасында, түзды дәм мен ашы дәм арасында қандай айырма барын айта аламыз. Себебі үларды салыстыруға мүмкін емес. Бір әсерленудің сынның білу үшін, сол әсерленудің адам жанында болуы шарт. Мысалы, тума соқырға түстің не екенін, тума саны-

рауға дыбыстың не екенін ұқтырып болмайды. Себебі олардың жаны дыбыстан, түстен әсерленіп көрген емес.

Әсерлену көрінісінің дәрежесі әсерленудің күші деп аталады. Мысалы, біз ауыр салмақ пен жеңіл салмакты, катты дыбыс пен ақырын дыбысты айырамыз. Әсерленудің күші сыртқы әсердің күшіне байланулы. Сыртқы әсер күшті болса, әсерлену де күшті болады. Бірақ әсерлену дәрежесінің артуы әсер дәрежесінің артуына ылғи турға келіп отырады. Яғни әсер бір есе күшегендеге, әсерлену де бір есе күшегіп, яки әсер екі есе күшегенде әсерлену де екі есе күшегіп отырмайды. Мысалы, бір қолға бір қадақ гір ұстап тұрып, тағы бір қадақ гір алсақ, салмақтың артқанын, яғни әсерленудің күшегенін айқын сеземіз. Ал енді, егер біз колымызға, бір пұт гір ұстап тұрып, сол бір пұтқа бір қадақ гір қоссақ, онда салмақтың артқанын тіпті сезбейміз. Күшею үшін әртүрлі әсерлену, әсердің әртүрлі өсуін тілейді. Мысалы, салмақ һәм дыбыс әсерленулері күшею үшін әуелгі әсердің үстіне жаңадан сол әсердің өзінің үштен бірі косылуы шарт. Ал енді, жарық әсерленулері күшею үшін, яғни күшегені сезілу үшін әсердің тағы жұзден бірі косылуы шарт. Әсерленудің жұғымды яки жұғымсыз болуы әсерленудің тоны деп аталады. Мысалы, дыбыс әсерлерінің жұғымды һәм жұғымсызы бар. Бакырган дауыс жұғымсыз. Коныр үн жұғымды. Әсерленудің тоны көбінесе біздің денеміздің қандай күйде екенін көрсетеді. Дене сау болса, әсерлену жұғымды болады. Дене ауру болса, әсерлену жұғымсыз болады. Мысалы, ауру адамға ешнәр-

се ұнамайды. Нәғыз жұғымды әсерленулер де оған ләззат бермейді. Кейбір аурулар тіліне бұрыш яки насыбай салғанда, хатта, аяғын кескенде аурудың не екенін сезбейді. Есалан адам өз денесін өзі тас-талқан жарагаса да, ауруды білмейді.

Әсерленулерді орындастыру яки локализация. Әсерлену орда нервада, мида, жұлындағана болса да, денеміздің қай жеріне әсер болса, біз әсерленуді сол жерге алып барамыз. Мысалы, саусағымызды сүк затқа тигізгенде, сүк саусакқа әсер бергендіктен, біз сүк әсерленуін саусакқа алып барып жапсырамыз. Яғни саусак тонды дейміз. Міне, осы әсер денеміздің қай жерінде болса, сол жерге әсерленуді орындастыру яки локализация деп аталады.

Перцепция яки локализация әсерленуді туғызған себепті яки затты табу перцепция деп аталады. Мысалы, біз бір саусағымызды шокка басып алып, күйдіріп алсак, біздің жанымызда күю әсерленуі пайда болады. Сол уақытта біз алдымен қай жерде әсерлену болғанын табамыз (локализация). Онан соң не себептен бұл әсерлену болғанын, яғни саусақты шокка басып алғаннан мынау әсерленудің болғанын ойлап табамыз (перцепция).

**Апперцепция.** Әсерленуді бұрынғы болған тәжірибелермен толыктыру апперцепция деп аталады. Мысалы, біз бір шағым қант көрсек, соның бір ак зат екендігі туралы әсерлену алып, осы әсерленуді бұрынғы тәжірибемен, яғни қанттың каттылығы, тәттілігі һәм суга салғанда еритіндігін еске түсіріп толыктырамыз.

Перцепция мен апперцепция арасындағы байlam мынадай: перцепция негұрлым күшті болса, апперцепция сонша әлсіз болады. Керісінше, апперцепция негұрлым күшті болса, перцепция сонша әлсіз болады. Мысалы, бір затты ең алғаш көргенде, бізде перцепция күшті. Көп көргенде, апперцепция күшті. Ал енді. перцепция, апперцепцияны тіпті женіп кететін болса, ол уақытта адамда иллюзия, яғни сезім алдауы пайда болады.

**Иллюзия** (елес). Болып тұрған әсерленуді бұрынғы әсерлену женіп кеткенде болатын сезім алдауы. Келе жатқан бір кісіні екінші біреу деп ойладап калу, шілікті қасқыр деп білу, міне, осылар — иллюзия. Аристотель тәжірибесі. яғни орта саусақ пен үсік саусақты айқастырып (ортаны үсіктің үстіне салып), екеуінің арасында бір домалак нәрсені до-малатқанда, әлгі бір домалак нәрсенің екі болып көрінің, бұ да иллюзия. Екі колымызға екі ыдыс алсак, екеуі бір-біріне тіпті үқсас болса, екеуі де бір нәрседен жасалған болса, екеуінің зорлығы екі түрлі болса, осы екі ыдысты біз екі колымызben көтерсек, бізге зор ыдыс женіл көрінеді. Мұның себебі — біз зор ыдыстың салмағы ауыр болатындығына әдептенгенбіз. Зор ыдысты көтермекші болғанда, біз мұның салмағы ауыр фой деп күшті көп даярладық. Бірақ күткеніміздей күшіміз көп жұмсалмай қалды. Сондықтан зор ыдыс бізге женіл болып сезіліп отыр. Міне бұл да иллюзия.

**Бала әсерленулері мен ересек адам әсерленулері арасындағы айырма.** Бала әсерленулері ересек адам әсерленулерінен көп айы-

рылады. Бала әсерленулері бастапкы кездे түманды болады. Бала әсерлерінің ішін де, күшін де айыра алмайды. Және бала локализация, перцепция, апперцепцияны да жасай алмайды. Айталық, баланың қолы ауырады екен, бала күр жылайды, тынышсызданады. Яғни балада ауру әсерленулері болады, бірақ бұл әсерлену қай жерден болып отыр, оны білмейді. Яғни әсерленуге локализация жасай алмайды. Және осы аурудың не себептен болғанын білмейді, яғни перцепция жасай алмайды. Балада апперцепция жок. Сондықтан қолын шокқа басып алады. Шыр ете түсіп, тағы апарып басады. Бұл әсерге бала бірте-бірте, әсіресе сипау һәм көру сезімдері арқылы үйренеді. Шокқа қолын көбірек басса, күю қолда болғанын, өзі күйдірген шок екенін, шоктың күйдіретіндігін біледі.

### ӘСЕРЛЕНУДІ БӨЛУ

Барлық әсерленулер екіге бөлінеді: жалпы сезім, яки дene әсерленулері һәм сыртқы сезім әсерленулері.

**Жалпы сезім яки дene әсерленулері.** Дене әсерленулері денеміздің кандай күйде екенін білдіреді. Дене әсерленулерін былай болуге болады: 1) ет әсерленулері (кесіп, соғып алғанда, үйып қалғанда, шаршағанда, дем алғанда болатын әсерленулер). 2) нерв әсерленулері (нерваның соғуы, һәм ауруы, саулық һәм жадырау әсерленулері). 3) Тамактану һәм қан жұру әсерленулері (ашығу, суасау, жүрек айну һәм жүрек ауырғанда болатын әсерленулер). 4) Дем алу әсерленулері. (тұншыкканда, жетелгенде, таза һаяға шык-

қанда болатын әсерленулер.) 5) Жылышык сүкіткы әсерленулер.

Бұл дене әсерленулері, адамның дene тұрмысына, болмаса, білу — ақыл тұрмысына артық пайдасы жок. Бірақ бұлардың дұрыс тәрбиеленуі адамның ақыл тұрмысында әжептәуір әсер береді. Мысалы, ерке болып, тым бетімен өскен бала, дene тұрмысы кішкене гана бұзылса да, айталық, бір жеріне бір нәрсе тиіп кетсе де, кішкене жөтелсе де, жылап, тынышсызданып, мазаны алады. Бұл дene әсерленулерінің жақсы тәрбие алмағандығынан.

### Сыртқы сезім әсерленулері

Сыртқы сезім алтау: көру, есту, иіскеу, тату, сипау, ет сезімдері. Осы алты сезім бізді сыртқы заттармен таныстырады. Яғни олардың тұс, түрі, дәмі, ісі һәм басқа сындары мен адам жанына түрлі білімді осы алты сезім береді. Бұлар түгел болмаса, адамның жан тұрмысы түгел болмак емес. Бұл алтаудың ішінде адамның жан үшін аса қымбаттары көру мен есту. Бұлардан соңғы сипау. Сипау ет сезімі. Ал енді, иіскеу мен тату сезімі жан тұрмысы үшін аса қымбат сезімдер емес. Бұлар көбінесе дene тұрмысына қызмет қылады.

Сыртқы сезімдерді тәрбие қылу. Сыртқы сезім адамның жан тұрмысы үшін аса қымбат болғандықтан, баланың бұл сезімдерін аса жақсы тәрбие қылу керек. Бірінші: бұл сезімдердің сау һәм берік болуына, екінші бұл сезімдердің өткір, терен, дұрыс болуына иждиһат қылу керек. Және бұл сезімдерді

тен тәрбие қылу керек. Бұлардың біреулері жақсы тәрбие қылышып, біреулері нашар тәрбие қылышынса, жан түрмисы да тегіс, бүтін болмак емес. Онда да кетік-кемік болады. Енді сыртқы сезімді жеке-жеке тексерейік.

**Көру.** Көру құралы көз. Көз үясы деп аталған шұнқырдың арт жағына мидан көру нервалары келіп бұтактанады. Сыртқы дүниеден бір зат, яки бір көрініс көру нерваларына әсер береді. Нервілер бұл әсерді миға алыш барып, миды оятады, мидан әсерді жан қабыл қылып алыш, жанда көру әсерленуі болады. Таза көру әсерленулері екеу: жарық әсерленулері һәм түс әсерленулері. Бұлардан басқа тағы екі әсерлену бар: заттың козғалысы һәм түрінен әсерлену, екінші түрлі айтқанда, зорлық һәм қашыктық әсерленулері үзак тәжірибелерден сонғана болады. Бұл сөздің дәлелі мынау: тума соқыр адам, операция жасап доктыр көзін ашып жібергенде, заттардың түрін айырмайды, дейді. Яғни, мысалы, заттардың қайсысы домалак, қайсысы төртбұрышты екенін айырмаса керек. Және көзі ашылған тума соқыр заттардың қашыктығын да айырмайды, дейді.

**Яғни** заттардың бәрі көзге жап-жақын түрғандай. Аяқ аттаса, соғылып қалатындағы көрінсе керек. Тегінде жас бала да бастапкы кезде осы көзі жаңа ашылған тума соқыр сықылды болатын шығар-ay!

**Баланың көру әсерлері.** Баланың көру сезімі бірте-бірте көп тәжірибелер арқылы ғана үлгаяды. Бастапкы кезде баланың көзі тіпті көрмейді, деуге болады. Жаңа туған баланың көзіне жақындастып, бір затты алыш барсан бала кірпігін де қакпайды. Тегінде баланың

ұзак уақыт кірпік қакпауы — көрмегендіктен.  
Жұмыс қылған деп шаршай ма? Қажи ма?  
Әрине, жок.

Бала ең алдымен жарықты көреді, шамға қарайды, шамды жүргізсен, шамға ертіл көзін жүргізеді. Бірақ балада екі көзбен бір жерге карау тез болмайды. Баланың бір көзі бір затқа қараганда, екінші көзі екінші затқа қарап отырады. Яки бас бір жакқа бұрылғанда, көзі екінші жакқа қарап отырады.

Үшінші айға қараганда ғана бала екі көзімен бір жерге қарай алады. Және бала бастапқы кездे көзін билеп, өзі тілеп, бір затқа қарай алмайды. Баланың көзін билеп, өзі тілеп қарай бастауы екінші айда басталады. Ал енді, үшінші, төртінші айда бала бақылап қарауға үйрене бастайды. Бұл уақытта баланың бар ісі заттардың түсін һәм түрін айыру болады. Үш жасқа шейін бала түстерді төмендегі тәртіппен айырып үйренеді. Сары, қызыл, қызыл-күрен, кара, ала қызыл, сұр, жасыл, көк. Түр айыру киынырак болғандықтан заттардың түрін бала кеш айырады. Эйел бала түстерді, ер бала түрлерді тезірек айырады деседі. Ал енді, заттардың қашықтығын айыру балаға өте киын жұмыс. Алты айға толған бала кішкене саусактарын жиып аламын деп айға үмтүлады. Бала заттардың қашықтығын көп тәжірибелерден соң ғана айыра бастайды. Екі жасқа қараганда бала кәдімгідей көретін болады.

**Көру сезімін тәрбие қылу.** Көру сезімін тәрбие қылу дегенді алдымен көзді зиянды заттардан сактау деп ұғу керек. Көзге шан, түтін тигізбеу, көзді әлсін-әлсін жуып тұру, былық саусакпен ұстамау, укаладау, шағы-

лыстыргандай жарыққа қаратпау, қараңғыдан жарыққа кенет шығармау керек. Және балаға нәрсені тым жақын алып келіп қаратпау керек. Көз бен нәрсенің арасы бес-он дүйімнен жақын болмасын. Жақын қаратып әдеттеннедірсөң бала сыйыр (близкорукий) болады. Яғни сыйалап қарамаса, көрмейтін болады. Баланы нәрсеге түзу қаратпай, кисық қаратуда зиянды. Баланың жүре алмай қалуы осыдан. Көру сезімін жақсы тәрбие қылу үшін көзді зияннан сактау ғана жетпейді. Бәлкім, көру сезімінің күшті болуына күш жұмсау керек. Біз жоғарыдағы сөзден білдік,— бала тұрды. отырды һәм қашықтықты кеш айратын көрінеді. Міне, тәрбиеші балада осы әсерленулердің дұрыс оянуына көмек көрсетуі керек. Яғни ояну үшін түрлі түсті топ, түрлі түсті қағаз һәм ағаш беру макұл. Бұлармен бала түстерді айырып үйренеді. Ал енді, заттардың түрлерін айырып үйрену үшін балаға түрлі зорлықта һәм түрлі түрде қағаз һәм ағаш беріп, қағаздан түрлі зорлықта, түрлі түрде кескізіп үрету керек. Көру сезімінің күшеюі, ұлғаюы үшін ең пайдалы нәрсе балаға сурет салғызу. Сурет салғызу баланың көру сезімін ұлғайту үстіне, әдемілік сезімін де ұлғайтады.

**Көру сезімінің жан тұрмысына керектігі.** Сыртқы алты сезім ішінде жан үшін ең қымбат осы көру сезімі. Жанымызда болатын барлық әсерленулердің екінші түрлі айтқанда, біз барлық білімнің төрттен үшін осы көру сезімі арқылы аламыз. Басқа сезімдер арқылы алатын білімдерді, әсерленулерді көру арқылы анықтауға үмтүламыз. Мысалы, бір дыбыс естісек, сол дыбыс шығарған затты көргіміз

келеді. Хатта басқа сезімдерді жабайы, өтірікші көреміз. Көзбен көрмеген соң қойшы, дейміз. Адамның әдемілік сезімінің үлғасында көру сезімі көп көмек көрсетеді. Әдемі тұс, әдемі тұр, жаратылыстың сұлу заттары, сұлу көріністері адамның әдемілік сезімдерін терендептей қоймайды.

**Есту сезімі.** Есту сезімінің құралы құлак. Мидан шығып, құлакта есту нервалары бұтқанған. Бір дыбыс осы есту нерваларына әсер етеді. Әсерді нервалар мига алып барып, оны оятып, мидан жан қабыл алып, жанда есту әсерленуі болады.

Есту әсерленулері екі тапқа бөлінеді: шу һәм дыбыс. Белгілібір тәртіпсіз шықкан түрлі дыбыс жиынтығы шу деп аталады. Желдің зуылы, судың сылдыры, жапырактың сыйбыдыры, күннің күркіреуі сықылды. Ал енді, белгілібір тәртіппен шықкан түрлі дыбыс жиынтығы тура дыбыс деп, яки музыкалы тон деп аталады. Әннің үні, домбыраның, қобыздың үні, адамның сөзі сықылды. Адам сөзі азғантай ғана негізгі дыбыстардан, яғни сол дыбыстардың бір-бірімен бір азғантай ғана негізгі дыбыстардың, яғни сол дыбыстардың бір-бірімен бір олай, бір бұлай қосылуынан тұрады. Қазак сөзі жиырма төрт-ак дыбыстан тұрады.

Баланың есту әсерленулері. Бастапқы кезде бала тіпті естімейді десе болады. Мысалы, жаңа туған баланың бесігі жанында айғай салып сөйлесен де, оянбайды. Баланың есту сезімі екінші, үшінші жетіде біліне бастайды. Төртінші жетіде бала күшті дыбыска селт етпесе, оның мақау болғандығы. Үшінші, төртінші алта балаға бесік жыры әжептәуір

әсер етеді. Бұл уақытта бала дыбыстың жүмсак, конырын, қатты, тынышсызын айыратын болады. Төрт-бес аптада бала дыбыстың қайдан шыкканын біліп, дыбыс шыққан жакқа бұрылатын болады. Алты аптада дыбысты өзі тілеп тыңдайды. Бір жылдың аяғында дыбыстарды түгел айырып, сөздерді ұғып, қатты сөйлеудің тонын, ыңғайын да (ашулы сез, жәй сез) байқай алады. Екінші жасқа қарағанда бала сез дыбыстарын өзі айта алатын болады.

**Есту сезімін тәрбие қылу.** Баланың есту сезімін тәрбие қылу алдымен оның құлағын түрлі зияннан сактау деген сез. Мысалы, баланы қисық, яғни еңкейтіп ұстау жарамайды. Себебі басқа шапшыған қан құлакқа зиян келтіреді. Қатты дыбыс, құлакқа сұық тигізу, шомылдырғанда су жібермеу жарамайды. Құлак ағып, яки басқа түрлі баланың құлағы ауыра бастаса, тез доктірге емдеть керек. Надан алдауыш дәрігерге емес, ғылым иесі дәрігерге. Әсіреле қызылшадан соң баланың құлағы ауырымпаз болады. Қыскасы, ауру білінсе-ак емдеть керек.

Баланың құлағын зиянын сактаумен бірге баланың сак құлак болуына да көмек көрсету керек. Құлактың сак, естімпаз болуы үшін баланы түрлі дыбысты ести беруі шарт. Сондыктан ана баланың жаныда ешбір уақыт үндемей отырмауы керек. Дұрыс, ол анасының сезін ұклайды. Әйткенмен де әдеттене берсін. Біз айтпай-ак. баласы еш нәрсені ұкпаса да, баласын шын сүйген ана баласын айналып толғанып жатады ғой. Қыскасы, балаға қандай да болса, дыбыс естіртпей кою дұрыс емес. Бала жансыз заттардан шыға-

тын шуды, судын сылдырын, жібектін судырын, шөптің сыйбырын, темірдің қанғырын һәм жанды нәрселерден шығатын дыбыстарды: жылқының кісінеуін, койдын манырауын, мысықтың мияуын, құстың шырылын ести берсін. Бала малдың дыбысына еліктегіш болады. Бала кошақанша маңыраймын, деп ауре болып жатады.

Баланың есту сезімін ілгерілету үшін музыка құралдарының үнін естірте беру кепек. Домбыраға түрлі күй тартып отырсан, алдында отырған бала тырс етпей, шын ынтасымен тындалап отырмай ма? Баланың есту сезіміне аса көп әсер беретін бесік жыры. Баланы қолына алған, баланың бесігі жанына келген ана аузына тас салғандай үндемей отырмасын. Жырлай берсін. Бала сөзін ұқпасада, күйінен әсерленеді. Жас балаға қазактың «Әлди-әлди, ак бөпем» деп басталатын бесік жырын жырлау керек. Бұл жырдың сөзі де, күйі де тәтті. Біраз естіген балаға жырлау үшін қазақ әйелі төмендегі бесік жырымен танысса иғі болар еді.

## БЕСІК ЖЫРЫ

Құнім, айым,  
Еркетайым,  
Белейін енді.  
Тыста дауыл,  
Жатқан ауыл.  
Үйкyn келді,  
Жұмсақ бесік.  
Жылы төсек.  
Жата кой, козым.  
Әлди, бөпем,  
Үйықта, жұм көзін.

Құлышактар,  
Козы, лактар.  
Бәрі-ак үйықтады.  
Сен жұлдызым,  
Сен көз нұрым.  
Кір тәтті үйкыга.  
Сая жайым,  
Балакайым.  
Соксын дауыл, жел.  
Болма алан,  
Сүйген анан.

Сактар, анык біл.  
Беу-беу, бөлем,  
Беу-беу, бөлем,  
Әлди-әлди-ай.  
Сәулем, еркем,  
Күні ертен  
Толарсың сен-ай.  
Пісіп алмам,  
Толып бағлан,  
Жұғіріп жүрерсін.  
Сұлу сүйрік,  
Жорға жүйрік,  
Тайға мінерсін.  
Қара жарғак,  
Тұлқі тымақ,  
Шоқитып киерсін.  
Куанып, қалкам,  
Ерке маркам,  
Қысып сүйермін.  
Мініп тұлпар,  
Алып сұнқар,  
Тауға кетерсін.  
Сен боп сезім,  
Жасты көзім,  
Сағынып күтермін.  
Куып бақыт,  
Тілеп тахыт,  
Жолдар шегерсін.  
Жүрек жара,  
Мен бишара,  
Жастар тегермін...  
Қайнап канын.

Батыр жаның  
Ерікке ұмтылар.  
Сен еріме,  
Жас беріме  
Карсы кім тұрап?!

Алмас қылыш,  
Найза, құрыш,  
Белте буарсын,  
Сен сырттаным,  
Арыстаным,  
Жауды қуарсың,  
Тұған жерден,  
Өскен елден.  
Ерге не қымбат?  
Жас жолбарыс,  
Жаумен аты!  
Шаңға, қанға бат!  
Айбатынды,  
Қайратынды.  
Керіп, қарап анаң,  
Төгіп жасын,  
Жайып, шашын,  
Тілер: «Бол аман!»  
Үйкyn қатты,  
Үйкың тәтті.  
Қозым, құлымын.  
Жанымда сен,  
Тәнім де сен,  
Караңыым-ай,  
Әлди, бөлем,  
Әлди, бөлем,  
Әлди, әлди-ай!

---

Ескерту. Бұл өлең бірінші басылымнан алғынып отыр. Әлдебір себе, терден Ташкент басылымына енгізілмепті.

Ш. Е.

Есту сезімінің жан тұрмысына керектігі.  
Адамның дыбысы жан тұрмысына байлаулы.  
Жан шат болса, дауыс та шат шығады. Жан күнгірт болса, дауыс та күнгірт. Жанның те-

рең түкпірінде жатқан ойларды, жүректің жеті қабат астында жатқан ыстық сырларды ашып, шешіп беретін адам сезінен дүниеде не қымбат нәрсе бар? Міне, бізді адамның жанымен шын таныстыратын нәрсе осы есту сезімі.

Бізді сыртқы жаратылыспен таныстыратын да осы есту сезімі. Біз егер, жануардын шулауы, күннің күркіреуі, судың сұлдыры сықылды жаратылыстың түрлі үнін естімесек, жаратылыс бізге жансыз, мылқау болып көрінер еді.

Есту сезімі адамның көру сезіміне де көп көмек көрсетеді. Көз нәрсенің сыртын көреді. Құлак бізге бір заттын ішін, жанын шешіп береді. Грек данышпаны Сократ алдында тұрган кісіге: «Қане сөйлемеш! Мен сені көрейін» дейді екен. Мылқауға қарағанда тума соқырдың ақылды, құлықты болуы һәм оның жанының, жүргегінің жұмсақ, нәзік болуы осыдан. Адамның әдемілікті сую сезімін тереңдететін де осы сую сезімі. Әдемі ән, сұлу күй бойды билеп, денені балқытып, адамға тірек терең ой салмай ма?

Құлактан кіріп, бойды атар,  
Тәтті ән менен мұнды күй.  
Жүрекке терең ой салар,  
Әнді сүйсен менше сүй.—

дейді Абай. Күй адам жанын белгілібір күйге түсіреді. Шат күй шаттықка, мұнды күй мұнға батырады. Кісі өлгенде өлім күйі, тойда — қуаныш күйі, соғыста адамды есаландандырып, көтеріп жіберетін соғыс күйі ойнауының мәнісі осы. Грек елінде бір әдемі ертегі бар. Орфей деген күйші күйімен, әнімен тағы аңдарды ұйытып алады екен. Казактың әдемі

ертегісінде Корқыт кайда барса да алдынан кез келе берген көрден, яғни жанын жеген өлім туралы ойдан құтылам ба деп, тоқтаусыз қобыз тартатын болыпты.

Қысқасы, баланың жаны кетік болмай, бүтін болсын десе, тәрбиеші баланы әбден, жырдан, музықадан кашырмасын.

Сыйпау сезімі. Сыйпау сезімінің құралы адамның терісі. Мидан һәм жұлынан шығып, сипау нервалары теріге келіп бұтактанады. Сипау нерваларының көп жиылған жері — кол. Қол болғанда, саусактардың ішкі жағы, бас терісі. Мұнан соң — алақан, тілдің ұшы, ерін, мұрынның ұшы, саусактардың сыртқы жағы, табан һәм жак терісі. Сипау сезімінің әлсіз жағы — арка.

Сыйпау сезімі арқылы біз заттардың ұстін, яғни қаттылығын, тегістігін, бұдырлығын, өткірлігін, топастығын һәм ыстықтығын, жылдылығын, сұқтығын білеміз.

Баланың сыйпау сезімін жаксы тәрбие қылудың керектігінде дау жок. Сыйпау сезімін тәрбие қылу үшін алдымен сыйпау сезімінің құралы — теріні түрлі зияннан сақтау керек. Теріні кір басып кетсе, сыйпау сезімі топас болып қалады. Екінші — балага түрлі нәрсе бере беру керек. Сыйпау сезімі тәрбие алса, тіпті өткір болады. Мысалы, кассада отырған адамдар саусағымен бір сыйпал жіберіп, қағаз акшаның асылы мен жасығын айыра кояды. Соқырлар қолымен акшаларды һәм жазылған қағаз бен жәй қағазды айыра біледі.

Сыйпау сезімінің адамға кымбаттылығы сонша, адамның көрген я естіген нәрсесін үстап көргісі келмей қоймайды.

**Ет сезімі.** Ет сезімінің құралы — терінің астындағы ет. Етке келіп тараған қозғау нервалары бар. Ет сезімі арқылы біз өз денеміздің қандай халде екенін, яғни қозғалып тұр ма, тек тұр ма, қозғалғанда қалай қозғалып тұр, тек тұрғанда қалай тек тұр,— міне, осыны білеміз. Бұл бір. Екінші — ет сезімі арқылы түрлі заттардың салмағын білеміз.

Баланың еті өзінің ойынымен, секіру, жүгіруімен өседі һәм бекиді. Сондыктан баланың еті жақсы өсіп, берік болсын деген тәрбиеші баланы ойынан қыспауды керек. Ал енді, бала мектепке кіріп, сабак оқи бастағанда оған әлсін-әлсін гимнастика жасату керек.

Бірақ гимнастиканың шарттары бар. Сол шарттар табылмаса, гимнастикадан пайда орнынан зиян шығады. Мысалы, гимнастика лайыкты киімде, таза һауада өткізілсін. Әсіресе гимнастика бір міндетті іс сықылды, сабак сықылды болмасын. Мұндай гимнастикадан бала безіп кетеді.

Ет сезімі адамның жан тұрмысы үшін, яғни адамның білімін арттыруына көп көмектеседі. Бізді сыртқы дүниедегі заттар туралы толық білімді болуымызға осы ет сезімі себепші. Заттардың түрін һәм салмағын біз осы сезім арқылы білеміз.

**Иіскеу һәм тату сезімдері.** Иіскеу сезімінің құралы — танаудың терісі. Сол теріде иіскеу нервалары бар. Ауада ұшып жүргең иіс сол нерваларды қытыктап, одан әсер мига барады. Иістің арнап қойған аттары жок. Иіс не заттан шыкка, сол заттың атымен жүргізіледі. Мысалы, сасырдың исі, жұпардың исі деген сықылды.

Тату сезімнің құралы — тілдің үсті. Сол тілдің үстіне тату нервілері тараған. Негізгі дәмдер мыналар: тәтті, қышқыл, ашы, тұзды, тұщы.

Ііскеу һәм тату сезімдері адамның жан тұрмысы үшін аса қымбат сезімдер емес. Бұлар денемізге қызмет қылатын сезімдер. Бұл сезімдер басқа ішкі сезімдерді оятуға үста болады. Мысалы, жақын адамның исі сіңген бір нәрсені ііскеу, әлгі адамың есіне түсе қалады.

Жас бала колына түскен нәрсенің бәрін аузына апарып салады. Мұның себебі — баллада ең алдымен оянатын осы тату сезімі. Бала колына түскен нәрсені татып білмекші болады. Баладан татудан соң оянатын сезім сыйпау. Біраздан кейін көру һәм есту, бәрінен соң ііскеу сезімі оянады.

## АБАЙ

Адам жанына әсерлену болу үшін жалғыз әсерлену ғана емес, барлық жан көріністері болу үшін бір шарт бар. Ол шарт — абай. Абай дегеніміз сыртқы дүниедегі бір затқа, яки ішіміздегі бір жан көрінісімізге — ойға, ішкі сезімге, қайратқа жанның төнуі, нұктеленуі деген сөз. Абай болмаса, біз сыртқы заттардан әсер алып, олармен таныса алмаймыз. Оймыздың дұрыс, ашық болуы, ішкі сезімдеріміздің жанды болуы, қайратымыздың түзу бет алуды осы абайға байлаулы.

Абайдың түрлері. Абай төмендегі түрлерге бөлінеді: 1) әсер берген заттың, яки көріністің мінезіне қарап екіге бөлінеді. Еріксіз абай һәм ерікті абай. Біз тілемеген уақыт-

та, яки тілегімізге қарсы бір нәрсе біздің абайымызды еріксіз тартса, міне осындай уақытта болатын абай еріксіз абай деп аталады. Мысалы, біз шын ынтамен бір кітап оқып отырмыз. Абайымыз кітапта. Кенет үй артында біреу ән шырқай бастады. Сонда осы ән біздің абайымызды кітаптан еріксіз тартып аллады. Ал енді, егер біз өзіміз тілеп, бір нәрсеге абайымызды өзіміз аударсак, міне, осындай уақытта болатын абай ерікті абай деп аталады. Мысалы, біз казір бір өлеңді жаттап алайыныш деп жаттап отырғанда, абайымызды өз еркімізбен өлеңге жұмсап, жан жакта сөйлеп жатқан сөздерді естімейміз.

2) Абай табандылығына қарай екіге бөлінеді: табанды абай, табансыз абай. Бір затқа қажымай қадалған абай табанды деп аталады. Мысалы, жан-жакқа көз, құлак салмай, бар дүниеден безіп, үйрену үшін бір әнді қайтакайта домбыраға салып отырған жігіт те табанды абай болып отыр. Ал енді, бір затқа тұрактай алмай, бірінен біріне секіретін абай табансыз абай деп аталады. Өзі бір әнді домбыраға салып үйренем деп отырып, біресе сөзге кірісіп, біресе домбыра тартып отырған жігіт табансыз абай болып отыр.

3) Абайды тарататын заттың тұқымына қарап, абай екіге бөлінеді: ішкі абай һәм тысық абай. Сыртқы дүние затына жұмсаған абай сыртқы абай деп аталады. Өзіміздің бір жан көрінісімізге жұмсалған абай ішкі абай деп аталады.

**Баланың абайы.** Баланың абайы ересек адам абайынан көп тәмен. 1) Баланың абайы ерікті емес, еріксіз. Яғни бала өзі тілеп, абыын бір нәрсеге байлай алмайды. Бір нәрсе

еріксіз тартса, сонда ғана бала абайлы бола алады. 2) Баланың абайы ішкі емес, сыртқы. Яғни бала сыртқы заттардан ғана абайлы бола алады. Өз жанында болып жатқан көріністерге абайлы бола алмайды. 3) Баланың абайы табансыз. Бала бір нәрсеге табанды абайлы болам десе де, бола алмайды. Бір нәрседен екіншіге әпсетте ауып жүре береді. Жас бала женсіккой, әуеской деп қазак дұрыс айтады. Балада табанды абай он бір, он екі жасында ғана бола бастайды.

### **Абайдың қымбаттылығы һәм оны тәрбие қылу жолдары**

Абай — жан түрмисының негізі. Бала абайлы болмаса, еш нәрсе үқпайды һәм еш нәрсе үйрене алмайды. Абай осындай қымбат болса, сөз жок, оны тәрбие қылу керек. Тәрбие қылу жолдары мыналар: 1) Әсер күшті болса, бала еріксіз абайлы болады. Мысалы, мұғалім қатты сөйлесін, тактаға жазғанда айқын қылып жазсын, балаға көрсететін суреттің бояуы ашық болсын. Балаға кеспелі әліп бидің берілетін себебі осы. Жәнеде есте болу керек. Әсер неғұрлым күшті болса, абай да сонша күшті болады дедік кой. Ал енді, сол әсердің өзінің күшті болуына бірнеше шарт бар. Бірінші — әсерді қабыл алуға сыртқы сезімдер неғұрлым көп қатынасса, әсер сонша күшті болады. Сондыктан балаға бір нәрсені білдірмекші болғанда, сол нәрседен әсер алуға баланың көп сыртқы сезімдерін қатынастыруға тырысу керек. Мысалы, баланы бір затпен таныстырмақшы болсан, сол зат туралы сөйлеп кана қоймай, алып келіп балаға көрсет. көрсетіп кана қой-

ма, сол заттың суретін салдыр, суретпен ғана қанағаттанба, балаға балшыктан сол затты жасат. Эсердің күшті болып, абайды көп тартуының бір шарты осы. Екінші — эсерді қабыл алу денеге колайсыз болмасын. Денеге колайсыз болса, эсердің күші бітеді. Эсердің күші бітсе, абай бітеді. Мысалы, бір нәрсеге қанша абайлы болып отырсан да, отыруың колайсыз болса, абайың бітіп болады. Баланы партага жатқызыбау, таяндырмаудың керектігі осыдан.

2) Эсер жеке болсын. Егер біздің көз алдымызда бір ғана зат тұрса, біз сол затқа абайды көп жұмсап, тексеріп қараймыз. Егер бірнеше зат тұрса, абайымыз бытырап, жақсы қарай алмаймыз. Бір әсермен әсерленіп, соған абайын жұмсап отырып, екінші әсерден өзін тиып қалу балаға тіпті болмайтын жұмыс. Бала бір әсерден бір әсерге тез көшे береді. Сондыктан балаға сабак берген уақытта баланың алдына оның абайын бөлгендей, беріліп отырган сабакқа жанасы, қатысы жоқ ешнәрсе тұрмасқа тиіс. Балада жақсы отырсам, жақсы оқысам, молдадан мақтау, сый аламын, жаман болсам, молдадан таяқ жеймін, ұрыс естімін деген ой да болмасын. Мұндайы болса, баланың абайы соған жұмсалып, мұғалімнің беріп отырган сабағын білейін деген шын ынтамен тындараймыды.

3) Эсер жана болсын. Эсер неғұрлым жана болса, абайды сонша көп таратады. Бір нәрсе қанша жат, қызыкты болғанмен, көз алдымызда тұрса, біраздан кейін ол біздің абайымызды оятпайтын болады, біз оны байқамайтын боламыз. Сондыктан бала абай-

лы болсын десен, балаға әсерді жаңалап беріп отыру керек. Мысалы, бір сабактың артынан екінші түрлі сабак. Қазактың ендігі жас балалары баяғы күн шыққаннан күн батқанша балдырған жас балаларды қалғытып, мұлгітіп, әлбісін-ә. әлбісін-һәй, әлбұттур-у дегізіп шұлғытып қоятын надан молдалар заманында тумағанына қанша шүкірлік қылса да аз-аз! Түрлі сабакты ауыстырып отыруға емес, бір сабактың өзін де түрлендіріп, жаңалап беруге болады. Мысалы, бір харіппен таныстырғанда, мұғалім әуелі харіпті көрсетіп, онан соң харіппер ішінен тапқызады, онан соң жаздырады. Қысқасы, баланың абайы сөніп қалмас үшін әсерді жаңалап отыру керек. Бірақ түрлендіргенниң жөні осы екен деп, үсті-үстіне бастырмалай беру жарамайды. Онда бала біреуіне абайын токтата алмай қалады. Міне, баланы түрлі ойыншыққа көміп тастаудың дұрыс еместігі осыдан. Жаңа бастаған жас балаға бес-он минуттан артық сабак беру дұрыс емес.

4) Жаңа алынатын біліммен ескі білімнің қатынасы болсын. Біз өзіміздің таныстарымыз яки туыстарымыз туралы сөз естіsek, абынымызды жұмсал, құлакты түріп тыңдай қаламыз. Егер жат кісілер туралы сөз болса, тыңдамаймыз. Міне, балаға білім бергенде жақыннан алысқа, таныстан жатқа көшіп, жаңа білімді ескі білімге байладап беру керек. Мысалы, балаға дыбыстарды айыртқанда, балаға таныс сездерді алып, дыбыстарға айырту керек. Жағрапия оқытқанда, туған ауылдан бастау керек.

5) Болашақ әсерге даярлану болсын. Яғни бір нәрсені күтіп барып жолықтырсан, сол

нәрсеге абай күшті болады. Сондыктан мұғалім балаларға жана бір нәрсені білдірмек болғанда, балаларды құткізіп, даярландырып қойсын. Мысалы, сұрауды жалпы сынныпқа берсін. Сонда бар сынып құлағын түріп тұрады.

**Абайлы болмау себептері.** Жоғары айтқан шарттар табылмаса, адам абайлы болмайды. Олардан басқа абайлы болмаудың тагы мынадай себептері бар:

1) Денениң һәм жанның шаршауы. Жұмыс қылып дene шаршаса, яки біr істен жан шаршаса, адамда абай болмайды. Сыныпта отырғанда баланың тез шаршауы оның ақылының жұмыс қылуынан, әсіресе тек отырудан, науаның бұзылуынан. Сондыктан сабак уақытында балалар абайлы болмай бастаса, мұғалім дереу балаларды босатып, жүгіртіп, ойнатып, сынныптың науасын жаңартуы керек. Біr сабактың ішінде де балаларды тұрғызып, отырғызып, гимнастика жасатып, ән салдырып алуға болады. Мұндайда бала сергіп қалады. Эн мен гимнастиканы біr өткізуге де болады. Біr сағаттық сабактың орта кезінде солай істелсе, балалар тіпті көтеріліп қалады.

Мысалы, балалар косылып айтады<sup>1</sup>.

Баяғыда болыпты тоғыз тоңқылдақ.  
Тоғызы, тоғыз, тоғыз тоңқылдақ.  
Олар ішпеді, жемеді.  
Қарнымыз ашты демеді.  
Біr уақыт істеді былай.  
(Дегенде колдарын жоғары көтереді).  
Күрсақтары тоғыздың тоғыз коркылдаап,

<sup>1</sup> У дедушки Якова семеро детей. Энімен.

Тоғызы, тоғызы тоғыз корпылдап.  
Сонда да олар жемеді,  
Жыртын-жыртын күледі.  
Сейтіп істеді бытай.  
(Дегенде екі қолын канаттай жақады).  
Жата берді тоғызы тоғыз тонқылдап.  
Тоғызы, тоғызы тоғыз тонқылдап.  
Олар ішпеді, жемеді.  
Барі де аштан өледі.  
Өлгендеге істеді бытай.  
(Дегенде екі колды төмен жібереді).

Мұғалімдер колайлы тапса, осы өлеңді айтқызып, гимнастика жасатар. Әрине, бұл өрнек үшін ғана.

2) Жанның толқынданып тұруы. Яғни бір іспен, яки бір уакиғамен жан толқынданып тұрса, жанда абайы болмайды. Толқын басылып, жан тыныштануы керек. Мысалы, ойнап, жүгіріп, ән салып токтасымен бала абылды бола қоймайды. Мұғалім осыны ескеруі керек.

3) Абайлы болмаудың үшінші себебі бейғамдық (рассеянность). Бейғамдық тума да болады. Жүре де болады.

Бейғамдық екі түрлі. Тіпті ешбір нәрсеге абайын токтата алмайтын адамның бейғамдығы һәм бір нәрселерге абайлы болып, басқа нәрселерге абайлы болмайтын адамның байғамдығы. Бұл екі бейғамдықтың бастапқысын бір ауру деп айтуға болады. Бұл терен, ұзак тәрбие тілейді. Ал енді екіншісін зиянды бейғамдық данышпан адамдарда көп ұшырайды.

Жоғарыда саналған абай түрлерінің ішінде адамға ең қымбаты, адамның терен толық білімді болуына себепші болатыны, сөз жок, ерікті абай. Сондықтан тәрбиеші күшін ба-

ланың ерікті абайының өркендеуіне жұмсау керек. Ерікті абайды өркендету әсіресе жоғарыда айтылған абай шарттарын орындаумен табылады.

### СУРЕТТЕУ

**Суреттеу ұғымы.** Бір заттан яки көріністен болған әсерлену, зат яки көрініс жоғалса, ол да, яғни әсерлену де тоқтайды. Бірақ әсерлену өзі тоқтағанмен, жоғалғанмен, оның жанда өзі болады. Яғни жанда заттың яки көріністің суреті болады. Мысалы, біз жаздыгүні көрген кемпір қосағын қысты күні суреттей аламыз. Міне, осы заттың, өзі бізге әсер беруден тоқтаған күнде де, біздің ой менен жанымызда сол затты тірілте алуымыз сол заттың суретін көз алдымызға алып келуіміз суреттеу деп аталады.

**Суреттеу мен әсерлену арасындағы айырма.** Суреттеу мен әсерлену арасындағы айырмалар мынадай:

- 1) Әсерленудің болуына жан да, дene де ғатынасады. Ал енді суреттеу жалғыз жаныңғана ісі.
- 2) Әсерлену, әсер беріп тұрған зат болса, болады. Зат жоғалса, тоқтайды. Ал енді, суреттеу қайта зат жоғалса, болады.
- 3) Суреттеудің күші әсерленудің күшінен кем болады. Мысалы, күн күркіреуді естү бар. Күн күркіреуді еске түсіріп, оймен суреттеу бар, күн күркірегенін ойлап, суреттеп отырғанда, біз естіп отырғандай коркамыз. Ал енді, суреттеудің күші әсерленудің күшіне жетсе, ол уақытта суреттеу ауруға айналады. Аурулы суреттеу галлюцинация деп аталады.

**Галлюцинация:** бізге ешбір әсер бермеген бір затты яки көріністі суреттеу деген сөз. Бұл адамның миы, жаны сау болмағандықтан болады. Мысалы, өлген адамды көру, жын, пері көру, әлде қайдағы бір затты көру, жок дауысты есту сықылды қазактың баксы, балгерлері осы галлюцинация ауруларына үшырағандарғой.

**Суреттеулердің бөлінуі.** Суреттеулер ауданына қарап екіге бөлінеді: жалқы суреттеу һәм жалпы суреттеу. Егер біз жалқы бір затты суреттесек, жалқы суреттеу деп аталады. Мысалы, Сәрсембай деген бір жалқы адамды суреттеу болады. Ал енді, біз бір-біріне ұқсас, тұқымдас көп затты суреттесек, жалпы болады. Мысалы, жалпы сиырды суреттеу жалпы суреттеу болып шығады.

**Суреттеулер ішіне қарап тағы екіге бөлінеді:** жабайы һәм күрделі суреттеулер. Заттың өзін емес, сиының ғана суреттеу жабайы суреттей деп аталады. Мысалы, қаралықты яки қызылдықты суреттеу сықылды. Ал енді, затты барлық сиңдарымен суреттеу күрделі суреттеу деп аталады. Мысалы, қара сиыр, жирен атты суреттеу сықылды.

**Баланың суреттеулері:** Бір затты дұрыс суреттей алу үшін сол заттан адам жанында көп әсерлену болу шарт. Егер бір заттан бірлі жарым ғана әсерлену болса, ол уақытта заттың барлық сиыны жанда қалмайды. Баланың әсерленулері әлсіз. Бұл — бір. Сыртқы заттармен бала жана танысып келеді, яғни балада әсерлену әлі көп болған жок. Бұл — екі. Міне, осы сабактардан бастапқы кезде баланың суреттеулері дұрыс болмайды. Жас балада бір заттан әсерлену болғанда, заттан түгел әсер-

лену емес, сол заттың балаға жат көрінген сынынан ғана болады. Мысалы, қанттан әсерлену алғанда, қантты ақ зат деп емес, түрлі тәтті бір зат деп қана біледі. Сондықтан ол, екеуі де тәтті болғандықтан қант пен кәмпитетті айыра алмайды.

Балада дұрыс суреттеу болу үшін оның жаңында көп һәм ашық әсерленулер болу шарт. Сондықтан тәрбиеші баланы көп заттан әсерлендіруге, әсерлендірген соң дұрыс, һәм ашық суреттеуге иждиһат қылу керек.

### **Суреттеулер ассоциациясы**

Біздің жанымызда сансыз көп суреттеулер бар. Осы суреттеулер қанша көп болғанмен, біз оларды бір-біріне араластырып, шатыстырып алмаймыз. Мұның себебі біз суреттеулерді байлам-байлам қытып байлаймыз да, жанымыздың әр түкпіріне тастаймыз. Бізге бір байламның ішіндегі бір суреттеу керек болса, сол қарастыруде алып келеміз. Бұл суреттеу анау өзімен бірге байлаулы тұрған суреттеулерді бірге ала келеді. Міне, осы суреттеулерді бір-біріне байлау суреттеулер ассоциациясы деп аталады. Бірак суреттеулерді бет алдына бір-бірімен байлай беруге болмайды. Байлаудың, яғни ассоциацияның белгілі жолдары бар. Олар: 1) **Жақындық ассоциациясы**. 2) **Тұқымдастық ассоциациясы**.

### **Жақындық ассоциациясы**

Бір уақытта, яки бірінің артынан бірі болған әсерленулерді біз бір байлам қытып тастаймыз. Яғни сол бір уақытта, яки бірінің ар-

тынан бірі болған әсерленулердің біреуін суреттегендеге сонымен бірге байланған әсерленулер өздері келіп суреттеледі. Жақындық ассоциациясы дегеніміз осы. Жақындық ассоциациясы екі түрлі болады: 1) Көршілестік ассоциациясы һәм, 2) замандастық ассоциациясы.

**Көршілестік ассоциациясы:** біз бір затты суреттесек, сол заттың жаңында тұрған басқа заттарды да суреттемей қоймаймыз. Мысалы, біз киіз үйдің он жак босағасында тұрған кебежені суреттесек, соның жаңында тұрған қазан, ошак, шелек, астау өздері ана кебежеге еріп келіп суреттеледі.

Балада осы көршілестік ассоциациясы күшті болады. Мұның себебі бала басқа сыртқы сезім құралдарына қарағанда көзді көп жұмсайды. Балаға не нәрсе үйретсек те көрсетіп (наглядно) үйрету керек екендігі осылан. Балаға берілетін кітаптың ірі харіппен басылуы ұнайды. Көршілестік ассоциациясы балаға әсіресе жағрапия оқығанда көп көмек көрсетеді. Картадан бала бір жерді атаса, соның жаңындағы екінші жер көз алдына елестей қалады.

**Замандастық ассоциациясы.** Бір уақытта яки бірінің артынан іле сала болған суреттеулердің бірі келсе, басқалары да соған еріп келеді. Мысалы, біз ұсташа үшін бір атқа құрық салғанымызды суреттесек, аттың үркіп кеткендігі, біраз барып тоқтағаны, біздің жүгендегеніміз өздері келіп суреттеледі. Замандастық ассоциациясы балаға, әсіресе тарих оқығанда көп көмек көрсетеді. Бір нәрслерді, мысалы, өлең жаттағанда да біз осы замандастық ассоциациясымен пайдалана-

мыз. Яғни белгілібір сөздерді бірінің артынан бірін айтуға біздің кенірдегіміз машинаша үйреніп қалған болады. Егер жаттаған өлеңді сұылдатып айтып отырганда тоқтай қалсак, біз казір жаңылып қаламыз.

Осы замандастық ассоциациясына ұксас себеп ассоциациясы бар. Яғни екі көрініс іле-шала бірінің артынан бірі келеді. Соңғы көріністің болуына әуелгі көрініс себеп болады. Сіренке сыйсан, жарық болады. Бірақ бірінің артынан іле-сала бірі болатын екі көріністің әуелгісі соңғысының болуына себеп деуге болмайды. Бұлай болу әншейін тура келіп қалудан, қазак айтқандай, мергеннің басуына, құланның қасынуы тура келгеннен яки басқа бір себептен болуға мүмкін. Мысалы, қонақ келген күні кой егіз тапса, қонақтың құттылығынан емес. Кой егіз қозыны қонақ келген соң көтерген жоқ қой, онан бәленше ай бұрын көтерген, қойдың егіз қозысын табуы қонақтың келуіне тура келіп қалды.

Бірінің артынан бірі болатын екі көріністің біреуі біреуіне алғы себеп болып отырады, деп ұгу адамды зор хатаға түсіреді. Қазақтың неше түрлі ырымдары осы хата ұғудан туған.

Тәрбиеші баланы осы хатадан, яғни ырымшыл болудан сактауы керек.

### Тұқымдастық ассоциациясы

Біз бір нәрсені суреттесек, соған тұқымдасты, ұксас екінші нәрсе, бір уақытта болмасада, ана нәрсеге өзі еріп суреттеледі. Тұқымдастық ассоциациясы дегеніміз осы. Тұқымдастық ассоциациясы екі түрлі: 1) ұксас-

ту ассоциациясы һәм қарсылық (контраст) ассоциациясы.

**Үқастық ассоциациясы.** Біз бір нәрсені суреттесек, соған үксас екінші бір нәрсені де суреттейміз. Мысалы, біз бір адамды суреттесек, сол адамымыз пішіні, сөзі, жүріс-тұрысымен біздің бір досымызға үқсайтын болса, сонда біз мынау досымызды да суреттейміз.

Осы үқастық ассоциациясы бойынша окудуы тез һәм жақсы менгеріп алу үшін оку материалын концентр қылып тұрудың ке-ректігі келіп шығады. Концентр бір пәнді бөлек-бөлек қылып, бірақ бірте-бірте зор қылып байлап, басқыштап кеңейтіп оқыту деген сөз.

**Қарсылық ассоциациясы.** Бір нәрсені суреттегенде, соған тіпті үқсамайтын қарама-қарсы нәрсені суреттеуге болады. Қысты суреттегенде жазды суреттеу, қараны суреттегенде акты суреттеу, байды суреттегенде ке-дейді суреттеу сықылды.

Бұл қарсылық ассоциациясы тұқымдасттық ассоциациясына жатады. Себебі біз тұ-қымы жат екі нәрсені бір-біріне байлай алмаймыз. Яғни бір нәрсені суреттегенде, соған қарсы болып тіпті тұқымы жат екінші нәрсе суреттелмейді. Мысалы, қысты суреттегенде, оған қарсы сиырды суреттемейсің, бәлкім, жазды суреттейсін, себебі қыс пен сиырдың тіпті тұқымы басқа.

Балаларды оқытканда қарсылық ассоциа-циясының көп пайдасы тиеді. Бір нәрсені ба-лаға ашық ұқтырмақшы болсан, сол нәрсе-нің қарама-қарсысын алып кел. Мысалы, ба-лаға жер ортасының ыстықтығын түсіндір-

мекші болсан, солтүстіктің сұғымен салыстыр.

### ЕС (зейін)

Ес һәм еске түсіру. Суреттеулерді жаның жоғалтпай сактай білуі ес деп аталады. Ал енді, сакталып тұрған суреттеулерді бұрынғы түрі, бұрынғы ретімен жанның тірілтіп алып келе білуі еске түсіру деп аталады.

Әр адамның есі әр түрлі. Кейбіреулер тез жаттап алып, тез ұмытады. Кейбіреулер шабан алады. Бірақ тез ұмытады. Кейбіреулер шабан алады, бірақ тез ұмытпайды. Кейбіреулер тез алады, сонда да ұмытпайды. Адамның білімді болуына, әрине, естің осы төртінші түрі, онан соң үшінші түрі пайдалы. Адамның есі тағы тәмендегі тұрлерге бөлінеді.

1) **Көру есі.** Көру есі күшті адам нәрсениң сыртқы түрін есінде ұстап қалады. Мысалы, таныс адамдардың пішіні есте болады, аты, фамилиясы есінде болмайды. Яки бір шәкірт бір пәннің бір жерінен жауап беріп тұрғанда сол пән кітабының айтып тұрған сөздер жазылған бетін көргендей болады.

2) **Есту сөзі.** Есту есі күшті адам заттың дыбысын есінде ұстампаз болады. Мысалы, кейбір адам таныс адамдарының аты, фамилиясы, пішінін де ұмытып калып, жалғыз даусын ғана есінде ұстайтын болады. Яки кейбір шәкірт сабакты өзі оқығаннан да, мұғалімнің сөйлегенін тындағанда, тез жаттап алатын болады.

3) **Қозғалу есі** яки мотор есі. Қозғалу есі күшті адам заттың қозғалуын есінде ұстайтын болады. Мысалы, кейбір адам таныс-

тарының жүріс-тұрысын ұмытпайтын болады. Адамда осы ес тұрлерінің біреуінің күшті болуы, көбінесе тұқым қуатайды. Мысалы, әнші, домбырашы, өлеңшінің баласында есту есі күшті болады. ~~Жоғе бір адам көніл қойған нәрселеріне~~ есті болып, көніл қоймағанда-рына ессіз болуга мүмкін. Мысалы, өлеңші өлеңді тез жаттампаз болады. Атакты жа-ратылыс ғалымы Линней өсімдік аттарын жаттауға шебер болған да, шет тілдерді үйренуге тым-ак топас болыпты.

Адам өмірі үшін естің керектігі. Ес өмір үшін аса керек. Ес болмаса, бұғін жаттағанын бұғін ұмытып тұrsa, өмірінде адамның білімі артпас еді. Адам адамды білмес еді. Ес болса ғана адам білімді болады. Ес болса ғана адам дұрыс ойлай алады. Ес **негұрлым мол, бай болса, ой да терен болады.** Терен ойлы адамдардың аса есті болғандығы бізге тарихтан белгілі. Балада ес болмаса, оған ешнәрсе үйрену де мүмкін емес. Сондыктан тәрбиеші баланың есті болуына аса көп күш жұмсау керек.

**Баланың есі.** Ересек адамның есіне қарағанда, баланың есі тым әлсіз. Бала тез ұмытады. Екі-үш жасар бала аз уақыт ата-анасынан айырылып тұrsa, оларды танымай калады. Тоғыз — он жасар бала шет елде ана тілін біржола ұмытып калады. Бала ұмытып қалып, бір нәрсенің атын қайта-қайта сұрай береді, бір көрген нәрсесін қайта-қайта карай береді. Ес тұрлерінен балада есту есінен көру һәм қозғалу есі күшті.

**Есті өркендету жолдары.** Естің өркендеуі үшін төмендегі шарттар орындалуы керек.

1) **Әсердің күштілігі.** Әсер күшті болса, есте ұзак ұсталады. Мысалы, қатты дауыл, сұрапыл боран сықылды, күшті көріністер тез ұмытылмайды. Қатты дауыспен ашық ұктырыған сабак баланың есінен шықпайды. Бір сабактан бала күшті әсер алу үшін баланың сол сабакка құмар болуы шарт. Баланы құмар қылу үшін мұғалім өзі құмар болуы керек. Мұғалім сабак бергенде өзі есіней түсіп, ынылдаپ тұрса, шәкіртте құмарлық бола ма?!

2) **Сыртқы сезімдердің көбінің қатынасы.** Бір затпен танысқанда сыртқы сезімдердің көбі қатынасса, ол зат ұмытылмайды. Балага бір нәрсені білдіру керек болғанда осы жолды ұсташа керек. Яғни мүмкін болғанша баланың сыртқы сезімдерінің көбін қатынастыру керек. Мысалы, бір заттың түрін де көрсет, дыбысын да естірт. ұстаташта көр, иіскет, дәмін татқызы, сыйпат, суретін салғызы. Баланың жаратылысының өзі осыны тілейді. Бала өзінің көрген нәрсесін ұстасысы келеді, естіген нәрсесін көргісі келеді. Ұсташан нәрсесінің дәмін татқысы келеді. Осы жолды ұсташа, баланың білімі берік болады. Мысалы, дұрыс жазу үшін күр ережелерді білу жетпейді. Қолдың, көздің, күлактың әдеттенеуді шарт.

3) **Жана білімді бұрынғы біліммен байлау.** Бір нәрсенің еске тез алынуы һәм естен тез шықпауы үшін осы нәрсенің бұрын есте бар нәрсеге байлануы шарт. Мысалы, саудагер заттардың бағасын есте ұстампаз келеді. Мұғалім осыны ескери керек. Яғни әр нәрсені бала есіне тез алсын һәм есінде ұзак ұстасын десе. Балага жана беретін білімді жат кү-

йінше бермесін, баланың бұрынғы таныс білімдеріне байларап берсін.

4) **Пысықтау.** Бала жаңа білімді неғұрлым көп пысықтаса, есінде соңша берік болып қалады. Рум елінен қалған дұрыс мәтел бар. «Пысықтау — білудің анасы» деген. Мұғалім балаға оқытқан нәрсесін көп пысықтатуы керек. Бірақ, мұғалім, құрғак жаттауға кіріспіп, баланы бұзып алыш жүрме.

Осы жоғарыда айтқан шарттар табылмаса, адам ессіз ұмытшак болады. Бірақ психология пәні адамда біржола ұмыту болмайды, дейді. Яғни адам бір білген нәрсесін біржола ұмыптаса керек. Тек кейбір нәрсені еске түсіру кын болады, дейді.

Адамның жасында өзгеріске қарап ес өзгерісі. Бастапқы кезде нәрсені еске шабан алыш, тез ұмытады. Естің аса күшті болатын кезі жеті мен он бес жас арасы. Сырты дүниемен, адамзат түрмисымен жаңа таныс болып келе жатқанда адам бар нәрсені білуғе, бар білгенін есте ұстауға ұмтылады. Естің қатынасуын катты керек қылатын ғылымдарды үйретуге, колайлы шақ осы жеті мен он бес арасы. Бұл жеткіншектің шағы деп аталады. Бұл жасында бала өмірлік білім даярлайды. Яғни бұл жаста баланың міндеті ой жүгіртіп, білімді іске асыру емес, білімді молайта беру; даярлай беру, бар нәрсені еске ала беру. Ал енді, жігіттің жасында адам жаңадан жаттай беруге емес, бар білімді оймен терендетуге ұмтылады.

Жігіттікten соң соңғы кекселік шағында адам, ойын белгілібір бетке алыш, өзінің ұстаған жолына қатынасы бар нәрселерді ғана еске алатын болады. Ал енді, шалдық ша-

ғында адамның есі бірте-бірте сөне бастайды. Бір нәрсені тез еске алмайтын, алса, тез ұмытып қалатын болады. Шалдық шағында адамның жас күндегі әсері көзге елестей береді. Шалдардың жастық шағын кеңес қыла беретіндері сол. «Балаларым, мен картайсам керек, жастықтағы әсерлерді көп айта беретін болдым-ау!»— депті Абылай хан.

### ХИЯЛ

**Хиял ұғымы.** Жанның өзінде бұрыннан бар суреттеулерден жана суреттеулер жасай алуды хиял деп аталады. Мысалы, қанатты ат, яғни тұлпар болады деп хиял қылу, жеті басты адам, яғни жалмауыз болады деп хиял қылу сықылды.

Бірак адам, жанында тіпті болмаған суреттеулерден сурет жасай алмайды. Мысалы, тума соқыр — заттардың түстері туралы хиял жүргізіп, түстерді ешбір уакыт біле алмак емес.

**Еріксіз һәм ерікті хиял.** Егер жанымыздың суреттеулердің біз билемей, суреттеулер бізді билеп алып кетсе, яғни жанымыздың суреттеулерден жана бір сурет жасаймыз деп өзіміз қайрат жұмсамай, бар суреттеулерден жана суреттеулер өздері жасала берсе, міне, жанның осы ісі, яғни бұрынғы суреттеулерден жана суреттеудің өз еркімен жасалуы еріксіз хиял, бос хиял, яки мишта (мечта) деп аталады. Ояу отырып, берекесіз бос хиялға батып отыру, яки ұйықтап жатканда түс көру сықылды. Ал енді, жанымызда бар суреттеулерден жана суреттеуді қайрат жұмсап, өзіміз тілеп жасау ерікті хиял, бере-

келі хиял, яки фантазия деп аталады. Мысал үшін Міржакып Дулатовтың «Бакытсыз Жамалын» алайык. Дәл романда суреттегендей Жамал деген қыз қазакта болған емес шығар. Бірак Нұрила, Сагила, Аккызы, Ақбала... деген қазактың қыздары бар — осы сүйгенімен қосыла алмай, қосылса, бакытты өмір сүре алмай, сардаланы көз жасымен көл қылатын қазактың сорлы қыздарын оймен бірге жинасан, солардың бәрінен сорлы, бәрінен бақытсыз Сәрсембайдың Жамалы келіп шығады. Міне, Міржакып, жаңында бұрыннан бар суреттеулерден, яғни Нұрилә, Сагила, Аккызы, Ақбала... суреттеулерін, жаңа суреттеуді, яғни бақытсыз Жамал суретін, қайрат жұмсап, өзі тілеп жасап отыр.

Фантазия төмөндегі жолдармен жасалады.

1) Заттардың өздерін, яки олардың бір мүшелерін зорайту, яки кішірейтумен. Мысалы, біз бойы бір тұтам ергежейлі деген адам болады екен деп, тәбесі көкке тиіп жүретін алып болады екен, жалғыз көзді яки жеті басты жалмауыз болады екен, деп хиял қыламыз.

2) Әр заттың түрлі мүшелерін алып қосумен, мысалы адам басты, ат кеуделі жылан құйрыкты бір жануар болады-мыс деп хиял қылу сықылды. 3) Реті келгенде өздері де жиыла алатын көріністерді бір суретке жиумен, түрлі адам мінездерін бір адамға жиумен. Мысалы, Міржакып Нұрилә, Сагила, Аккызы Ақбалалардың мінезін һәм олардың түрмистарын да болған көріністерді, уакиғаларды Жамалға жинап отыр. Міржакып колдан жасамай-ақ сондай мінезді, сондай түрмисты Жамал деген қыздың жаңында болуы да мүмкін.

Адам өмірі үшін фантазияның керектігі. Фантазия өмірдің гүлді, көрікті болуының түпкі дінгегі. Фантазиясыз адам тұсаулы есек. Фантазия ақылды кеңейтеді, фантазиясыз жаңадан бір нәрсені ойлап табуға мүмкін емес. Фантазия құлықты түзейді. Біз құлыксыз адамның орнына өзімізді койып, құлыксыздықтан жиренеміз. Фантазия әдемілік сезімін терендетеді — біз неше түрлі әдеміліктерден фантазия арқылы ғана ләззат аламыз. Фантазиясыз адам өмірі өңсіз, түссіз бір нәрсеге айналады, мақау өмірге үн беретін, сакау өмірге тіл беретін, жокты бар қылатын, барды гүлді, көрікті қылатын, арсыға аяқ басқызып, тәнірімен тілдестіретін сол фантазия. Осы фантазияны казактың терең сыршыл ақыны Шаһнгерей Бекеев мынадай деп суреттейді:

Таудағы тас үядан  
Лашындай сарыфкан киядан,  
Шалқып сөзім шыгады,  
Ойласам пікір-хиялдан.  
Аспандап хиял кетеді.  
Шықкан октай жаядан.  
Жасындай барып жалт етіп,  
Кек какпасын ашады.  
Жарығына алданып,  
Дидарга қадам басады...

Баланың хиялын — фантазиясын тәрбие қылу жолдары. Біз жоғарыда хиял деген жандагы бір суреттелулерден жана суреттеу жасау дедік. Бұдан көрінеді — хиял терең һәм бай болу үшін жанда суреттеулер көп болу керек екен. Адам неғұрлым білімді, тәжірибелі болса, хиялы да сонша бай болмақ. Міне, осы себептерден баланың хиялы

терен, бай болсын десек, оның білімі де болуына иждиһат қылу керек. Бала тұрмыспен көзбе-көз таныссын, оның есінде, жанында көп білім болсын, жан-жануардың тұрмысын бакыласын, жаратылыстың тұрмысымен таныс болсын. Міне, сонда баланың хиялы өткір һәм бай болмак.

Хиялды өркендетудің екінші жолы; баланы хиялды аса керек қылатын ғылымдармен таныс қылу: әдебиет, тарих, жағрапия, жаратылыс сықылды.

Сөз арасында арнап қазақ баласының хиялы туралы бір-екі сөз айтып өтейік. Жаратылыстың құшағында, меруерт себілген көк шатырдың астында, хош иісті жасыл кілем үстінде, күнмен бірге құліп, түнмен бірге тұнеріп, желмен бірге жүгіріп, алдындағы малымен бірге өріп, сары сайран далада тұрып өсетін қазақ баласының хиялы жүйрік, өткір, терен болуга тиісті. Бірақ қазақ халқы тәрбие көрген жок, әлі тағы, әлі бала, біз, жылдар, күндер өткен сон, қазақ хиялы тәрбие алып, терендейп, адамзат дүниесінің көгінде бір жарайқ жұлдыз болар деп, иманымыз кәміл.

Тағы бір сөз. Орыс учительдерінің аузында, және солардан сабак алған қазақ оқығандарының аузында бір сөз бар — қазақ баласы әдебиет, тарих сықылды ғылымдарға зерек болмайды. Бәлкім, математика, есеп пәніне зерек болады,— дегенмен бұл пікірді хата ма деп ойлаймыз. Мениң ойымша, қазақ баласы, математикаға емес, әдебиет, тарих, жағрапия, жаратылыс сықылды ғылымдарға зерек болуга тиісті, дәлелім — қазақ баласының жаратылысы осыны тілейді. Баланың атага тартуы рас болса, сиқырлы дағанын

баласы — казак баласы да хиял құмар болуга тиісті. Яғни ол әдебиет, тарих сықылды хиялды көп керек қылатын ғылымдарға үмтүлуға тиісті. Ал енді, орыс школасында оқыған қазак баласының математикашыл болуы: әдебиет, тарих сықылды ғылымдарды сейлеуге, жазуға орыстың тілін білмеген сон, қазак баласы тіл керек қалмайтын математиканы, есепті айналдырмағанда қайтсін.

Баланың фантазиясы һәм оның өркендеуі. Балада хиял ерте оянады. Бірақ оның жаңында суреттеулер аз болғандыктан, хиялы да бай емес. Эйткенменде, бала әсерленімпаз болғандыктан оның аз, тайыз хиялы ашық, жанды болады. Бала түсін өнім деп біледі. Балаға дүниедегі бар заттың бәрі жанды сықылды көрінеді. Баланың түсінуінше, дүние де мүмкін емес нәрсе жок, бәрі мүмкін; бәрі болатындей. Бала ертегінің бәрі шын деп үғады. Жоғарғы еріні қыбырлап, төменгі еріні жыбырлап Қобыландының Тайбурылы сейлейді десен, көк ешкінің құйыршығы жұлынып қалған сон, бір құйыршық бала болыпты десен, котыр аты құрық салғанда құнан болыпты, жүгендегендегенде дөнен болыпты, ертегенде бесті болыпты десен, бала осылардың бәрін шын көреді.

Ертегі. Жан түрмисы өркендеу үшін, яғни ойы, ақылды кеңейіп, құлқы түзеліп, тілі баю үшін жас балаға ертегі тым қымбат нәрсе. Бала ертегіні жан-тәнімен тындайды. Ертегіге шын көңілмен нанады. Бала құрғақ ақылды үқпайды, жандандырып, суреттеп алып келсен үғады. Мысалы, балаға өтірік айтпа деген құрғақ сезін желге айтқанмен бірдей. Егер сен балаға өтірікші туралы ертегі айт-

сан, сол ертегіде өтірікшікің өтірігінен кор болғанын, зиян көргенін суреттеп алып келсөн, міне бала өтірік айтпау керек екендігін сонда үгады. **Кысқасы**, балаға ертегі тым кымбат нәрсе. Бірақ ертегінің ертегісі бар. Кейбір ертегілер баланы бұзудан басқага жарамайды. Мысалы, дию, пері, жалмауыз кемпір, аруақ көрден кебінін жалмап шығатын әрбір жын-шайтан **сықылды** ертегілерді айту балаға тіпті дұрыс емес. Мұндай ертегілер баланы бұзады, корқақ, жасық кылады. Қазақтың баланы «беки келеді», «қызыл көз келеді»,— деп корқытулары да тым-ақ жарамайтын іс.

**Бала ойыны.** Баланың хиялы әсіресе ойында жарыққа шығады. Ойын балаға кәдімгідей бір жұмыс. Ойнағанда бала жанындағы әсерлермен пайдаланады. Айналасындағы түрмистан нені көрсе, соны істейді. Мысалы, қазақ баласы біреуі ат болып қашса, біреуі құрық салады; шырпыларды тізіп-тізіп көш жасайды; балшықтан мал жасайды; қуыршактан қыз жасап таныстырады, күйеу келтіреді, құда түсіреді.

**Жалқы һәм жалпы ойын.** Тіпті жас бала жалқы ойынды, жалғыз ойнауды жақсы көреді. Элі тілі еркін жетілмегендіктен ол басқа балалармен қатынаса алмайды. Ал енді, өскен сайын жалпы ойынды, бірігіп ойнауды жақсы көре бастайды. Жалғыз ойнаса, іші пысады. **Жалпы ойын** баланың тілінің өркендеуіне көп пайда тигізіп, ойнағанда тоқтаусыз қозғалып, күліп, былдырлап, сөйлей береді. Жалпы ойынмен жалпы түрмиска, яғни басқа адамдармен бірігіп тұруға үйренеді, өзінің сөзін, тілін біреуге тынданатып, басқаның

тілегін, сөзін өзі тыңдал, қыскасы, біріккен түрмистың бірінші шарты — жалпы зандарды орындал, аткарып үйренеді. Ал енді, жалғыз ойын, яғни жалғыз ойнау баланың аланғасар, еліктегіш болмай, өз ісіне ынталы, тиянакты болуына пайдалы. Бірақ осы екі түрлі ойынның екеуінің де кемдік жағы бар. Ылғи жалғыз ойнап үйренген бала тағы, мемменшіл болып, көплен бірге ойнап үйренбеген бала аланғасар, тиянаксыз, еліктегіш болып шуғуға мүмкін. Абзалы — осының екеуін кезекпен ауыстырып отыру.

Осы екі түрдің қай түрімен болса да ойнап отырған баланың ойынын бакылауға тәрбиеші міндетті. Бірақ бақылаймын деп бұлдіріп алма. Бұлдіріп алу былай болады: «Былай ойна!» — деп бұйырсан, баланың ойыннан ынтасын сұтып аласын. Баланың ойынына үлкен адам кіріссе, балаға ойынның қызығы біtedі. Ойын — баланың өз ісі. Баланың ойынына кірісуші болма. Баланы бір нәрсені бұлдірмес үшін тек шеттен бақыла. Есте болу керек, бақылау деген сөз — карауылда тұрған солдаттай кабағынды түйіп какып тұр деген сөз емес, олай тұрсан, бала ойнай алмайды. Егер баланың ойынына қатыскын келсе, өзің бала болып қатыс. Яғни ойындарына бөгет, оралғы болма. Балалар сенің ересек адам екениңді сезбейтін дәрежеде болсын.

**Ойыншықтар.** Ойыншық деген сөз баланың, жанындағы суреттеулердің белгісі деген сөз. Балаға үйпалауына көнетін, не қылса, соған жарайтын жабайы ойыншық ұнайды. Әшекейлі ойыншық баланың ішін пыстырады. Балаға нағыз қолайлы ойыншық бір үйім күм деген бір педагогтың сөзі дұрыс сөз.

Базардан алып келген әшекейлі ойыншықыннан бірде құрық болатын, бірде ат болатын бір шыбық балаға көп артық. Әшекейлі бір жат ойыншықпен бала сүйіп ойнамайды. Алады да сындырып тастайды. Және балаға көп ойыншық беру жарамайды. Олай болғанда, балада абай болмайды.

### ОЙЛАУ

Ойлау ұғымы. Әсерлену, суреттеу, еске түсіру, хиял жүргізу арқылы біз бір затты түгелімен білеміз, яки оның бөлімдерін, мүшелерін білеміз. Мысалы, мен бір жылқыға қараймын, оның бір мүшелерін, ол мүшелердің қандай екенін һәм қандай қызмет атқаратынын байқаймын, осылай тексеріп қараған соң, сол жылқы көз алдынан кетседе, мен оны суреттей аламын, бір талай заман өтсе де мен оны еске түсіре аламын. Егер көп жылқыны көрген болсам, хиял жүргізіп, басқа түрлі жылқы да суреттей ала-мын. Мысалы, биік арғымак жылқы болар деп ойлай аламын, міне, менде осы жоғарыда айтылған жан көріністері болса, мен жылқыны білген боламын. Тағы — мен жылқыны қарап, тексеріп тұрып, мынадай нәрселер істеймін: жылқыға мына мүшелер неге керек екен; мына бір мүше болмаса, жылқыға не болар еді деп ойлаймын. Яғни жылқының мүшелерінің арасындағы байладамды табамын. Бұл ғана емес, тағы ойлаймын: жә, жылқының мүшелерінің арасында мынадай байладам бар екен, бұл жылқының мүшелері қойдың мүшелеріне ұқсай ма?— ұқсайды. Жылқының ана мүшесі қойдың ана мүшесіндей, мынасы

мынасындай... Э, кой мен жылқы екеуі де төрт аякты жануар екен деймін. Енді мен жылқыны жалғыз біліп қана тұргам жок, ұқып тұрсын. Яғни жылқының мүшелері арасында қандай байлам барын, жылқы мен басқа төрт аякты жануар арасында қандай ұқастық, қандай айырма барын мен ұғып тұрмын. Міне, осы заттарды ұғу үшін жұмсалатын жан көрінісі ойлау деп аталады. Ойлау — ұғым, хұқм һәм ой түзулерді жасаумен болады. Енді осы үшеуін шешейік.

**Ұғым һәм оның жасалуы.** Бір-біріне ұқсас бірнеше заттарды суреттесек, біз сол заттарды бір-бірімен салыстырамыз. Мысалы, біздің жанымызда суреттері бар көп адамды біз бір-бірінен айырамыз. Себебі оларды бір-бірінен айыратын сындары бар. Бірақ сол адамдардың айыратын сындары болған сықылды, соларды бір-біріне ұксататын да сындары бар. Дене бітімдері сықылды. Әрине, салыстыру үшін заттарды тар тапта алсак, олардың ұқастықтары көп болады. Егер кең тапта алсак, ұқастықтары аз болады. Мысалы, жылқы мен сиыр арасындағы ұқастықтарды табу онай. Себебі араларында ұқастық көп. Ал енді, жылқы мен ағаш арасындағы ұқастықты табу киын. Себебі араларында ұқастық аз. Қыскасы, біз бір затты бір затпен салыстырғанда, олардың эр қайсысының өздеріне ғана арналған дербес сындарын алғып тастанап, ортак сындарын ғана аламыз. Ортак сындарды екеуінен де табамыз, ортак сындарды жалпылаймыз. Яғни екі заттың яки көп заттың ортасынан оймен жасалған бір зат шығады. Мысалы, мен адам туралы ойлаймын. Сәрсембай, Бейсем-

бай, Фахритден, Иван туралы емес, жалпы адам туралы, сонда мен Сәрсембайдың кара шашын, Фахритденнің сопак басын, Иваның сары сакалын, яғни солардың әрқайсының дербес сындарын алып тастап, бәріне ортақ сындарды, мысалы, екі аяқты, екі колды болуы, сөйлей, ойлай білуі сықылды ортақ сындарды аламын. Міне, осы көп заттардың ортақ сындарын алып жия білу, екінші түрлі айтқанда, зат туралы ой — ұғым деп аталауды.

**Ұғым мен суреттеу арасындағы айырма.** Суреттеу қашанда болса, жалқы болады, яғни бір затты суреттеу деген сөз — сол затты белгілі, бір орында белгілеу, бір уақыттағы түрімен, барлық сындарымен тірілтіп алып келу деген сөз. Мысалы, адамды суреттеу деген не Сәрсембайды, не Бейсембайды. Эйтеуір дербес адамды суреттеу болып шығады.

Ал енді, ұғым жалпылықты тілейді. Жалпыламасан, яғни бір тап заттың әрқайсысының дербес сындарын алып тастамасан, ұғым болмайды. Мысалы, жылқы туралы ұғым — әрбір жылқының дербес сындарын алып тастасан, торылышын, көктігін, жалдастырын, кайқылығын сықылды,— сонда ғана болады. Яғни ұғым болу үшін заттардан алып жалпы зат жасау керек. Бірак дүниеде жалпы зат болмайды. Мысалы, дүниеде жалпы жылқы жок, не көк, не торы... Сондықтан ұғым ойдың ғана ісі. Ұғымды оймен ғана жасауға болады.

**Ойлау мен хиял арасындағы айырма.** Хиял суреттеулерден жасалады. Ал ойлау болса, ұғымдардан жасалады. Мысалы, Қобландының Тайбурылы туралы біз ойлаймыз,

хиял жүргіземіз. Жалпы жылкы туралы біз хиял қылмаймыз, ойлаймыз. Хиял-суретті, жанды көрініс; ойлау — белгілібір тірі суретсіз жалаңаш көрініс. Хиял мен ойлау арасындағы айырма осы.

**Ұғымның іші мен ауданы.** Бір ұғымды басқа ұғымдардан айыратын сол ұғымның сындары, ұғымның іші деп аталады. Сол ұғымға кіретін заттар ұғымның ауданы деп аталады. Мысалы, құс деген ұғымның сыны, яғни ұша алатындығы. Тұмсығы, қанаттары — бұлар іші болады. Ал енді, құс деген ұғымға кіретін заттар: торғай, қарға, бүркіт, үйрек... ұғымның ауданы болады.

**Ұғымның іші мен ауданының арасы.** Іші мен ауданын салыстырғанда, әр ұғым әр түрлі іш пен аудан арасында карсылық бар, яғни ұғымның ішін негұрлым кең болса, ауданы сонша тар болады. Ал енді, аудан негұрлым кең болса, іш сонша тар болады. Адам һәм казак, ағаш һәм қайың деген сықылды.

**Ұғымдардың ішіне қарап белінуі.** Егерде ұғымның бір ғана сыны болмауында ұғым жабайы ұғым деп аталады. Мысалы, тәттілік деген ұғымның бір ғана сыны бар — тәттілік. Олай болса, тәттілік деген ұғым жабайы ұғым. Ал енді, ұғымның сыны көп болса, ондай ұғым құрделі ұғым деп аталады. Мысалы, ағаш деген ұғымның сыны көп, сондыктan ол құрделі ұғым. Егер бірнеше ұғымдардың бір яки бірнеше ортақ сындары болса, мұндай ұғымдар ұксас ұғымдар деп аталады. Қаскыр, түлкі сықылды. Егер бір ұғымның сындары ескіше ұғымдардың сындарына ғабысатын болса, мұндай ұғымдар қабысатын ұғымдар деп аталады. Хаюан һәм жануар, казак һәм

алаш сықылды. Ортак сындары болмаған ұғымдар үксарайтын ұғымдар деп аталады. Адам һәм тас сықылды. Сындары бір-біріне карсы болған ұғымдар карсы ұғымдар деп аталады. Жақсылық, жамандық сықылды.

**Жаланаштау.** Біз жылқы, ағаш, адам сықылды заттар туралы ғана ойлаймыз, сол заттардың қаралық, аласалық, кәрілік, қайырымдышлық сықылды сындары туралы да ойлаймыз. Яғни, біз затты жаланаштап, сынның біліп алып, сол сынды жеке бір зат сындандырып ойлаймыз. Заттың сынның заттан біліп алып, сол сынды жеке бір зат қылышп ойлау жаланаштау деп аталады. Осы заттан бөлініп алынған сын ұғымы жалаңаш (абстракция) ұғымы деп аталады. Қаралық, алыстық, жақсылық сықылды. Барлық сындарымен алынған зат ұғымы киімді (конкретті) ұғым деп аталады. Жылқы, ағаш, мұрын сықылды.

Ұғымдардың қоғамына қарап бөлінуі. Көп заттарды қоғамына алатын ұғым, жалпы ұғым деп аталады. Қоғамына санаулы заттар ғана алатын ұғым дербес ұғым деп аталады. Қоғамына бір-ак затты алатын ұғым жалқы ұғым деп аталады. Жалпы ұғым дербес ұғымның тұқымы деп аталады; дербес ұғым жалпы ұғымның төрі деп аталады. Бір ұғым оны қандай ұғымменен салыстыруымызға қарап, әрі жалпы, әрі дербес, әрі тұқым ұғым, әрі төр ұғым болуға мүмкін. Мысалы, «адам» деген ұғым «казак» деген ұғымға қарағанда, жалпы һәм тұқым ұғым. Ал енді, сол «адам» ұғымы «жанды зат» деген ұғымға қарағанда, дербес һәм төр ұғым.

**Өзінің қоғамына басқа ұғымдарды алатын ұғым** соның қоғамына кіретін ұғымдарға қа-

рағанда, бағынушы ұғым деп аталады. Ал енді, бағындыруши ұғымның қоғамына кіретін ұғымдар бағынушы ұғым деп аталады. Жоғарғы бір ұғымға бір дәрежеде бағынатын ұғымдар бірге бағынатын ұғымдар деп аталады. Мысалы, «ағаш» ұғымы терек, қайың, карагайға қарағанда, бағындыруши ұғым, терек, қайың, карагай бағынушы һәм бірге бағынушы ұғымдар.

**Жалпы һәм шектеу.** Дербес ұғымдардан жалпы ұғым жасау жалпылау деп аталады. Мысалы, біз ағаштардың, шөптердің, гүлдердің дербес сындарын алып тастап, ортақ сындарын ғана алып, өсімдік деген жалпы ұғым жасаймыз. Ал енді, жалпы ұғымдардан дербес ұғымдар жасау, шектеу деп аталады. Мысалы, біз өсімдік деген жалпы ұғымға сындарды коса-коса, қайың деген дербес ұғым жасаймыз.

**Категория.** Бір ұғымдарды жалпылай-жалпылай ең жалпы, ең жоғарғы ұғымға жетеміз. Ең жалпы, ең жоғарғы ұғым категория деп аталады. Категория ұғымы:

- 1) Зат (адам, жануар, тас, зат).
- 2) Сын (тұс, түр, сын).
- 3) Іс (сөйлеу, бөлу, істер)

## Хұм

**Хұмнің жасалуы.** Ұғымдарды жеке-жеке ойлаған сықылды, біз оларды бір-біріне байлап та ойлаймыз. Яки біз екі ұғымды қатар алып, сол екеуінң арасында не байладарын, не байлад жоғын табамыз. Мысалы, бізде «жылқы», «шабу», «ұшу» деген үш ұғым бар. Біз осы үш ұғымды бір-біріне байлап

байқаймыз да, «жылкы» ұғымына «шабу» ұғымын байлау мүмкін екенін тауып. «жылкы шабады» дейміз. Сол «жылкы» ұғымына «ұшу» ұғымын байлау мүмкін емес екенін тауып, «жылкы ұшпайды» дейміз. Осы екі ұғым арасында байлам жасау хұм деп аталады.

Хұм берілген ұғым — ие деп, иеге жапсырылған ұғым айтылыс деп аталады. Айтылыс иенің сынын көрсеткендіктен, ол хұмнің іші деп аталады.

**Ұғым мен хұм арасындағы айырма.** Бір заттың ұғымын ойлағанда, сол заттың сыны заттың өзімен бірге, яғни зат, сынмен соылып, бір зат болып ойланады. Ал енді, сын заттан жеке ойланып, бір сол жеке сынды затка алып барып не бекітеміз, болмаса, заттан сол сынды алып тастаймыз. Мысалы, «қызыл сиыр» деген сөз ұғым болады. «Сиыр қызыл» деген сөз хұм болады. Біріншіде сиыр деген сөздің қызыл деген сыннын затпен бірге ойлап отырмыз: екіншіде сиырға қызыл сыннын шеттен алып келіп бекітіп отырмыз.

**Хұмдердің бөлінуі.** Хұмдер былай бөлінеді: 1) жасалуына қарап, 2) қофамы яки санына қарап, 3) іші яки сыннына қарап, 4) ие мен айтылыс арасындағы байланыска қарап, 5) Хұмнің шындық дәрежесіне (модальность) қарап.

1) Хұмнің жасалуына, яғни иеге айтылыста қайдан алып отырмыз, соған қарап екіге бөлінеді:

а) Шешпе хұм (анализ хұмі). Егерде біз иеге сол иенің өзінің ішіндегі сынды айтылыс қылсак, шешпе хұм жасаған бола-

мыз. Көмір кара, кар сұық деген сыйылды.

б) Қоспа хұмм (синтез хұммі). Егерде біз иеге сол иенің өз ішінде жоқ бір сынды айтылыс қылсақ, қоспа хұмм жасаған боламыз. Құлак құлдыр, шаш сары деген сыйылды.

2) Қоғамы яки санына қарап хұмм үшке белінеді: а) Жалпы хұмм. Егерде ие, қоғамы таратылмай, өзіне бағынатын дербес ұғымдардың бәрімен кәдімгі күйінде алынып, хұмм жасалған болса, мұндай хұмм жалпы болады. «Адам ақылды» деген сыйылды. б) Дербес ұғым. Егер иенің бұрынғы қоғамы таратылып алынып хұмм жасалған болса, бұл хұмм дербес болады. «Кей адам ақын болады» деген сыйылды. в) Жалқы ұғым. Егер иеміз жалқы болса, хұмм де жалқы болады. «Абай ақын болған» деген сыйылды.

3) Ішіне яки санына қарап ұғым екіге белінеді: а) бекітетін хұмм айтылыс яки сын иеге жаңыстырылып бекітілсе, бекітетін хұмм болады. «Жылқы шабады» деген сыйылды.

б) Бекерлейтін хұмм. Айтылыс иеге бекітілмей бекерлетсяе, бекерлейтін хұмм болады. «Жылқы ұшпайды» деген сыйылды.

4) Ие мен айтылыс арасындағы байланама қарап, үшке белінеді: а) Кесімді хұмм. Егерде сын (айтылыс) затка (иеге) күдіксіз, шартсыз байланатын болса; «адам өледі» деген сыйылды. б) Шартты хұмм. Егерде сын затка белгілібір шарттармен ғана байланатын болса; «қалауын тапса, кар жанады», «жаз шықса, қар ериді» деген сыйылды. в) Бөлмелі хұмм, Егерде затка бірнешесі жапсырылып, бірақ қайсысы екені көрсетілмесе, яки бір айты-

лыска бірнеше ие көрсетілсе; «мынау әйел не ұл табар, не қыз табар», «Я мақсұт, яки — өлім — екіден бір» деген сыйылды.

5) Шындық дәрежесіне қарап хұм үшке бөлінеді: а) Мүмкін хұм. Егерде айтылысты інеге байлаудын мүмкін екендігі ғана көрсетілсе; «мүмкін Марста халық бар шығар», «сарадала аласып, сұық кебін жамылып, қалармын көмілмей» деген сыйылды. в) Шын хұм. Егерде айтылыстың інеге жапсырылуы тәжірибе, бакылау қуәлік арқылы тексеріліп, шын деп табылса; «Ақмолла — қазақ ақыны», «Ахмет Байтұрсынов қазақ тілін көп тексерген», «Абылай ақылды хан болған» деген сыйылды. в) Міндettі хұм. Егерде дәлелдермен бекітіліп, бір сынның бір затта болуы міндетті болса; «сұыкта су қатып мұзға айналды» деген сыйылды.

Хұмдер жоғарыда саналған бөлімдерге бөлінген. Міне, бұл бөлімдер бір хұмғе жиналадып, бір хұмде әлденеше бөлім табылуға мүмкін. Мысалы, «қар сұық» деген хұм әрі шешетін, әрі жалқы, әрі бекітетін, әрі киімді, әрі шын, әрі міндетті ұғым.

### Ой шығару яки үйғару

**Ой шығару қалай жасалады?** Біз бір ұғымды екінші ұғымға байлагап қойып, яғни хұм жасап қанағаттанбаймыз. Осы хұмді басқа хұмдермен салыстырып, осы хұмді актаймыз. Мысалы, біз «Сәрсембай» һәм «оку» деген ұғымды аламыз да, осы екеуінен жасалатын «Сәрсембай өлеңді» деген ұғымды анықтау үшін басқа хұмдермен салыстырамыз, яғни «Сәрсембай» мен «өлу» ұғымдарын

«адам» деген үғымға байлап қараймыз. Яғни былай ой жүргіземіз. «Адам өледі. Сәрсембай адам. Ендеше Сәрсембай да өледі» дейміз. Осында біз «Сәрсембай өледі» деген жаңа хұкмді ана бізге бұрыннан белгілі екі хұмнен шығардық, туғыздық. Міне, осы бір яки бірнеше хұмдерден жаңа бір хұм туғызу ой шығару деп аталады.

Ой шығару үш түрлі жолмен болады. 1) дедукция, 2) индукция, 3) аналогия.

**Дедукция.** Ойдың бір жалпы заңнан дербес бір көрініске көшуі. Екінші түрлі айтқанда, жалпы ойдан жалқы бір ой шығару дедукция деп аталады. Мысалы, жалпы адамзат өледі деген ойдан Сәрсембайдың өletінін шығарамыз. Көп пәнді, әсіресе математиканы үйренгенде дедукцияның көп пайдасы тиеді. Жәй тұрмыс үшін де дедукция көп қолданылады. Мысалы, доктор әрбір аурудың жалпы сындарын білген соң ауырып жатқан бір адамның ауруы не екенін табады.

**Силлогизм.** Дедукцияның көп қолданылатын түрі — силлогизм, яғни екі хұмнен жаңа бір хұм жасау. Жаңа шығарылған хұм нәтиже деп аталады. Нәтиже шығарған екі хұм қазия деп аталады. Қазиялар һәм нәтиженің ішіндегі үғымдар термин деп аталады. Нәтиженің айтылысы зор термин, нәтиженің иесі кіші термин. Ал енді, қазиялардың ішінде болып, нәтижеде болмаған үғым орта термин деп аталады. Орта термин зор термин мен кіші терминді байлайды. Ал енді, ішінде зор термин бар қазия зор қазия деп, ішінде кіші термин бар қазия кіші қазия деп аталады. Мысалы, «адам өледі. Сәрсембай адам. Ендеше Сәрсембай өледі» деген сықыл-

ды силлогизм кіреді. «Өледі»— деген ұғым зор термин, «Сәрсембай» ұғымы кіші термин, «адам» ұғымы ортақ термин. «Адам өледі» зор қазия, «Сәрсембай адам» кіші қазия.

Толық һәм шолак силлогизм. Үш бөлімі де түгел, яғни ортақ зор қазиялары һәм нәтижесі бар силлогизм толық болады. Ал енді, екі қазиясының біреуі түсіп қалған силлогизм шолак силлогизм (иннимима) болады. Мысалы, біз «адам өледі», ендеше, «Сәрсембай өледі» десек, кіші қазияны түсіріп қалдырып, шолак силлогизм жасаған боламыз. Сейлегенде көбінесе осы шолак силлогизм колданылады.

**Силлогизмдердің бөлінуі.** Силлогизмдер жабайы һәм құрделі аталаып, екіге бөлінеді. Егерде нәтиже екі хұмнен, яғни зор һәм кіші қазиядан ғана тудырылған болса, мұндай силлогизм жабайы деп аталады. Жабайы силлогизм өзі үшке бөлінеді; кесімді, шартты һәм бөлмелі. Мысалдар: а) борышын жасырған өледі. Сәрсембай борышын жасырды. Ендеше, Сәрсембай өледі; б) Суық болса, су катып қалады. Ендеше суық болды, в) мынау жылқы не сенікі, не менікі. Жок, ол сенікі де емес, менікі де емес екен. Ендеше, мынау жылқы басқанікі.

Егер бірнеше силлогизмдер қосылып, со-  
лардың бірінің нәтижесі екіншісіне негіз  
болып отырса, міне осылай бірнеше силло-  
гизмнен жасалған бір силлогизм құрделі  
силлогизм деп аталады. Мысалы, Сәрсембай  
адам; әрбір адам өз үлтyn сүйеді; ендеше,  
Сәрсембай да өз үлтyn сүйеді (бірнеше сил-  
логизм). Сәрсембай өз үлтyn сүйеді; өз үл-  
тyn сүйген адам өз үлтynың бақты үшін

өз бахытын құрбан қылады; Ендеше, Сәрсембай да ұлтының бахыты үшін өз бахытын құрбан қылады.

Күрделі силлогизмдерде көбінесе сөйлеудің сұлу болуы үшін, ортадағы нәтижелер қалдырылып, ең соңынан бір-ақ нәтиже шығарылады, яғни күрделі силлогизм қыскартылады. Қыскартылған күрделі силлогизм сорит деп аталады.

Сенека данышпанның сориті: «Есті адам қанағатты; қанағатты адам тиянақты; тиянақты адам көнгерлі; көнгерлі адам қайғысыз; қайғысыз адам бахытты. Ендеше, есті адам бахытты».

Күрделі силлогизмдерде жабайы силлогизмдер сықылды кесімді, шартты һәм бөлмелі аталып үшке бөлінеді.

### Силлогизмнің дұрыс бөлу шарттары

1) Екі казияның біреуі бекітетін болу керек. Әйтпесе, екі бекер ие мен қазиядан нәтиже шықпайды. Мысал: «адам мал емес. Мал адам емес. Ендеше?» 2) Екі казияның біреуі екіншісіне қарағанда жалпы болсын. Әйтпесе, екі дербес қазиядан нәтиже шықпайды. Мысал: «Кейбір адам өнерлі; кейбір адам қысық көз. Ендеше?» 3) Орта термин екі қазияда да болсын. Болғанда, бір мағнадағы бір ғана сөз болсын. Әйтпесе, нәтиже шықпайды. Мысал: «Наурыз — ұлт мейрамы. Менін атым Наурыз. Ендеше?»

Силлогизмнің керектігі. Силлогизмнің жан тұрмысы үшін пайдасы сол, негізгі бір заң бойынша толып жатқан көріністерді шешеміз. Дүниеде сансыз заттарды, толып жат-

кан көріністерді адам өзі сынап, өзі бақылап бітіре алмайды. Мысалы, жер жүзіндегі бар адамның, болған һәм болашак адамның бәрінін өлетіндігін адам өзі сынап бітіруге мүмкін емес. Біз бір адамның өлуі туралы хұм шығармак болсақ, пәннің һәм кәрі тажірибелін «адам өледі» деген хұмнін аламыз да. «пәлен адам өледі» деп хұм шығарамыз. Бала «өтірік айту нашар» деген негізгі занды білсе, өзі де өтірік айтпайтын болады.

**Индукция.** Ойдан дербес көріністерден жалпы көріністерге көшуі, екінші түрлі айтқанда, жалқы ойдан жалпы ой шығару индукция деп аталады. Мысалы, біз бақылауымызша: Сәрсембай. Бейсембай сықылды адамдардың өлгенін алып, жалпы адам өледі деген жалпы зан шығарамыз.

**Индукция түрлері.** Индукцияның екі түрі бар: толық һәм кем индукциясы. Егер біз шығарылатын жалпы негізгі занға кіретін көріністердің бәрін өзіміз сынап, бақылап барайп жалпы зан шығарсак, біз толық индукция арқылы шығарған боламыз. Мысалы, біз бір жылдағы он екі айдың әрбір айының күнін санап, ешбір айда отыз бір күннен артық күн болмайды деуіміз сықылды. Бұл толық индукция адамның білімін арттырмайды.

Егерде біз бірнеше заттарды, яки көріністерді бақылап, сол бақыланған заттар көріністерге ұксас, бірақ заттар, көріністер туралы бір ой шығарсак, онда біз кем индукция арқылы шығарған боламыз. Мысалы, біз жер жүзіндегі барлық ағаштың суда қалқығанын бақылағанымыз жок. Өмірімізде бірнеше ағаштың қалқығанын бақылағанымыз бар. Бірақ біз азғана ағаштың қалқығанын ба-

қыласақ та, жер жүзіндегі барлық ағаш суда қалқиды деген жалпы зан шығара аламыз.

Кем индукцияның дұрыс болуының шарты — бақыланған көріністер арасындағы байlam берік байлауға тиісті. Байлам берік болмаса, мысалы, бір көріністің жаңында екінші көрініс уақытша тұрған болса, онда нәтиже шықпайды. Мысалы, қазақ қебінесе тымақ киеді. Соған қарап, біткен казақ тымақ киеді, тымақ кимеген адам қазақ емес деп нәтиже шығару, әрине, дұрыс емес. Құтты коңак келсе, қой егіз табады деген сыйылды ырымдар бәрі индукцияның хаталығынан туған.

Индукцияның керектігі. Адам білімін осы индукция арқылы ғана байыта алады. Әсіресе кем индукция арқылы. Біз индукция арқылы заттар, көріністер аратығындағы байlamды белгілейміз, негізгі заттарды табамыз, заттар, көріністер араларындағы байлауға қарап, тап-тапқа бөлеміз. Бұл бір. Екінші, біз азғана бақыланған заттар, көріністер арқылы, бақыланбаған, көрмеген, білмеген заттар, көріністерді шешеміз. Хатта келешекті де болжаймыз. Баланы үйреткен уақытта, біз оған бірнеше мысалдар, арқылы жалпы занды баланың өзіне таптырамыз.

Бірақ біз заттарды, көріністерді жаксылап бақылаймыз, араларындағы байlamды терең тексереміз, асығып үстен нәтиже шығарсак, бұл нәтижеміз хата болады. Осыдан сактану керек. Асығып үстен нәтиже шығару балада көп болады. Өзінің аты бар, тоны бар бала жер жүзіндегі баланың бәрінің ат, тоны бар деп нәтиже шығарады. Дүниеде аш, жалаңаш

сорлы балалар бар десен, нанбауға мүмкін.

**Аналогия.** Екі заттың бірнеше ұксас сындары бар екенін тауып, сол екі заттың басқа сындарының да ұксас екендігін ойлап шығару, екінші түрлі айтқанда, ойдын дербес көріністен дербес көрініске көшуі аналогия деп аталады. Мысалы, астрономдар (кек ғылымына жетік адамдар) айтады — Марста біздің жердің haуасындаи haуа бар, ендеше, жердегі сықылды Марста да жан иесі бар дейді. Міне, бұл аналогия бойынша шығарылған нәтиже.

Аналогия жай түрмиста да, пәнмен бір нәрсені тексергенде де көп колданылады. Әсіреле бала көбінесе осы аналогиямен ойлайды. «Пәлен бала тайға мініп жүр, мен неге мінбеймін», пәлен баланың пәленді ісін мұғалім ұнатпады; ендеше, мен ондай іс істемеймін деп ойлады. Аналогия да индукция сықылды, кейде хата болуға мүмкін. Хата болу екі зат, яки екі көріністе бір-біріне болмашы бір сында бір-біріне ұқсауынан барлық сында ұқсайды деп ой шығарудан болады. Мысалы: киімдері ұксас екі адамның білімдері де бірдей деп нәтиже шығару, әрине, хата.

**Гипотеза.** Кейбір көріністердің арасындағы байламды бақылауға мүмкін болмайды. Ол уақытта біз бұл көріністер туралы жалпы занды жорып, болжап қана шығарамыз. Жалпы занды жорумен, болжаумен шығару гипотеза деп аталады. Мысалы, физикадағы әрбір зат молекула негізгі ен ұсак бөлімнен тұрады деген гипотеза сықылды.

**Баланың ойлауы.** Бала айналасындағы

заттарды, көріністі біліп қана қоймайды. Со-  
ларды үккысы келеді. Яғни солар туралы  
ұғым жасауға һәм ой шығаруға ұмтылады.  
Үш жастан былай бала дамылсыз: «Мынау  
не? Бұл неге жарайды? Мынау іс не үшін  
былай істеледі?»— деген сұқылды сұрау-  
ларды бере береді. Міне, осы сұраулар бала-  
да ойлау болатынын көрсетеді. Бірак баланың  
ойлауы терең ойлау емес. Баланың жаңын-  
да суреттеулер аз. Суреттеулерден ұғым  
жасай алмайды. Сондыктан баланың бір зат  
туралы ұғымы сол заттың суреті болады. Мы-  
салы, бала ағаш туралы ойлаганда белгілібір  
ағаш туралы ғана ойлайды. Баладан «зат де-  
ген не?» деп сұрасан «жылқы» дейді. «Бөрік  
деген не?» деп сұрасан, «менің бөркім», «атам-  
ның бөркі» дейді. Баланың жана ой шығаруы  
да терең емес. Дедукция бойынша жалпыдан  
жалқыға, индукция бойынша жалқыдан  
жалпыға ой жүгіртуді білмейді. Бала аналогия  
бойынша ойлайды. Мұнда да көбінесе сыртқы  
болмашы сындарына карайды. Екі жас он  
айлық бір бала тарелкеге су құйып, ішіне ет  
салыпты. Не үшін?! Етті суға ерітем деп. Бұ-  
рын солай қантты еріткені бар еken. Он жасар  
бір америка баласының мұғалімі тапал бойлы  
ашуланшак адам болыпты. Бір уақытта осы  
мұғалім кеткен соң, әкесі басқа бір мұғалім  
алыпты. Бұл мұғалім де тапал еken. Сонда  
жаңа мұғалімге бала айтыпты: «Мен сізден  
корқам, сіз ашуланшак шығарсыз»,— деп.  
«Оны қайдан білдің?»— деп сұрайды мұғалім.  
«Сіз де тапал екенсіз еken» дейді бала.

Ойлаудың жан тұрмысы үшін керектігі  
һәм оны өркендетудің тиістілігі. Ойлау адам  
емірінде аса қымбат орын алады. Ойлау бол-

маса, адам басқа жануар сыйылды заттарды, көріністерді құр жадына, есіне ғана алып, жат бір көрініс үшіраса, оны шеше алмайтын, оған түсіне алмайтын бір жан иесі ғана болар еді. Келешекте не болатынын, тұрмысы қалай өзгеретінін бітмейтін бір санлаусыз сокыр болар еді. Адам ойлау аркасында ғана заттардын, көріністердің араларындағы байламды белгілең, оларды бар қылған себептерді табады, келешекте оларға не болатынын ойлап шығарады. Келешекті болжай алады. Қыскасы, ойлай білетін адам шын мағнасымен адам.

Ойлау осындай қымбат көрініс болса, оны өркендету керек. Әсіресе, тәрбиеші баланың дұрыс ойлап үйренуіне көп күш жұмсау керек. Ұста тәрбиеші баланың ойын жетектемесе, бала үғымды, хұқмді теріс жасауға, хата ой шығаруға үйреніп кетеді. Мұндай бала тар ойлы, сокыр сенгіш, ырымшыл адам болып шығады.

Ойлауды өркендету жолдары. Ойлау жанын өте бір киын, терен ісі. Жас балаға ойлаутым ауыр. Сондыктан тәрбиеші баланың ойлауын өркендеткенде сактықпен, басқыштап, іс істеу керек. Өркендету жолдары мыналар:

1) Баланың жанында дұрыс әсерленулер һәм ашық суреттеулердің көп болуына иждиһат қылу керек. Әсерленулер, суреттеулер өздері аз болып, және дұрыс һәм ашық болмаса, баланың үғым, хұқм жасауы һәм ой шығаруы хата болады. Ойдың өзінің терен болуы үшін әсерлеу һәм суреттеулердің көп һәм ашық болуы керек. Қанша дегенмен адам сүреттеулер бойынша ойтайды. Сондыктан

екінші дыбыс қолданады. Мысалы, «р» орнына «и» жүргізеді. Кейбір адамдардың баланы өз тілінше сөйлеп, балаға тез ұқтырам деп, яки баланы еркелетіп, әдейі тілдерін бұзып, балаша шолжандап, сакау болып сөйлейтіндері бар. Бұл — зор хата. Бұлай сөйлеу баланы түземейді, бұзды. Баланы адастырып, оның сөзді дұрыс сөйлеп үйренуіне бөгет болады. Бала сөзін дұрыс сөйленген үлкен кісінің сөзіне қарап сөйлейді ғой. Бала бастап заттардың атын (зат есімдерді) онан соң заттардың ісін (еңістіктерді) онан соң заттардың сынын (сын есімдерді) айтып үйренеді.

Екінші жылдың аяғында бала қысқа сөйлемдерді айта алады. Үшінші, төртінші жаста бала жап-жаксы сөйлейтін болады. Бала тілінің дұрыс өркендеуінің бірінші шарты балаға сөзді бұзып сөйлемеу керек. Және балаға үқпайтын жат сөз үйіретпеу керек. Екінші, бала өзі тенденс балалармен бірге ойнауы керек. Баланы ешбір уақыт сөзден тыймау керек. Былдырласын, шолжандасын, сөйлей берсін.

Ал енді, баланың тілін шын дұрыс жолға салатын, дұрыстаітын, байытатын мектеп.

## **ІШКІ СЕЗІМ ЯКИ КӨҢІЛ КӨРІНІСТЕРІ**

Біз жан тәрбиесіне кіргенде жан көріністерін үшке бөліп едік: ақыл көріністері, ішкі сезім яки көңіл көріністері һәм қайрат көріністері деп. Ақыл көріністерінің қандай тұрларға бөлінуін һәм оларды қалай тәрбие қылу керек екендігін біз жазып өттік. Енді ішкі сезімдерге көшеміз.

**Ішкі сезімдер.** Адам бір нәрседен әсерлену алып, нәрсемен таныс болып тұрғанда, адамның жанында не жағымды, не жағымсыз бір күй болмай тұрмайды. Мысалы, жағымды дыбыстан әсерлену алғанда, жан жағымды күйде болады. Жағымсыздан — жағымсыз күйде. Және болып озған бір әсерленуді суреттеу жасағанында да, жанда не жағымды, не жағымсыз күй болады. Мысалы, біз жаксы көрген адамымызды суреттесек, жанымыз жағымды күйде болады, жек көрген адамымызды суреттесек, жанымыз жағымсыз күйде болады. Қыскасы, әсерлену уақытында яки суреттену уақытында жанымызда не жағымды, не жағымсыз бір толқын болмай коймайды. Міне, осы әсерлену, һәм суреттеу уақытында жанда болатын толқын ішкі сезім деп аталады.

Әсерлену мен ішкі сезім арасында көп айырма бар. Әсерлену дене мен жаннын қатынасумен болатын көрініс. Ішкі сезім таза жан көрінісі. Бұл — бір. Екінші, әсерлену арқылы біз сыртқы заттармен танысамыз. Ал енді, ішкі сезім арқылы біз заттарға, көріністерге баға береміз. Егер қадырлі деп тапсак, жанымыз жағымды күйде болады, қадірсіз деп тапсак, жанымыз жағымсыз күйде болады.

Ішкі сезімдердің жасалуы. Адамда ішкі сезім болу үшін біздің жанымызда бұрын бірнеше әсерленулер һәм суреттеулер болу шарт. Себебі ішкі сезім бір тұқымдас бірнеше әсерленулерді һәм суреттеулерді бір-бірімен салыстырумен болады. Мысалы, біз «мына картина әдемі екен» десек, сонда біз сол картинаны оймен басқа картиналармен салыстырып алып отырмыз. Салыстырылатын бұрынғы мен жана екі суреттеулердің бұрынғысы — ішкі сезімнің негізі деп, соңғысы ішкі сезімді оятушы деп аталады. Негізгі суреттеу әр адамда әртүрлі болады. Әрбір адамның ішкі сезімі сол адамның қандай күйде тұруына, оның біліміне һәм денесінің қандай күйде тұруына байлаулы болады. Мысалы, бір әннен бір уақытта жағымды әсерлену, екінші уақытта жағымсыз әсерлену алуға мүмкін. Яки білімді оқыған адам бір нәрседен жағымсыз әсерлену алғанда сол нәрседен оқымаған надан адамның алған әсерленуі жағымды болуға мүмкін. Яки сау адамның бір нәрседен алған әсерленуі жағымды болғанда, сол нәрседен ауру адамның алған әсерленуі жағымсыз болуға мүмкін.

Ішкі сезімдердің сыртқа шығуы. Жанда

болған әрбір ішкі сезім сыртқа шықпай, яғни денеге әсер бермей коймайды. Не бет өзгереді, не дауыс өзгереді, не жай денеде бір әсер болады. Мысалы, үялғанда бет қызарады, корықканда дауыс, дene дірілдейді. Халық ішкі сезімдердің орыны жүрек деп біледі. Бұл пікірде әжептәуір дұрыстық бар. Яғни ішкі сезім уақытында жүректің қызметі күшнейеді. Шынына келгенде, әрбір ішкі сезімнен көп әсерленетін жүрек қуаныш уақытында жұмысын жылдам атқарады, «ойнайды». Ал, реніш уақытында жұмысын шабан атқарады, «қысылады».

**Ішкі сезімдердің бөлінуі.** Бірінші, ішкі сезімдер мінезіне қарап екіге бөлінеді: жағымды һәм жағымсыз ішкі сезімдер. Яғни қандай болса да ішкі сезім мінезіне қарағанда, не жағымды, не жағымсыз болмай коймайды. Екінші, ішкі сезімдер қүшіне қарап бөлінеді. Қүшіне қарағанда, ішкі сезімді екіге айыруға болады: жан күйі һәм аффект.

**Жан күйі.** Адамда бір ішкі сезімнің ұзак болуы жан күйі деп аталады. Мысалы, адамда қайғы ұзак болса, оның жан күйі де қайғылы мінезді болады. Кейбір адамдардың жаны өмір бойы бір күйде болады. Мысалы, туғаннан бері тарлық, кемдік, жоктық, науқас көрмеген адам ылғи қуанышты, шат болады. Өмірі бойы кемдік, тарлық көрген қуқанжыға адам жадырауды білмейтін болады.

**Аффект.** Тіпті күшті болған ішкі сезім аффект деп аталады. Аффект көбінесе кенет болады. Оны құйынмен үйкастыруға болады. Ишкі сезім аффект дәрежесіне жеткен

уақытта жанның басқа күштері әлсіреп, жұмысы шабандап қалады. Мысалы, ашу уақытында, қатты қорыққан уақытта ақыл жөнді жұмыс қыла алмайды. Аффект тым күшті дәрежеге жеткенде, адам не істеп, не қойғанын ойлай алмайды. Мысалы, күшті аффект уақытында адам төбелесіп қалады. Кісі өлтіріп тастайды. Кенет күшті болатын аффект адамның денесіне де күшті әсер береді. Бетті қуартады, қызартады, деңені дірілдетеді, құлдіреді, жылатады, кейде кенет шашты ағартады. Аффект нерв системасына күшті әсер етеді, аффекттен соң адам әлсіреп қалады.

Ішкі сезімдер тағы екіге бөлінеді: өзімшілдік (эгоизм) ішкі сезімдері һәм көпшілдік (альtruизм) ішкі сезімдері. Кіндігі өзімізде болған, яғни біздің не әлсіздігімізді, не күшімізді көрсететін ішкі сезімдер өзімшілдік ішкі сезімдері деп аталады: Ұялу, корку, батырлық, ашу, жек көру, тәкаббарлық, күншілдік сықылды. Ал енді, басқа адамдар һәм жаратылыш үшін болатын ішкі сезімдер көпшілдік ішкі сезімдері деп аталады. Достық, аяу сықылды.

Баланың ішкі сезімдері. Баланың тұрмысында ішкі сезім зор орын алады. Бала бір нәрсeden әсерлену алғанда ол әсерленудің жағымды яки жағымсыздығын бірінші орынға кояды. Баланың ішкі сезімдері ересек адам ішкі сезімдерінен былайша айрылады: баланың ішкі сезімдері ұшқыр болады. Жылдам ойланады. Мысалы, бала тез куанады, тез қайғырады, құлуі де, жылауы да тез; 2) Баланың ішкі сезімдері күшті, күйіндай екпінді болады. Мысалы, баланың ко-

лындағы ойыншығын ойнап қана алсан да, ол қатты ашуланады. 3) Баланың ішкі сезімдері тұраксыз, құбылымпаз, құйынданай тез басылады. Мысалы, қатты ашуланып тұрған бала бір қызық нәрсе көрсө, қуанып кетеді, құліп жібереді.

Ішкі сезімдердің адам өмірінде үстаған орыны зор. Әсірсеке баланың өмірінде ішкі сезім көп роль ойнайды. Біздің ісімізге белгілі бет алдыратын, көбінесе осы ішкі сезімдер: біз жағымды нәрсені істейміз. Жағымсызды істемейміз. Бізде жағымды сезім оятпайтын істі біз шабан, көнілсіз істейміз; оятатын істі шаттықпен, шын ынтамен істейміз. Адамның бахытты, бахытсыз болуда осы ішкі сезімдерден: Жөпшенді нәрседен жағымсыз ішкі сезім алмайтын адам бахытты; тым сезімпаз адам бахытсыз, сондықтан ішкі сезімдерді дұрыс тәрбие қылу керек.

Ішкі сезімдерді тәрбие қылу, тәрбиеден мақсат һәм тәрбие жолдары. Баланың ішкі сезімдерін тәрбие қылғанда тәрбиеші алдымен баланы үйрету керек. Дұрыс, пайдалы, жоғары нәрседен ләззат алуға, тәмен, пайдасыз нәрседен жиренуге, һәм осы үмтүлумен жиренуді терен, берік қылуға тырысу керек. Бұл мақсатқа жеткізетін жолдар:

1) Дұрыс ішкі сезімдердің көп болуына, нашарлардың болмауына жәрдем көрсету керек. Яғни баланы ұнамсыз ішкі сезімдерді оятатын себептерден сактау керек. Мысалы, балалардың біреуіне базарлықты, ойыншықты көп беріп, біреуін аз беріп, арада күншілдік туғызбау керек. Жануарды малдың төлін, мысықты әуре қылғызып ұрғызып үйретпеу керек: бала қатал болып шығады.

2) Баланың маңындағы адамдар балаға жақсы мысал. Бала еліктегіш, маңайындағы адамдардың, әсіресе ата-анасының мінезіне салып алады. Бала жүргенде, сөйлегенде ата-анасындай болуға тырысады. Ата-ана катал болса, бала да катал: ата-ана жұмсак болса, бала да жұмсак. Қымсетсе ашуланып, бакырып, коя беретін ата-ананың баласы да сондай. Сондықтан баланың маңындағы адам дұрыс мінезді болу керек.

Өзімшілдік ішкі сезімдердің біреуі — ашу. Екінші кісі тарапынан бізге әдейі қолденен тартылған бір бөгетке, кедергіге ұшырасак, біздің жанымызда ашу сезімі пайда болады. Бізге бір жансыз нәрсе зиян қылса, кедергі болса, яки бір адам байқамай, бізге кедергі жасаса, біз оған ашуланамыз. Қыскасы, ашу сезімі адамда екінші бір адамға қарсы ғана оянады. Баланың ашуланып, куыршакты, шыбықты ұруы баланың сол нәрселерді жанды деп білуінен.

Ашу ең күшті дәрежеге, құтыру дәрежесіне жеткенде, адам ақылынан айырылып, не істегенін білмейді.

Балада қайрат әлсіз. Бала өзінің күшін шамалай алмайды һәм маңайындағы нәрсенің бәрін жанды деп біледі. Сондықтан балада ашу сезімі тез оянады. Бала жылдам ашуланады. Баланың ашуы жылаумен, айғай салумен һәм ашу тудырған нәрсеге зиян келтіруге ұмтылуымен жарыққа шығады. Бала катты ашуланғанда, не шалқасынан, не етпетінен домалайды, жер тепкілейді, колына түсken нәрсені тырнайды, тістейді. Баланың мұндаидай ашуын бітіру үшін, долданып жаткан баланы байқамағандай болу керек. Бала өзі

басылған сон ұрыспай жай ғана балаға бұлай долданудын ұнамсыз екенін, түбі пайдасыз екенін ұқтыру керек. Ашуланған бала сол ашуы туғызған нәрседен өш алуға ұмтылады. Балаға өш алдырып үйретпеу керек. Адамнан, малдан өш алдыру былай тұрсын, жансыз нәрседен де өш алдыру дұрыс емес. Мысалы, табалдырыққа сүрініп жығылған балаға табалдырықты ұрғызу яки ұру жөнге келмейді. Өш алдырып үйрету баланы малға, жанға бәріне де қайырымсыз катал қылып шығарады.

Корку сезімі — адам жанында бір бақытсыздық күткенде болады. Корку сезімінің бірнеше басқышы бар. Женіл корку тынышсыздану деп, қатты корку үрей ұшу деп аталағы. Корку сезімінің күштілігі келе жаткан коркыныштың шамасына, дененің сезімпаздығына байлаулы. Хиялы бұзылған яки деңесі ауру адам корқақ болады. Корқақ сезімі неғұрлым күшті болса, оның жанға һәм денеге әсері де сонша күшті болады. Үрей ұшқанда адам козғала алмай, сөйлей алмай қалады. Есінен айырылады, кенет кейде шашы да ағарып кетеді.

Бала тым корқақ келеді. Мұның себебі — Баланың хиялы тым тірі һәм денесі әлсіз. Бала желден сықырлаған есіктен корқады, козыдан, лактан корқады. Жат кісіге жоламайды. Әсіресе көп коркытылған бала тым корқақ болады. Ал енді, коркытылмай өскен бала батыр болады. Мұндай бала қаранды үйге кіріп жүре береді. Жалғыз жатып үйктай береді. Баланы қорықпайтын ер қытып өсіру үшін оның денесін һәм жанын сау, берік қылып тәрбие қылу керек. Алдымен баланы

ешбір уақыт коркытпау керек. Беки келеді, жалмауыз кемпір келеді, пері, жын, шайтан, албасты, обыр келеді деген сықылды сөздермен баланы коркыту қып-қызыл зиян. Мұндай сөздерді, әңгімелерді, ертегілерді естіп өскен бала өмір бойы су жүрек, коркак болады. Жасында коркытылып үйренбекен бала өскенде ер болады. Ер болу — үйренуден. Адамға ер болу керек деген құр сөз пайдада бермейді. Ерлікке іспен үйрету керек. Мысалы, қаранды үйге кіруге корқатын баланы үлкен адам өзі бірге алып, кіргізіп үйретсе, бала корықпайтын болады. Тарсыл-гүрсіл атыс соғыстардың ішінде жүрген адам коркудың не екенін білмейді.

Жоғарыда айтылған, баланы коркыту хата деген сөзден балаға жаза қылудын дұрыс еместігі келіп шығады. Яғни баланы жазамен коркыту еш дұрыс емес. Жазамен коркытқанда бала нәрсені істегісі келіп, істеп, болмаса іstemегісі келіп іstemейді емес, жазадан корыкканнан ғана не істейді, не іstemейді. Яғни бала өтірік айтуда, алдауда үйренеді. Баланы ұрып-соғу тіпті адамшылыққа ұнамайтын іс. Ұрылып, соғылып тәрбие қылыш-ған бала жанының бар жақсы мінездерінен, ақылынан, ісінен айрылып, миғұла болады. Өтірікші, алдаушы болады. Су жүрек, жасқаншак болады. Ұру баланың денесіне де көп зиян келтіреді.

Қазакта бала үрмайтын ата, ана сирек шығар. Талай ата «жүгірмек!» деп, талай ана «кекала келгір!» деп, жап-жас балаларын салып-салып жіберіп, сілейтіп тастаушы еді-ау!

Әсіресе молдекелер!

Тан атқаннан күн батқанша, көк шыбық сынғанша сабайды. Баланың көзі кітаптан кішкене бұрылып кетсе, салып жібереді. Жапжас ойын баласы бір нәрсеге езу тартып күлсө, салып жібереді. Қарғыс тигір көк шыбықтың сорлы баланың арқасына шып-шып тимейтін шағы бар ма еді? Көк шыбық тиген сайын кайқандап, жас жүрегіміз елжіреп, көзіміз ыстық жаска толып, зәреміз әлбісін-а, әдбесін-ай деп талайымыз отырмап па едік?! Молда атын көтерген хаюан бар күшімен құлағымыздан тартканда, тістеніп тұрып, тілімізді тартканда, талайымыздың құлындаған даусымыз құракқа шықпайтын ба еді?

Надан молданың осындай хаюандық істерінен талайымыз-ак «сабак», «молда» деген сөздерді естігенде денемізге суық су құйып жібергендай болмаушы ма едік?

Қазактың кейінгі буын балалары! Хаюан құлықты надан молдалар заманында тумаганыңа қанша шүкірлік қылсандар да аз

Ал енді, баланы үрүспа, сөкпе дегеннен бала біржола тізгінсіз болсын, істеген істері туралы ешкімге жауап бермесін деген сөз шықпайды. Абзалы, тәрбиеші баланың нашар істі өзі істемеуіне, нашар мінезден өзі қашуына тырыссын. Яғни ешкім айтпай, коркытпай баланың өзі жамандыктан, нашар мінезден жиренетін болсын. Баланы мұндай қылып шығару, коркыту, үркіту арқасында емес, бәлкі, махаббат, жылы сез, жұмсақ іс арқылы ғана болуға мүмкін. «Жыды-жылы сөйлесе жылан інге кіреді» есте болу керек, таяқ адамды емес, үйретсе аюды ғана үйрете алар.

**Жоғарыда біз:** бала істеріне жауапты болуға тиіс дедік. Бұл сөздің мағынасы, балаңың нашар ісіне жаза шеттеп алынып келінбесін. Яғни бір нашар іс үшін баланы ұру, бір нәрсе бермеймін яки бір нәрсесін алышқоямын деп қоркыту жарамайды. Бұлай істегенде, бала нашар істен сол істің нашар болғандығы үшін тыылмайды. Бәлкі, таяктан, сөзден аман қалу үшін, бір нәрсені алу яки бір нәрседен айырылып қалмау үшін ғана тыылады. Ал енді, бала нашар істен сол істің нашарлығын біліп тыылсын десен, сол істің нашарлығын іспен көрсету керек. Яғни нашар істің нәтижесі де нашар болатынын бала іспен көрсін. Мысалы, өтірік айтқан адамның сенімі кетеді, ұрлық қылған адамның қадірі кетеді.

**Ұялу сезімі.** Егерде біз өзіміз қымбат көретін адамдарымыз мінегендей бір мін іс істесек, біздің жанымызда ұялу сезімі болады. Жер жүзінде ұялмайтын адам жок. Бірак білімі, тәрбиесі мінезіне қарай әр адамның ұялуы да әртүрлі болады. Мысалы, білімсіз адам айылын жимайтын істен білімді адам-ұялып өліп қалады. Жұмсақ мінезді адам ұялшаш келеді. Ұялу онай нәрсе емес. Адамға ұялудан күшті жаза жок. «Өлімнен ұят күшті» дейді қазак. Қазактың бұрынғы күнде нашар іс істеген адамдарға істеген жазала-рының көбісі ұялту болған. Мысалы, қазак қар әйелді қара өгізге теріс мінгізіп, бетіне күие жағып, үстіне құрым жауып, ауылды айналдырады еken. Әрбір елдің занында ұялтуға негізделген жаза нағыз қатты жаза деп саналады. Сондықтан тәрбиеші баланы ұялтып жаза қылуға өте сақ болу керек. Ұялту,

келемеж қылу баланың жақсылыкка, жоғарылыкка ұмтылуын, барлық ынтасын байтап. Әлтіріп, баланы жасық, ынжық қылады; бала корғаншак, өзіне өзінің сенімі жок, жасқаншак болады. Ұялу сезімінің қарсысы — өзіне өзі разы болу сезімі. Адамда бұл сезім басқалар өзін жақсылғанда, мактағанда болады. Өзіне өзі ылғи разы болып жүретін тәкаббарлық сезімі пайда болады. Тәкәббарлық сезімі, яғни адамның өзін ірі деп санауы шектен шығып кетпесе, әрине, дұрыс сезім, дұрыс мінез. Бірақ шектен шығып кетпесін, яғни адам өзінің істері, мінездері ірілігін емес, төмендігін көрсетіп тұрғанда, өзін ірі адам деп санайтын болмасын. Жоғарыда айтқан себептерден баланың өзіне өзі разы болу сезімін өте сактықпен тәрбие қылу керек. Баланың өзін мактама, ісін макта. Мактағанда, мактауға тұрарлық ісін макта. Баланың женіл істерін мақтай беру балада менмендік, ретсіз тәкәббарлық туғызады. Қайта, бір женіл дұрыс ісі болса да, нашар шәкіртті мактау керек. Қалайда мактауға өте мырза болуға жарамайды. Бір шәкіртті, бір баланы мактау басқа балалардың рухын түсіреді, ынтасын өлтіреді. Ал енді, жақсы окуы, дұрыс құлқы үшін шәкіртерге сый (наград) беру, «афарин», «таксин» үлестіру тіпті дұрыс емес. Мұндайда сый алған балалар сый алу үшін ғана тырысып, кеуделеріне орынсыз менмендік, ретсіз тәкәббарлық кіріп, сый алмаған балалар күншіл һәм өзіне өзі сенбейтін жасық болып шығады.

**Көпшілдік ішкі сезімдері мен аяу һәм достық. Аяу сезімі әр адамда болады. Адам**

бір нәрсені аялағанда бір максұт үшін яки сол нәрсе дұрыс болмағандыктан аямайды, тек сол нәрсе аяныш көрінсе аяды. Біз суға батып бара жатқан адамды көрсек, осыны құткарып, осыдан олжа алайын деген оймен емес, ешбір ойсыз, жанымызды өлімге байлап, толқынға кіріп кетеміз. Яки біз өзінің тиісті, жолды жазасын тартып жатқан яки тартайын деп тұрган бір жазалы адамды көрсек те, аямыз. Хасірет бейнет көрген адам неғұрлым бізге жақын болса, сонша терен аямыз.

Біреуді біреу аяп, қайғысына ортақтасқандай, қуанышына ортақтаспайды. Біреудің қуанышына ортақтасу орнына, адамда күншілдік пайда болады. Бұл жалпы адамзаттың бір төмен, өнімсіз мінезі. Бір ғалым айтыпты: қайғыға ортақтасу үшін адам болу жете-ді. Куанышқа ортақтасу үшін періште болу керек деп. Тәрбиешіде баладағы осы күншілдік мінезді әлсіретуге үмтүлұы керек.

Достық сезімі — адамда, сол адамның жанына екінші бір адамның жаны барлық мінездерімен үйлесетін болса, сонда болады. Аяганда адам бойламай, андамай аяды; дос болғанда, ойлап, андап дос болады. Екі дос бірге болса, араларында достық бекі береді. Егер айрылса, достық әлсірейді. Аяу сезімі адамда ерте басталады: бір жасқа толған бала күлсен күледі, жыласан жылайды. Ал енді, достыққыл біраз орнықкан соң болады.

Жеткен адамдардың баланы аяуы балага өте қымбат. Баланы кім аяса, оған сол жақын. Анасы өліп, жетім қалған баланы ең алғаш кім бауырына тартса, бала соған бауыр базып кетеді.

Бала біраз есейіп, басқа балалармен ойнай бастаған кезде, онда достық сезімі оянады. Бірге ойнайтын балалардың ішінен бала өзіне дос тауып алады. Достық сезімнің балаға көп пайдасы бар. Досының көнілін тауып үйренген бала өзімшілдік мінездерден аулақ болады. Өзінің дос баласының сөзін бала үлкен адамның сөзінен артық тындағыш келеді. Сондыктан тәрбиеші баланың достарының дұрыс балалар болуына кам болуға міндетті.

Ішкі сезімдердің біреуі іш пысу яки зерігу. Іш пысу көнілсіз бір сезім. Іш пысудың жоғарғы дәрежесі, еш нәрсеге қызықпау, еш нәрсеге үмтүлмау, еш нәрсеге қанағаттанбау дәрежесінде іш пысу апатия деп аталауды.

Іш пысудың бас себебі — іссіздік. Ісі жок, жұмысы жок адамның іші пысымпаз болады. Үлғи енбек қылған адам іш пысудың не екенин білмейді. Баланың соткар, тентек болуы өзіне лайық іс таппай іші пыскандықтан. Іш пыскан соң әр нәрсеге тиісіп, бұлдіре береді.

Іш пысудың екінші себебі — бір түрлілік. Бір түрлі әсерлер, бір түрлі суреттер адамды жалықтырады, қажытады, іш пысырады. Мысалы, біз бір кітапты қайта-қайта оқысадақ, бір әңгімені қайта-қайта тындасадақ, біздің ішіміз пысады. Мұғалім бір сөзді ұзыннан ұзак соза берсе, шәкірттің де іші пысады.

Әсерлер, суреттер тез алмасса да, адамның іші пысады. Мысалы, көз алдымызда түрлі-түрлі нәрселер тез-тез алмасқандықтан, біздің отарбада кетіп бара жатқанда ішіміз

пысады. Мұғалім үсті-үстіне төпеп, түрлі білімді, түрлі сөзді айта берсе, баланың да іші пысады. Мұғалімнің шеберлігі өзі білген білімнің бәрін балаға тез білдіруде емес, еппен баскыштап білдіруде. Сабак оқытуда мұғалім сөзі жинақы, жігерлі, қызықты болуға тиісті. Сонда ғана ол баланың абайының өзіне қаратады. Болмаса, баланың абайы басқа нәрсеге ауып кетеді. Сабак оқығанда балалардың ойнауы, тыныш отырмауы, бір-бірімен сөйлесулері мұғалімнің жинақы, жігерлі бола білмегендігінен.

Ішкі сезімдердің адам үшін ең қымбаттары сұлулық һәм құлық сезімдері.

### Сұлулық (эстетика) сезімдері

Жаратылыштың һәм искусствоның сұлу заттары адам жанында сұлулық сезімдерін оятады. Үлбірекен гүл, күніренген орман, сылдыраған су, былдыраған бұлак, шексізшетсіз кара көк теңіз, түрлі шөптермен толқынданған дала, бұлтпен бел алысқан биік тау, күннің ойыншыл алтын сәулелері, ерке сұлу ай, жұлдызды тұн, міне, осылар сықылды жаратылыштың сұлу заттары, көріністері яки искусствоның тылсымды жанды билеп алғып кететін ән, күй, сикырлы сөз, сұлу картина сықылды әсерлері адам жанында бір ләzzэт, бір сұлулық толқынын оятып, туғызбай коймайды, архитектура, сұлу сурет (живопись), скульптура сықылды пластика искусствоны адамның көру сезімін сикырлап барып, жанда сұлулық толқындарын туғызады. Ал енді, музыка, ән, поэзия сықылды тон

искусствосы есту сезімін сиқырлап барып, жанда сұлулық толқындарын туғызады.

Сұлулық сезімдері адамның дұрыс, сұлу, ләззат іздеуіне, сұлу нәрсені сүюіне, көріксіз нәрседен жиренуіне, хатта жақсылыққа үмтыйлып, жауыздықтан тылыуына көк көмек көрсетеді. Сондықтан баланың сұлулық сезімдері жаксы тәрбие қылышында тиісті.

**Сұлулық сезімдерін тәрбие қылу.** Эр адамның сұлулық сезімдері әртүрлі нәрседен ояныпаз болады. Біреудің музықадан, біреудің сұлу суреттен, біреудің поэзиядан. Искусствоның әйтеуір бір түрінен ләззат алмайтын, біреуіне құмар болмайтын адам болмайды. Тәрбиешінің міндегі балада искусствоның қандай түріне ынта бар екенін тауып, сол ынтасын, сол түр туғызатын сұлулық сезімдерін өркендету. Өркендету жолдарынан төмендегі жолдарды көрсетуге болады:

1) Балаға жаратылыс сұлулығынан ләззэт алғызы. Жаратылыста сұлулықтың неше түрінің бәрі бар. Бала бұлактың былдырын, судың сылдырын, жапырактың сыйбырын, орманның құніренгенін, теңіздің күрілдегенін естісін; жымындаған жұлдыздар себілген көк шатыр көркі, түрлі түсті кемпірқосағын, буыны жок бұрандаған кайынды көрсін. Жаратылыс сұлу. Бала сол сұлу жаратылыстың құшағында болсын, балада сұлулық сезімдері еріксіз оянады. Тәрбиеші жаратылыстағы түрлі сұлулықтарға баланың абайын аудара білу керек.

2) Баланың маңайындағы нәрсенің бәрі жинақты, ретті, таза болсын. Таза деген сөзді қымбат деп үғу хата. Тегінде қымбаттың бәрі сұлу деп үғу хата ғой. Баланың маңайын-

дағы нәрсе қымбат болмасын. Таза, ретті, тәртіпті болсын. Ойдың іші, киім-кешек, ыдыс-аяқ бәрі таза болуға тиісті. Баланың үсті-басы, денесі, беті-қолы, бәрі таза ұсталауға тиісті. Баланың манайында жүрген адамдар ретті, тәртіпті, таза болуға міндетті. Ұяда не көрсе, үшқанда соны істейді. Та-залыққа үйренген бала таза болады. Былыхтыққа үйренген бала былық болады. Ас жеп отырып әжесі жалаңаш көлмен мұрның сіңбіріп, яки баланың нәжісін ұстап, қолын жендең шаймастан, яғни асқа кіріссе, бала да осыны істейді. Кейбіреулердің былыхтықты ырыс көруі надандықтың әбден аскандығы гой.

Баланың манайында сөйленетін сөздер де әдепті, сұлу болуға тиісті. Былық сөздерді естіп өскен бала өмір бойы былық, былапыт тілді болады. Отагасы-ау, бала-шаганың алдында былық, былапыт сөздерді сапырып сөйлегенінді кой. Қайдағы құдай атқан сөздерді естіп өскен ұлында қандай әдел болады, қызында қандай қылық болады?!

Және баланың манайындағы адамдардың жүріс-тұрыстары да әдепті, сұлу болуға тиісті. Сұлу дене, сұлу қозғалысты қөріп өскен баланың денесі де, қозғалысы да сұлу болады. Жер жүзінде біздің қазактың денесінен, казактың жүріс-тұрысынан жексүрін дене, жексүрін жүріс-тұрыс кемде-кем-ак шыгар. Аяғы қисық, жауырның күшүк. Ақыл қарында тұратындей-ак, карны буаз биенің қарнында салбырап жатса, би болады-мыс! Семіз болып пысылдап отырса, айбынды «адам» болады-мыс. Кейбір «мырзалар» сұлу боламыз деп жүргенде қиқандай ма керек, бұрандайма керек, карап тұрсан жүргегін айнып

күскін келеді. Осыларды көріп өскен казақ баласының денесінде не сұлулық болады?! Қазак! Жұртқа құлқи болмайын десен, бұл мінездерінді таста, балаңды сұлу, сымбатты қылып өсір. Адам сұлулыкты сүйсе, тазалыкты сүйеді. Тазалыкты сүйсе, оған ауру жоламайды.

3) Баланы сұлу искусствомен терең таныстыру керек. Бала неше түрлі сұлу үндерді естісін, неше түрлі сұлу түрлерді, түстерді көрсін, сұлу сезідер, сұлу өлеңдер жаттасын. Түрлі музыка құралдарының үндерін тыңдасын, сурет салып үйренсін. Эн салып, музыка құралдарында ойнап үйренсін. Міне осыларды істесе, баланың сұлулық сезімдері өркендейді. Білу керек, топас адам — тірі өлік.

### Құлық сезімдері

Адам өзінің әрбір ойына, әрбір ісіне баға беріп отырады. Ізгі ойы, ізгі ісі адамда жағымды сезім туғызады. Адамға қалайда болса, қашанда болса, пайда келтіретін ой мен іс ізгілік деп аталады. Ізгілікке үмтүлу, жауыздықтан безу адамның жаратылышының өзінде бар нәрсе.

Ойдың яки істін ізгі, яки жауыз болуына қарап, сол ойға, яки іске іштен баға бергенде болатын жағымды яки жағымсыз сезімдер құлық сезімдері деп аталады. Құлық сезімдері жасқа, дұрысын айтқанда білімге қарап, әр адамда әртүрлі болады. Білім неғұрлым төмен болса, құлық сезімдері де сонша төмен, тар болады. Мысалы, білімі кем адам, бір ой яки іс түбінде пайдалы болып шығар ма, жок па, оны байқай алмай, сол уақытында жа-

ғымды, пайдалы болса, оны ізгі ой, ізгі іс деп біледі. Ұрлық қылған надан адам «Ұрлық түбі — корлық» екеніне көз жібере алмай, уақытындағы пайдасын ғана көреді. Бала барлық еркелігінің, барлық тілегінің орындалып отырганын ғана жақсы көреді. Еркеліктің орындалуын ізгілік деп біледі. Еркеліктің орындалмауын жауыздық деп біледі. Ал енді, адам есейген сайын, дұрысы білімі артқан сайын, оның құлық сезімдері де жоғарылай, терендей, кене耶 береді. Яғни адам ақылы терендеген сайын, дүниеде ол жалғыз өзі тұра алмайтындығын, басқа адамдармен бірге тұруға мұхтаждығын, өзінің ойын һәм ісін басқа адамдардың ойлары һәм істерімен қабыстырып отыруға міндеттілігін, яғни өз басына ғана келетін пайдаға үмтүлышп, өз басына келетін зияннан безбей, сол өзімен бірге дүниеде тұратын басқа адамдарға да пайда келіп, зиянның болмауын тілеу тиістілігін, міне, адам, білімі, ақылы терендеген сайын осыларға үмтүлады, яғни оның құлық сезімдері осылай терендейді.

Мысалы, балада біраздан сон ананы сую сезімі оянады. Анасын сую, анаға жауыздық тілемей, ізгілік тілеу деген сөз. Біраз ес білген сон, туыскандық сезімі, яғни араласып айналасында жүрген адамдарды сую сезімі оянады. Оナン сон білім теренденкіреген кезде елін сую сезімі оянады. Өз елін сую сезімі жер жүзіндегі барлық адамзатты сую сезіміне алыш барады. Бұл сөздерден көрінеді — ізгілік деген сөздің дұрыс һәм толық мағынасы мынау екен: Әр адамның өзін суюі, яғни жауыздықтан безіп, ізгілікке үмтүлуы, туыскандарын суюі, яғни оларға жауыздық ті-

лемей, ізгілік тілеу, өз елін сүюі, яғни еліне жауыздық тілемей, ізгілік тілеу, пайда келтіріп, зиян келтірмеу, һәм басқаларға да зиян келтірткізбеу, ең негізінде — біткен адамзатты дос һәм бауыр көру екен. Міне, кімде кім өзін сүйсе. туысқандарын сүйсе, өз елін сүйсе, әсіресе біткен адам баласын бауырым деп білсе, сол адамды ізгі деп атаймыз. «Әсіресе» деген сөзді қосуымыздың мәнісі мынау: адамның өзін өзі сүюі, туысқандарын сүюі, бұл ол адамның құлық сезімдерінің тәмен тұрғандығын көрсетеді. Өзін өзі соқыр сезіммен мал да сүйеді, пайдаға үмтүлады, жаманнан безеді. Туысқандарын мал да сүйеді, бие құлынын корғайды. Адамның шын мағынасымен «адам» болуы үшін өзін сую, жақындарын сүюмен қанағаттанбай, жалпы адамзатты сүюі шарт. Өзінің һәм жақындарының ғана пайдасын іздемей, жалпы момын халықтың пайдасын іздеуі шарт. Халық пайдасын өз пайдасынан ілгері қоюы шарт. Адам шын ізгі адам боламын десе, халық ісі, халық пайдасы жолында құрбан бола білсін. Қазактың жазушысы Міржакып Дулатов бір өлеңінде:

Мен біткен ойпаң жерге аласа агаш.  
Емеспін жемісі көп тамаша агаш.  
Қалғанша жарты жаңқам мен сенікі,  
Пайдалан шаруана жараса, алаш,—

дейді. Міне, алашты халық десек, халықты шын сүйген адам «жарты жаңқасы» қалғанша халық үшін қызмет істеуге тиісті. Өз елін сую дегеннен — адам өз халықнан басқа халықтарды мейлінше жек көрсін, басқа халықтарға қасқыр болып тисін деген сез

шыкпайды. Бұлай болса, жер қанға тұншып, бұзакылық белен алып, жауыздық өрлеп, жер жүзінде тыныш тұрмыс болмас еді. Европа мемлекеттерінің мына 1914-ші жылдан бері қан төгіп жатқаны, одан бұрынғы да соғыстар бұған айқын дәлел. Әрбір халық бір-біріне жау болсын деп ұғу хата. Адам өз халқының адамдарын суюнің үстіне басқа халықтардың адамдарын да сүюге міндettі. Міндettі ғана емес, еріксіз сүймек. Жер жүзіндегі адам адамды сүймек. Бұл адамның жаратылысындағы негізгі мінез.

Осы жерде «дін сезімдері» деп аталатын сезімдер туралы бір-екі сөз айтып өтейік. Бірқатар адамдарға мынадай бір пікір бар: адамның күлік сезімдері күшті болуы үшін, яғни адам ізгі болу үшін жауыздықтан тиылышп, ізгілікке ұмтылуы үшін, адамда дін сезімдері күшті болу керек. Дін сезімдерінің негізі, дүниені жаратушы, дүниеде барлық нәрсені билеп тұруши бір тәнірі бар деп сену һәм сол тәніріге адам өзін пендеп білу. Тәнірінің құдіреті алдында адам өзінің әлсіздігін сезіп, біліп, тәніріге құлшылықтылу. Яғни жауыздықтан тиылышп, ізгілікке ұмтылу. Барлық кемшіліктен азат тәніріге жағу үшін барлық кемшіліктен безу.

Ізгілік істесе, тәнірінің көнілін табуға, разылышын алуға махабbat тартуға, яғни жұмакқа кіруге сену. Жауыздық істесе, тәнірінің наразылышын алуға, ашуына, қаһарына ұшырауға, яғни тамыққа кіруге сену, міне, дін сезімдерінің негізі осы. Осы дін сезімдері күшті адам, яғни тәнірінің барлығына, құдіретіне сеніп, оның махаббатын алуға, қаһарына ұшырамауға ұмтылатын адам өмір

бойы ізгілікке үмтылып, жауыздыктан безбек.

Дін сезімдері туралы пікір осы. Бұл баяғыдан бері келе жатқан пікір. Бұл пікір туралы бұл күндең үстем ой, ғылымға сүйенген ой мынадай: дін сезімдеріне мұнша артық баға беру, адамды жауыздыктан бездіріп, ізгілікке үмтылдыратын дін сезімдері ғана деп ұғу дұрыс емес. Құлық сезімдері, яғни адамның жауыздыктан безіп, ізгілікке үмтылатын мінезі адамның өзінің жаратылышында бар. Кісі өлтіру, ұрлық қылу, тартып алудың жауыздық екенін білу үшін дінді болу шарт емес. Ізгілікті сезу адамның жаратылышына, табиғатына берік байланған нәрсе. Дін ескі емес, адам ескі. Дін ескі емес, жаратылыш табиғат ескі. Ізгілікке үмтылдыратын дін адамның жаратылышын жасаған емес, ізгілікке үмтылатын адамның мінезі дінді туғызыған. Сондыктан адамның құлық сезімдеріне дін сезімдерін негіз қылып алу адамның құлыкты болуын дінді болуна байлау дұрыстықка келмейді, бұл бір.

Екінші, адамның бір нәрседен тылуды, бір нәрсеге үміттенуі екінші бір затты сыйлағаннан, сол затка жағыну үшін болмай, дұрыстық үшін болса, нағыз тынымды, тиянақты, игі үмтылу ھәм тылу осы болмак. Бір адамды сыйлап істелген ізгілік рия болса, «тәніріні» сыйлап істелген ізгілік те рия. Рияның адамға пайдасы жок. Рия адамды түземек емес, бұзбак. Кемшіліксіз идеал бар: адам дүниеде ісін идеал үшін істесін, идеал үшін тұрсын және сол идеалды түгел боламыз, кемшіліксіз боламыз деп үмтылышын.

## Құлық сезімдерін өркендету жолдары

Құлық сезімдерін өркендету үшін тәмендегі жолдарды көрсетуге болады.

1) Баланың манайындағы адамдардың құлықты болуы. Бала ізгі құлық пен жауыз құлықты айыра алмайды. Оларды бала манайындағы ересек адамдардың сөздері һәм істері бойынша ғана айырады, солар бойынша ғана ізгі мен жауыз құлық туралы ұғым жасайды. Мысалы, бала атасының үрлік қылғанын білсе, үрлік қылу ізгі құлыктан саналады еken деп ойлады. Сондыктан баланың ізгі құлықты болуы үшін оның манайындағы адамдар, ата, ана, туған-туысқандары өздері ізгі құлықты болуға тиісті. Ұяда не көрсе, үшқанда соны қылады.

Және баланың бірге ойнайтын балалары да дұрыс, ізгі құлықты болсын. Балаға ересек адамнан өзіндей бала жақын. Бала өзі құрбысына еліктегіш, өз құрбысының тілін алғыш құлқына, мінезіне салғыш келеді. Өзінің ізгі, жауыз құлқын бала құрбылары арқылы жарыққа шығарып, әдептеннеді. Сөгіседі, ұрысады, тәбелеседі, ұрласады, өтірік айтysады. Осы себептерден тәрбиеші баланың жолдастарының дұрыс, құлықты болу-ларына өте иғтибар қылу керек.

Балада құлық сезімдерінің бекуі, кенеюі, терендеуі үшін балаға әдебиеттен, тарихтан өрнек әңгімелер сөйлеу һәм оқыту керек. Әрбір ұлттың әдебиетінде ізгі һәм жауыз құлыққа өрнек болғандай әңгімелер толып жатыр. Соларды дұрыс пайдалана білу керек. Яғни әдепті бол, әділ бол, өтірік айтпа деген сықылды құрғак, жалаңаш сөздерден пайда

жок. Баланың алдына құлықтың әрбірі әдемі киініп өрнек күйінде ғана келсін. Өрнектен нәтижені бала өзі-ақ шығарып алады.

2) Үйде һәм мектепте дұрыс тәртіп болу. Үй һәм мектептегі тәртіп баланы ізгі құлықтарға әдеттендірсін. Әдеттендіру мынадан табылады. Үй һәм мектептегі тәртіп құбылмалы болмасын, яғни ата, аナンЫң, мұғалімнің күйіне қарап, тәртіп өзгеріп отырмасын. Тәртіп — өзгермейтін ізгі құлық зандарына негізделген болсын. Болмаса, бүгін жараган іс ертең жарамайтын болып отырса, балада тәрбиешіге сенім қалмайды. Бұл бір. Екінші, баланың жаратылышы, табиғаты тілейтін нәрседен баланы тиу дұрыс емес, жүгіруден, ойыннан тиу сықылды. Баланы жаратылышы тілейтін нәрседен тыйсан, бала бұл жасама тәртіпті оп-онай бұзып кетеді. Яғни бала өтірік айтуға, алдауға үйренеді. Баланың өтірік айтуы, алдауы өзін жасама тәртіп ішіне қамаудан. Манайындағы тәртіп, тұрмыстың құрылышы баланың жаратылышына қайшы болмаса, бала ондай тәртіпті аттап өтеді. Үшінші, тәрбиеші мен баланың арасы өте жақын болуға тиісті. Екеуі біріне бірі шет, жат деп қарамасын. Екеуінің арасында сеніспеушілік болмасын. Бала тәрбиешіні мұнын тарқата алғандай, қуанышына ортақтаса алғандай, сырын шеше алғандай досым деп білсін. Бала тәрбиешіні осылай деп білсе, ол уакытта одан ешбір ойын, ешбір ісін жасырмайтын болады. Жасырмайтын болса, өтірік айту, алдау сықылды ұнамсыз құлықтарға орын да болмайды.

3) Баланы құлық туралы ой жүргізгізіп үйрету. Бала барлық ізгі құлықтарды өзі

басынан кешіріп, яки маңайындағы адамдардан көріп, біліп бітіре алмайды.

Алдағы өмірінде құлықтардың әлденешеуі түзелеріне ұшырауға мүмкін. Бұл уақытта, мен мына құлықпен таныс емеспін, сондыктан бұны ешбір нәрсе деп айта алмаймын деп отыра алмайды рой. Алда болашақ өз істерінен һәм басқа адамдар ісіне құлық көзінен баға bere алуы үшін оның құлық туралы ертекүннен ой жүргізіп үйренуі тиіс кой. Сондыктан тәрбиеші балаға түрлі әсерді құлық көзінен салыстырып, сыннатып үйретуге міндепті. Бала салыстырып, сынап үйренсе, құлық туралы белгілібір ұғымға ие болады. Ол уақытта алдағы өмірінде дұрыс пен терісті, ізгі мен жауызды, ак пен қараны дұрыс һәм женіл айыратын болады.

## ҚАЙРАТ

Біз кітабымыздың басынан бері жан көріністерінен ақыл һәм ішкі сезім яки қөніл көріністерін баяндадық. Енді, жан көріністерінің үшінші түрі қайратқа көшеміз.

**Қайрат ұғымы.** Біз ақыл көріністері арқылы сыртқы заттар туралы, яғни олардың өзі, ісі һәм күші туралы білім аламыз. Ішкі сезімдер арқылы жанымызда түрлі күйдің болғанын білеміз һәм ол күйді жағымды, не жағымсыз деп бағалаймыз. Ал енді, жанымызда тағы бір күш, тағы бір көрініс бар. Жан бір нәрсені істеуге, болдыруға ұмтылады, яки істемеске, болдырмасқа ұмтылады. Және бұл ұмтылу соқыр ұмтылу емес, анды ұмтылу. Міне, осы бір мақсұтқа жету үшін жанның анды ұмтылуы қайрат деп аталады.

Әрине, жан күр ұмтылып қана коймайды, сол ұмтылғанын болдыру үшін денені іске қосады. Жанның қайрат күші арқылы істелетін іс ерікті іс деп аталады. Ал енді, адамның қайрат қатыспай, еріксіз істейтін істері де болады. Мысалы:

1) Импульс ісі. Яғни кейбір әсерді сырттан ешбір әсер болмай, белгілібір мақсұтсыз істейді. Мысалы, үйқыдан оянғанда адам керіледі, созылады.

2) Рефлексі ісію Яғни сыртқы бір әсерге адамның аны қатыспай, денесінің ғана жауап беруі. Мысалы, көзге бір затты жақыннатсан қірпік жабылады. Тонсан дірілдейсін.

3) Соқыр сезім (инстинкті) ісію Атадан қалған мұра бойынша адамның анын қатыстырмай, істейтін істері. Соқыр сезім адамның өзінің һәм тұқымының аман болуына қызмет қылады. Мысалы, бала ешкіп үйретпей, емшек емеді яки құс қыс жақындағанда жылы жакқа ұшып кетеді.

Ал енді, адамның қайрат туғызған ісіне аң қатыспай болмайды. Мысалы, жазғым келсе, аңменен, ойменен қағаз алам, қалам алам, сияға малам һәм осылар сықылды басқа тиісті істер істеймін. Міне, бұл қайрат ісі. Қайраттың бет алды ескі жак, жан көріністері һәм сыртқы дүние: мысалы, мен қайрат жұмсаپ бір ойды еске түсіремін, яки жерде жатқан бір нәрсені көтеру үшін еңкейемін.

Қайрат түрлері. Қайрат төмендегі түрлерге, дұрысырақ айтқанда, басқыштарға бөлінеді: тартылу, ұмтылу һәм тілеу. Қайрат адамда ә дегеннен берік, ашық болмайды. Бастапқы кезде бір әсермен белгілібір беталыс болмай, белгілібір мақсұт болмай бір нәрсеге

жан жай тартылады. Мысалы, бала аштықтан жылайды, терлейді, жаны жағымсыз күйде болады. Жанында бір азап болады. Бірақ бала осы азаптың, осы жағымсыз күйдің аштықтан екенін андалап біле алмайды, оған сүт керек екенін біле алмайды. Міне, жанның осындай күйі тартылу деп аталады. Ал енді, тартылуға ан қатысса, яғни адам не нәрсеге болса да өзінің мұқтаж екендігін андалап анық білсе, бірақ сол мұқтаж нәрсенің не нәрсе екендігін біле алмаса, жанында ұмтылу болады. Мысалы, біз ыстықта сусаймыз, сусын тауып сусынды қандыруға ұмтыламыз. Бірақ бізге кез келетін сусынның қандай болатынын білмейміз. Егер біз белгілібір нәрсеге ұмтылсак, ол уақытта ұмтылу тілеуге айналады.

Тілеу суреттеу һәм ішкі сезім арасындағы байlam. Бұл үшеуінің арасында берік байlam бар. Суреттеу болмаған нәрсені адам тілей алмайды. Мысалы, істемеген, білмеген та-макты тілеуге мүмкін емес. Және адамның жағымсыз ішкі сезім беретін нәрсені 'де тілеу мүмкін емес. Бір нәрсенің суреті біздің жанымызда неғұрлым ашық болса һәм оның жанымызда жағымды сезім туғызуы бізге белгілі болса, біз сол нәрсені катты тілейміз.

Қайрат қалай жасалады? Қайрат төмендегі баскыштарды өтіп барып іске асады. Жанымызда бір тілек бар. Сол тілекті іске асырғымыз келеді. Тілектін іске асуының тиістілігін бекітетін себептер дәлел яки мотив деп аталады. Бұл қайраттың бірінші баскышы. Ал енді, бір тілеудің іске аспауының тиістілігін көрсететін қарсы себеп те болады. Қарсы се-

беп — қарсы дәлел яки контр мотив деп аталағы. Дәлелге қарсы дәлел шыққанда біз бұл екеуін салмақтаймыз, салыстырамыз. Осы дәлел мен қарсы дәлелді салмақтау дәлелдердің күресі деп аталағы. Бұл — екінші басқыш. Егер дәлел мен қарсы дәлелдің күші бірдей көрінсе, адамда толқу пайда болады. Дәлелдер күресінен кейін ахырда адам екі жактың бір жағына женгізіп, бетін бір жакқа түзейді. Бұл — үшінші басқыш. Бетті бір жакқа түзеу бекіту деп аталағы. Бекітуді іске асыру орындау деп аталағы. Бұл — төртінші басқыш. Орындау жолында адам түрлі бөгетке ұшырап, бөгетті жеңе алмай қашып, жасып, бекітуін қайтып алуға мүмкін. Бұлай істемес үшін адам табанды болу керек. Та-банды адам — қайраты күшті адам.

**Қайраттың керектілігі.** Қайрат адам өмірінде аса қымбат орын алады. Адамның дене һәм жан ісін тідгіндеп, белгілі жолға салып, өркендететін сол қайрат. Мысалы, нәресте шақта адамның денесі қайрат қатыспай өз бетімен козғалады. Есі кірген сон қайрат жұмсалып козғалады. Жүргенде аяқ козғалуы сықылды. Жан ісінде қайрат абайға көп қатынасады. Шынында қайрат жұмсамай адам аbaiлы бола алмайды. Қайраттың ішкі сезімдерге де әсері мол. Қайрат келіп қалған ашуды біз сол қайраттың каруымен басамызғой.

Қысқасы, қайрат адамның барлық ісін тізгіндеп, жолға салмақшы, жүзеге асырмақшы. Қайрат арқылы ғана адам жанындағы қалың күштер жарық көрмекші. Өмірде адам басына киын-қыстау істер келгенде, қажытпай алып шығатын сол қайрат. Сермеген

қолды аспандағы айға жеткідбесе де, ойлаған ойға жеткідетін сол қайрат. Сондыктан тәрбиеші баланың қайраты өркендеу үшін қызмет қылуға міндettі.

### Қайратты өркендету жолдары

1) Тәрбиеші баланы денесін дұрыс билеп, дұрыс қозғауға үйретсін. Дене мүшелері қайраттың тез қозғалуын, тез орындастын қаруы болуға тиісті. Бала дене мүшелерін теріс қозғап үйреніп бара жатса, тәрбиеші тез түзесін. Сол уақытта бала қандай іске қай мүшени қозғау керек һәм қалай қозғау керек, соған әдептенбекші. Жазғанда, тіккенде саусақтарды қалай ұстau сықылды.

Тәрбиеші баланы әсіресе жан істерін қайратқа дұрыс бағындыруға үйретсін. Бала әсіресе тілегіне кожа болмайды. не тілесе, соны жүзеге шығарғысы келеді. бала болмайтын нәрсе болады!<sup>1</sup> Тура мағынасымен аспандағы айға ұмтылады. Тәрбиеші баланы осындаі қиянқылықтан сактауға міндettі. Балаға әрбір тілектің алдын, артын, болдыратын, һәм болдырмайтын себептерін салмақтап, тексеріп, үйретуге міндettі. Терең тексеріп келіп тілекті жүзеге асыру қайраттылық болған сықылды, тексеріп келіп, тілекті тоқтатып қалу да зор қайраттылық. Есте болу керек, арыстан айға шапса, мерт болмақшы, отпес жарлық — бойға корлық болмақшы. Тілектің алдын, артын тексеріп үйренген адам балалықта ебетейсіз

<sup>1</sup> Тұп шүскада «болмайды» деп жазылған. Сіра. баспадан кеткен ағаттық сиякты. Ш. Е.

еркеліктен, қиянқылықтан, есейгенде есерліктен аман болмақшы.

2) Баланың қайраты күшті болуы үшін тәрбиеші баланың барлық ісін тізгіндегі бермей, әрбір істе балаға ерік берсін. Бала өз еркімен денесін қозғап, жүгіріп үйренсін. Яғни бала өз бетімен бір нәрсені тілеп, сол тілектің алдын, артын тексеріп, сонаң соң я болдыруға, я болдырмауға өзі әдептесін, сол уақытта баланың қайраты өркендемек. Эрине, баланың ісі, тілегі пайдасызға, зыянға айналып бара жатса, тәрбиеші кіріседі ғой. Бірак баланы алғы тізгіндеуден сактану керек.

Әдет. Әрбір іс дene ісі болсын, жан ісі болсын алғаш істелгенде бірталай киындықпен істеледі. Екінші істегенде ол істі тіпті жеңіл істейміз және сол істі ылғи істегіміз келіп тұрады. іstemесен, бір нәрсені жоғалтқандай боламыз да тұрамыз. Белгілі шарттар болғанда белгілібір тұрде іс істеге әдет деп аталады. Мысалы, жазған уақытта саусактарды белгілібір тұрде ұстау сықылды. Әуел жазғанда саусактарды былай ұстау, әрине, киын. Оған қанша қайрат жұмсалады. Бірак біраздан кейін тіпті жеңілге айналады: ойламай-ақ, ешбір қайрат жұмсамай-ақ, саусактарымыздың өзі солай икемделе береді. Адам өмірінде әдет көп орын алады. Лейбниц деген ғалым адамның барлық ісінің төрттен үшеуі әдет болады деген.

Әдептің адамға көп пайдасы тиеді: 1) Әдет арқылы адам белгілі ғана әсерді істеп, тақақтап, үшына шығады, анық орындаиды, әрбір істің басын шата бермейді. 2) Истің тиянакты, көрікті болуына себепкер, әдептеген істі

адам тиянақты істейді. 3) Уақытты һәм күшті далаға жібермейді, бәлкі үнемдейді. Әдеттенген істі көп күш жұмсамай адам тез һәм женіл істейді. Әдеттену болмаса, адам бір істің сонында мыжып отырып қалып, басқа жаңа істерге уақыты болмас еді. Әдет әсіресе тәрбиешінің көліндегі күшті құрал. Әдеттендіру арқасындаған баланы жолға салуға мүмкін. Шекспир: жақсы әдет жақсылыққа бастайтын періште,— дейді. Орыстың тәрбие ғалымы Ушинский: жақсы әдет өсімге берген ақша, адам өмір бойы соның өсімімен пайдаланады. Жаман әдет — борыш, адам өмір бойы сол борыштың өсімімен азап шегеді,— дейді. Адам өмірінде әдет осындай зор орын алатындықтан, тәрбиеші барлық күшті жұмсал, баланы негұрлым жақсылыққа әдеттендіруге міндетті. Бала нашарлыққа бір әдеттеніп қалса, оны қайта түзеу онай нәрсе емес. Есте болу керек, ауру қалса да әдет қалмак емес. Әдет тым бойға сінсе, құмарлыққа айналады.

**Құмарлық.** Шектен шықпай белгілі мәлшерде болса, әрине, пайдалы. Құмарлық болмаса, адам өмірде белгілібір жолды қыуп та кете алмайды. Бірақ көбінесе құмарлық шектен шығып кетеді. Көбінесе адам бір нәрсеге құмар болса, басқа барлық нәрседен көзді жұмып безіп кетеді. Бір тілекке басқа тілектің, бір нәрсеге басқа нәрсенің бәрін құрбан қылады, құмар болған нәрсенің пайдалы, пайласыздығына да қарай алмайды. Сол құмарлық жолында үттін, ардан, барлық адамшылықтан айрылады. Мысалы, кисадағы Қарынбайдың малға құмарлығы сыйылды. Мас-

күнем адамның аракқұмарлығы сықылды. Мұндай құмар адам сау адам емес, ауру адам болады. Мұндай құмарлық адамды өрге сүйрекейді, көрге сүйрейді. Сондықтан тәрбиеші балада мұндай құмарлықты болдырмауга міндетті.

### Мінез

Бір адамның барлық ісін басқа адамдардың істерінен айыратын сипаттар мінез деп аталады. Адамның ойының һәм ішкі сезімдерінің сипаты мінез ұғымына кірмейді. Ойы бір дәрежеде һәм сезімдері бір қалыпты адамдардың мінезі әртүрлі болуға мүмкін. Яки жауыз һәм мейірімді адам, құлықты һәм құлықсыз адамдар мінездес болуға мүмкін. Сондықтан мінез ақылға яки сезімге байлаулы нәрсе емес, қайратқа байлаулы һәм мінез қайрат дәрежесіне қарап былай бөлінеді. Егер бір адамның қайраты құшті болса, сөзінен ісі айрылмайтын, екеуі екі бөлек жайылмайтын болса, ондай адамның мінезі қайратты мінез, құшті мінез, берік мінез деп аталады. Егерде сөзбен, оймен іс, біріне бірі қабыспайтын болса, ауыз айтқанды қол істей алмаса, ондай адамның мінезі жұмсақ мінез деп аталады.

Мінездің жасалуы. Мінез адамның жаратылысына қарай тума болады, һәм басқа сыртқы себептермен — тұрмыс түрі, жаратылыс, жолдас, тәрбие сықылды жүре пайда болады. Тума мінез көбінесе тұқым қуалап келеді. Дененің аурулы яки сау болуы, ақылды, акымақ болу, ашулы, жасық болу сықылды тума мінез темперамент деп аталады.

**Темперамент.** Эрбір адамның жаратылыш бойынша тұма бір түрлі мінезі болады. Мысалы, сыртқы дүние әсерлерінен өзінше бір түрлі әсерлену яки ішкі сезімдердің өзінше бір түрлі оянуы сықылды. Міне осындай тұма мінез темперамент деп аталады. Темперамент төрт түрлі. Сангвиник, холерик, флегматик һәм меланхолик темпераменттері.

1) **Сангвиник темпераменті** — сыртқы әсерлердің женіл һәм тез алу. Бірақ терең алмау. Сангвиник адам ұшқыр, ойнақы, еті тірі болады. Бірақ бір әсерден екінші әсерге секіріп түсे беретін, бір әсерге аялдаپ тұра алмайтын тиянақсыз адам болады. Эрбір істі бастап тұрып, тастан кететін болады.

2) **Холерик темпераменті.**— Сыртқы әсерлердің тез һәм терең алу. Холерик адам әрбір әсер артынан салпақтай бермейді. Бір алған әсеріне мықты, бекем болады, көздеген максұтын қадағаламай, тиянектамай, жолда шала қалдырмайды. Табанды, қайратты болады. Қын-қыстау мәселені тез шешеді, тез орындаиды. Бірақ холерик адамның ашуы шапшаң һәм қатты болады. Сол ашу себебімен көп уақытта ұнамсыз істер істеп тарайды. Тіпті бір бет, қиянқы болады.

3) **Флегматик темпераменті** — әсерлердің әлсіз алу һәм ішкі сезімдердің созалан оянуы. Бірақ түбі берік болады. Флегматик адам ауыр мінезді адам, түрлі әсерге көрсө қызар болмайды, мәселені тез шешуге асықпайды, іс істегендеге саспайды, шапшаң ашу, қызу мінез болмайды, салқынқанды болады. Басын жарып, көзін шығарып, жан алып, жан беріп істі тез бастап кете алмайды. Бірақ бір бастаса, салпақтап артынан қалмайды.

4) Меланхолик темпераменті — адамның ішкі сезімдердің билігінде болуы, өзінің ішкі сезімдеріне, жалпы айтқанда, өзінің ішкі дүниесіне берілген меланхолик адам аулақты жақсы көреді. Ешкімге сенбейді, істе қалтылдақ, жасқаншак болады; тұрмыста кедергі ұшыраса, оның жүні жығылып, қайраты сеніп, жасып қалады. Меланхолик адамның үміттен — уайымы, қуаныштан — қайғысы көп болады. Азгана кедергі оны қалың уайымға, қайғыға түсіреді. Меланхолик адам өзіне берілген, өзім деген кісіге, құл болғандай жақын болады. Бірақ ана кісіден бұған жақпайтын міnez шығып қалса, оған қас болып кетеді. Мұндай меланхолик адамның сіркесі су көтермейді. Сондыктан мұндай адам бірбет, қыныр, кисық, болады.

Темпераменттің бұл төрт түрі бір-біріне қатыспай таза күйінде ғана болады деуге болмайды. Көбінесе бұлар бір-біріне аралас болады. Мысалы, бір адамға сангвиник темпераменті мен холерик темпераменті аралас болады. Бір адамда флегматик темпераменті мен меланхолик темпераменті аралас болады һәм темперамент тұрмыстың һәм тәрбиенің әсерімен өзгереді. Және темпераменттің түрлі болуы біраз жас, ер, әйелдің тұрмысында һәм тұқымынан да болады. Мысалы, көбінесе жас шакта адам сангвиник болады, ерлікте холерик болады. Кәрілікте флегматик болады. Көбінесе әйел сангвиник, ер холерик болады.

Қалайда әрбір адамда осы төрт темпераменттің біреуі деңірек болмай коймайды. Деңірек болатын темперамент хатта нәресте шактан біліне бастайды. Сондыктан тәрби-

ші баланың нәресте шағында-ак оның тұма мінезін һәм темпераментінің түрін байқап, біліп қоюға тиіс, балаға оның темпераменті түріне қарай тәрбие беру үшін.

Бірак, берік білу керек, темпераменттің анасы жақсы, мынасы жаман, анадай темпераментті ірі адам, мынадай темпераментті төмен адам деуге болмайды. Адамды ірі қылатын темперамент емес, ақыл мен құлық. Ақылы терең, құлқы сау адам қандай темпераментті болса да тізгінде, түзу жолға түсіп кете алады. Темпераментті тізгіндей білу үшін, адамның жақсы тәрбиеленуі керек.

Мінез тәрбиесі. Балада берік һәм дұрыс мінез пайда болу үшін мынау негізгі екі шартты орындау керек. 1) Баланың өз колынан келетін іске толық ерік беру. Басқаның қүшіне, көмегіне сеніп кетпей, өз колынан келетін істе ғана тәрбиеші көмек көрсетіп жіберуге міндетті, қүштен асатын іске кірісіп, баланың тауы шағылмас үшін. 2) Баланы құбылмайтын, ұсактықпен қажытпайтын темір тәртіпке (дисциплина) бағындыру керек. Баланы еркіне жіберу оны ерлікке, батырлыққа үйретсе, темір тәртіпке бағындыру оны шыдамдылыққа, табандылыққа үйретеді. Осы екі жақ тең адамның мінезі құшті болмак кой. Баланы тіпті еркіне жібермеу оны жасқаншак, жасық, корқақ қылады. Ал тіпті, тізгінсіз коя беру, ләм-мим демеу, оның бар еркелігін орындаій беру, баланы бейбастақ, ессіз тентек қылыш шығарады.

Осы екі жақтың біреуіне аударып жібермей, баланы ортада ұстай білу үшін тәрбиеші мынаны істей керек: 1) балаға бір нәрсені

істе дегенде ақырмай-бақырмай салмақпен һәм былай да жарайды, былай да жарайды деген сыйылды табансыздық көрсетпеу керек. Тәрбиешінің табансыздығын сезсе, бала оны сыйлаудан, тілін алудан қалады. Және тәрбиеші өзі істе тиянакты, табанды болуга керек. Бала адам айттар емес еліктемпаз болады. Тәрбиеші тиянакты болса, бала оның тиянағына еліктейді. Тәрбиеші тиянақсыз болса, бала оның тиянақсыздығына еліктейді. 2) Балаға бір нәрсені істе дегенде де, сол бүйрықтың себебін үккандай қылып, балаға үқтырып отыруға керек. Себебін үктыра беру керек. Мәні-жәйін үктырмай, құр бүйрық беруші адам тәрбиеші емес. Данышпан Абай айтқандай, ұстаздық қылған жалықлас, үйретуден балаға. Тәрбиеші баланың қаһарлық кожасы болмасын, жұмсак жолдасы болсын.

### БАЛАНЫҢ ЖАЛПЫ ЖАРАТЫЛЫСЫ

Біз кітабымыздың басынан бері жан көріністерін, яғни ақыл, ішкі сезім һәм қайратты баяндадық. Ержеткен адамға қарағанда баланың сол айтылған жан көріністері басқарап түрде болатынын білдік. Мысалы, баланың әсерленуі, суреттеуі һәм ойлау, сезуі ер жеткен адамнан әжептәуір басқа. Баланың бұл жан көріністерінің әрқайсысының жеке-жеке алғанда басқалығы болған сыйылды, бұлардың бәрін тұтас алғанда да басқалық бар.

Бірінші, баланың барлық жан әсері бір-біріне берік байланған болады, бірімен бірі бірге жүреді. Мысалы, баланың денесі мен жаны, ақылы мен сезімі, сезімі мен қайраты бәрі бірге іс кылады, бұлар бір-бірімен құрессе білмейді, бірін-бірі тізгіндей білмейді. Бала бір нәрсеге үмтүлса, сол нәрсеге баланың денесі, жаны, ақылы, сезімі, қайраты — бәрі бірге жұмсалады. Бала шакта алынған әсердің өмір бойы естен шықпауының мәнісі сол, бала шакта алынған әсер ер жеткенде адамның ақылының, ой-пікірінің һәм мінезінің қандай дәрежеде һәм түрде болуына негіз сықылды. Балалықта ылғи жағымды әсер алышса, адам өмір бойы шат көнілді болмақ. Балалықта жағымсыз әсер алса, корлық жоқшылық көрсе, адам өмір бойы қасіретке бейім болмақ.

Екінші, бала ылғи іске үмтүлады. Дені сау бала тіпті қарап отыра алмайды. Бірақ бала не істеуге һәм қалай істеуге білмейді. Сондықтан ол ересек адамдардың не істегенін һәм қалай істегенін өнеге қылады. Баланың еліктемпаз болуы осыдан.

Еліктеу затында тіпті теріс нәрсе емес. Еліктеу адамның жаратылсының бар нәрсе. Еліктемейтін адам болмайды. Себебі бар нәрсені өз ойымен таба алмайды. Оған өмірі де жетпейді. Бәлкі, бас-қалардан қалған ұнамды нәрсені ала қояш. Жалғыз-ақ, жан ісі тіпті әлсіз балада еліктеу тым-ақ күшті болады.

Жоғарыда айтылғандай, баланың жаратылсы ересек адамның жаратылсынан басқа болғандықтан, тәрбиешінің негізгі ұстайтын жолы:

1) Бала еліктемпаз болғандыктан, баланың ылғи сұлу һәм құлықты әсер алуына иждаһат қылу керек. Әсіресе баланың ата, ана һәм тәрбиешісі — солардың өздерінің барлық істері сұлу һәм үлгілі болуға тиісті. Баланың еліктейтіні солар. Және бала тіпті сенімпаз болады. Сондыктан баланы өз күшіне өзін сендіріп үйрету керек. Қолыңнан түк келмейді дей берсең, бала жасқаншаш жасық болып қалады. Осыдан сақтану керек.

2) Бала еш уақытта іссіз отыра алмайтын болғандыктан, балаға ылғи пайдалы іс беріп отыру керек. Сол уақытта бала өмір бойы пайдалы іске әдептеніп кетеді. Болмаса, балаға пайдалы іс берілмесе, ол уақытта бала өз бетімен қайдағы нашар, зиянды істерге әдептеніп кетеді.

Ұзын сөздің қысқасы, бала кәдуілгі адам болғанмен, баланың жаратылышында көп басқалық бар. Балаға тәрбиені өзінің шамасында, жаратылышына қарай беру керек. Жас бала — жас бір шыбық. Жас күнінде қай түрде ііп тастасан, өскенде сол иілген күйінде қатып қалмақ. Теріс иіліп қалған шыбықты артынан түзейміз десен, сындырып аласың. «Баланы бастан» деген сөздің мәнісі осы. Тәрбие деген — баланы бетке қакпай, бетімен жіберу емес. Яки отырса басқа, тұрса аяққа ұрып, көр бала қылып өсіруде емес. Баланы тәрбие қылу — тұрмыс майданында ақылмен, әдіспен құресе білетін адам шығару деген сөз. Қалса өзін, асса барлық адам баласын әділ жолмен өрге сүйрейтін ер шығару деген сөз. Тұрмыста түйінді мәселелерді тез шеше білетін, тұрмыстың тұнғиық тенізін қалың

қайратпен кеше білетін, адалдық жолға құрбан бола білетін, қысқасы, адамзат дүниесінің керек бір мүшесі бола алатын төрт жағы түгел кісі қылып шығару. Баланы мұндай адам қыла алу үшін тәрбиеші бар күшін, бар білімін жұмсаپ, жалықпай, шаршамай үйрете білу керек. Данышпан Абайдың төмендегі сөзімен кітабымызды тәмәмдаймыз.

Устаздық қылған жалықлас,  
Үйретуден балаға.

## **МАЗМҰНЫ**

<b>М. Жұмабаевтың «Педагогика» кітабының үшінші басылуды туралы бірер сез . . . . .</b>	<b>6</b>
Сез алды . . . . .	9
Жинағы . . . . .	10
<b>Жалпы педагогика</b>	
Жетекші сез . . . . .	13
<b>Педагогика белімдері</b>	
Жалпы педагогика . . . . .	19
Дене тәрбиесі . . . . .	20
Жан тәрбиесі . . . . .	40
<b>Жан көріністерін тап-тапқа белу . . . . .</b>	<b>53</b>
Әсерленуді белу . . . . .	60
Абай . . . . .	72
Суреттеу . . . . .	79
Ес . . . . .	85
Хиял . . . . .	89
Ойлау . . . . .	96
Тіл . . . . .	114
<b>Ішкі сезім яки көніл көріністері . . . . .</b>	<b>118</b>
Қайрат . . . . .	141
Баланың жалпы жаратылышы . . . . .	152

**Учебное издание**

**Жумабаев Магжан**

**ПЕДАГОГИКА**

**(на казахском языке)**

**Редактор М. Сундетов**

**Көркемдеуші редакторы С. Алиев**

**Техн. редакторы Н. Мельник**

ЦЕНА

35т

**ИБ № 190**

Теруге 30.06.92 жіберілді. Басуға 29.09.92 дол қойылды. Пішімі  
70×90'. Баспақаналық қағаз. Эріп тұрғы «Тип Таймс». Оффсеттік  
басылым. Шартты баспа табагы 5.85. Шартты болулы беттанбасы 6.07.  
Есепті баспа табагы 5.29. Таралымчы 50 000 дана. Заказ 205. Багасы  
келісім бойынша.

Казахстан Республикасы Баспасөз және бұқаралық әкпарат Министрлігінің «Ана тілі» баспасы. 480124. Алматы қаласы. Абай даңылы, 143-үй.

Казахстан Республикасы Баспасөз және бұқаралық әкпарат Министрлігінің «Кітап» полиграфиялық кәсіпорындары өндірістік бірлестігінің Кітап фабрикасы. 480124. Алматы қаласы. Гагарин даңылы, 93-үй.

## **Қадірлі оқырман!**

**1993 жылы «Ана тілі» баспасынан  
көпшілік оқырман қауымға арналған  
төмендегідей кітаптар жарық көреді:**

- 1. Қазақ макал-мәтелдері.**
- 2. Қазақ жұмбақтары.**
- 3. Қазақ баксы-бәлгерлері.**
- 4. Л. Н. Гумилев. «Көне түріктер».**

**М. Жұмабаев**

Педагогика.— Алматы: Ана тілі,  
1992.—160 бет. (Халық қазынасы)

ISBN 5-630-00194-9

Ж 4303000000—001 032—93  
415(05)—92

ISBN 5-630-00194-9